

Index

Index eorum opusculorum, quae continen-
tur in hoc tome.

- Disquisitio Theologica an peccata mortalia debita
sint in confessione agnenda etc. P. Tarnanque
Quaestio quoadlibet de attritione etc.
Appendix ad quaestionem quoadlibet
Supplicatio pro confraternitate S. Martij
et Trionfo S. Petri et Pauli divinis compendiosis
muriis a S. Fr. Franc. Carli
De indemonstrabilitate immortalitatis ani-
marum Rhacynthi, poeti
Risposta del Card. Bernarmino a due li-
bretti etc.
Lucas R. A. de restitutione auctoris
Vigilant
Racconto della vita di S. Tomaso di Villa
nuova
Privilegia Monasterij S. Catharinae della Per-
gugia de laurea della Collegia S. G. G.
Bulla Praetoris Collegij Praetoris
Discurus S. Petri Corazzini, quoad S. Petri
victor
Ordine S. Augusti di S. G. G. di S. P.
S. G. G.
Laurea S. Petri Praetoris

L'Arte del dire di Mont' Mandi
I Pastori di Bell'onna Convento Missionari di
Gruppo de' SS.
Fratelli ad impugnandum contra Turcas
Alta audientia, Pauli quanti gentis Regis Ceteri
Præces in Propositione Repetitionum
Memoria de' schiavi liberati per D. della
Mercede dalla mano de' Turchi il 1686
Dispositio de' Præcipuis Origenis Josephi
Mariae Suarezii
Officium Nominis B. Mariæ Virginis
recitandum
Carta Columnæ contra Episcopos Reipublicæ
Veretæ, etc.
Benedictio Papæ
Regni del Re di Spagna, e del Gran Turcho
Omnia in unum collecta ex aeris factis
P. Francisco Maria Comares



Museo

DISQUISITIO THEOLOGICA,

AN PECCATA MORTALIA DUBIA
SINT IN SACRAMENTALI
CONFESSIONE EXPLICANDA?

I N Q U A

LUTHERI negantis dogma refertur, & confutatur; Argumentis
cujusdam recentioris incautè eandem doctrinam tradentis
respondetur; & de possessione libertatis agendi, de opi-
nionum probabilitate, & attritione ad Sacramentum
necessaria, nonnulla breviter discutiuntur.

A U T H O R E

F. FRANCISCO FARVACQUES

ORDINIS EREM. S. AUGUSTINI

S. T. DOCTORE LOVANIENSI,

ET IN PERANTIQUA AC NOBILISSIMA ABBATIA

S. GERTRUDIS

LOVANIJ PROFESSORE.

*Ex Bibl. Biblio
Porkens in Cam:*



theos. P. M. an

zibello



Lovanij, Typis CYPRIANI COENESTENII

M. DC. LXV.

Rece. de l'abbaye de St. Gertrude de Louvain le 24. Mars 1766

REVERENDO ADMODUM,
 PERILLUSTRI, ET AMPLISSIMO
DOMINO
D. MAXIMILIANO
VAN LEEFDAEL
EX BARONIBVS DE LEEFDAEL
 PERANTIQUE, PRÆNOBILIS ET CELEBERRIMÆ
 DUCALIS APUD GRUDIOS
 ABBATIÆ DIVÆ GERTRUDIS
ANTISTITI MERITISSIMO,
 CANONICORUM REGULARIUM S. AUGUSTINI
 CONGREGATIONIS WINDESEMENSIS PER
 INFERIOREM GERMANIAM AUCTORI-
 TATE APOSTOLICA AC REGIA
 CONSERVATORI PERPETUO,
 BRABANTIÆ STATUM
 ASSESSORI.

MAXIMILIANE, PRÆSUL
 MAXIME, qui tanti mensuram nominis imple, *Ovid. l. 1.*
 & geminas animi NOBILITATE genus, *de Ponto elegia 2.*
Ecce Amplitudinis Tuae pedibus veneranter sisto Dis-
quisitionem Theologicam de peccatis mortalibus dubijs
in Sacramentali Confessione explicandis à me discussam.
Erit illa gratulationis meae de adepta amplissima Digni-
tate

tate publicum testimonium. Privatum & verbo gratulari prius licuit, nunc demum scripto publico.

Gratulor itaque collatam pro meritis amplissimam Prælaturam. Sed cui primum? Mibine, an tibi, an Nobilissimæ, cui præficeris Abbatie? Verbo dicam: Omnibus. Mibi: quod Te Præsule & studiorum meorum fautore liceat hic Lovanii, in celeberrimo scientiarum theatro, cum otio ac dignitate in studijs theologicis conquirere. Tibi: quod non sub modio, sed super candelabrum Ecclesiæ positus, dotes, ante privatas, publicum facias virtutis exemplum. Nobilissimæ Abbatie: cui cōtingit Prælatum obtinere, à quo possit & debeat maxima quæque sperare, & ornamenti plus accipere, quàm eidem conferre.

Quare gratulor omnibus **AMPLISSIME DOMINE**, & mibi & tibi, & Nobilissimæ cui præficeris Abbatie, imò toti Ecclesiæ cujus interest, ut Ecclesiasticæ functiones idoneis committantur. Et quidem eodem gratulationis genere, quo Cælestinus Pontifex olim sanctæ Synodo apud Ephesum constitutæ gratulabatur de proviso Ecclesiæ Constantinopolitane Pastore Dignissimo **MAXIMIANO**, ego Tibi **MAXIMILIANE** gratulor. Nihil enim in **MAXIMIANO** Constantinopolitano commendat Cælestinus, quod in te **MAXIMILIANE**, totaq; tua vita, magnificè non refulgeat.

(a) in
Eph.
p. 413.

De **MAXIMIANO** scribit Cælestinus: (a) scimus quo itinere Sanctus Frater & Coepiscopus noster **MAXIMIANUS**, quibus gradatim stipendijs ad fastigium sacerdotale pervenit. Non hunc divitiarum gloria, non velut in potentia cupidum, qui solet inesse ambientibus, honorum saltus evexit.

Ausim

Ausim ego non minùs verè pronuntiare: scimus MAXIMILIANE, quo itinere, quibus gradatim stipendijs ad fastigium Dignitatis Abbatialis perveneris. Non te divitiarum gloria, non honorum saltus eduxit: priùs Personatus in Betecom, deinde Plebani ac Præpositi Arschorani munere summa cum laude perfunctus, Abbatialis dignitatis gradum, vocante Domino, ascendisti.

Addit de MAXIMIANO Cælestinus: (a) suffragio pauperum, quibus fidelis servus & prudens cibum dabat in tempore, super omnia Domini sui constitutus est bona. (a) *ibid.*

Addam & ego, Te MAXIMILIANE, suffragio, votis, & precibus pauperum, quibus fidelis servus & prudens cibum dabas in tempore Arschori, super omnia Domini constitutū esse bona, & supremum dignitatis apicem inter tuos consecutum.

Cælestinus in epistola ad Theodosium Iuniorem scribit: (b) talem Ecclesiæ Constantinopolitanæ constitutum esse Pontificem MAXIMIANUM, qui olim hoc se dignum fastigio omnibus, quibus notus est, approbasset. (b) *pag. 414*

Probasti pridem MAXIMILIANE omnibus, quibus notus fuisti, fastigio Dignitatis Abbatialis Te dignum esse, quando Tuorum votis, supremæ illi dignitati destinatus fuisti, & ita omnem vitæ tuæ rationem instituisti, ut gerendæ Insulæ natum te crederent, qui probè noscerent.

De MAXIMIANO iterum Cælestinus (c) bonorum, inquit, hunc actuum palæstra semper exercuit. Quid dicam? totum, quantum est vitæ tuæ institutum, in bonorum actuum palæstra te probat exercitatissimum. Probat id ferventissima tua in Deum, proximumq; charitas: probat assiduitas in precibus (c) *pag. 413*

bus, innocentia in moribus, pietas in actionibus, prudentia in consilijs, erga religiosas familias beneficentia, & quæ nobilium animarum character est, perpetua & constans, in imos, æquè ac summos, urbanitas. Verùm quid ago? notiora sunt illa, quàm ut à me commemorari debeant. Assertio impendatur incertis, testimonium comperta non quærunt, ut iterum

(a) *ibid.* de Maximiano Cælestinus. (a) Quare calamum premo.

Vnum tamen est, quod silentio tegere, & posteritatem celare nefas existimo: excellentem scilicet illum amorè, & Paternam charitatem, quam peste crudelissimè grassante ostendisti, non possum non commendare. Stetisti VIR AMPLISSIME inter grassantis pestis pericula securus, & periculosum illud charitatis officium, duxisti exercitium atque explorationem virtutis tue, imitatus ferventes illos primitivæ, ac innocentioris Ecclesiæ catholicos de quibus ità scribit Dionysius Alexand.

(b) *apud Niceph. l. 6. c. 20* (b) contagiosa lues urbem (Alexandrinam) invasit. Res metu omni illis (gentilibus) horribilior, & crumnâ quâvis calamitosior nobis verò (Christianis) haud quaquam talis, sed non minùs atque alia, EXERCITIUM ATQUE EXPLORATIO... Plurimi itaque fratres pro excellenti suo amore & fraterna charitate sibi ipsis non parcentes, & alius ab alio invicem dependentes, sine metu omni ægrotos visitarunt, magno studio & cura illis in Christo inservientes &c.

Primos illos Ecclesiæ sanctioris pugiles secutus es, VIR AMPLISSIME: pro excellenti tuo amore, & Paterna charitate tibi ipsi non pepercisti, sine metu omni ægrotos visitasti, & magno studio & cura illis inservivisti.

Quocirca

Quocirca nemo satis commendare poterit tam singulare , tamq̃ eximium charitatis officium , quod teste eodem Dionisio efficaciam haud multum abest à martyrio. sic enim subjungit : hoc pacto optimi apud nos fratres , Presbyteri etiam quidam & Diaconi , & ex plebe laudatissimi quique ex hac vita emigrarunt : ut jam id genus mortis pietate multâ & fide roboratum , non multum videretur abesse à MARTYRIO.

Porro , licet martyrimum illud mysticum tibi defuerit , PRESUL AMPLISSIME , non tamen defuisti martyrio : siquidem , obtulisti promptè & hilariter generosum pectus mortis , ita ut contracta peste anthraces jaculante , tu & mors uno tantum gradu divideremini , Deo Ecclesie sue & Nobilissimo Monasterio ad meliora Amplitudinem vestram reservante.

Ceterum , ne pluribus abutar benevolentiam vestram , cui molestum est ab humanis laudibus accipere testimonium , cum soli Deo offerri & probari voluerit illud excellentis amoris & charitatis martyrimum , calamum coerceo , si prius tamen Deum ter Optimum Maximum precatus fuero , ut Amplitudinem Vestram diu sanam , incolumemq̃ conservet . Ecclesie sue & Monasterio , mihiq̃

PERILLUSTRIS, Rdx. Adm. ac
AMPLISSIMÆ Dom. V.

Observantissimo Famulo

F. FRANCISCO FARVACQUES

Ord. Erem. S. Augustini, S. Th. Profess.

in Vestra Abb. S. GERTRUDIS.

Hæc Disquisitio Theologica de peccatis mortalibus dubijs in sacramentali confessione explicandis, doctrinam sanam, & sacris Canonibus, praxique communi in Ecclesia hætenus observatæ consonam continet : & cum fructu in lucem ibit. Datum Lovanij die 24. Aprilis Anno 1665.

JACOBUS PONTANUS

*S. Theol. Doctor & Professor ac
librorum Censor*

APPROBATIO.

Hanc Disquisitionem Theologicam, ab Eximio Patre M. N. Francisco Farvacques elaboratam, ex commissione R. Adm. P. Magistri Provincialis nostri perlégi, & nihil à Catholica Fide alienum inveni. Probat autem rationibus tam solidis, & apertis, peccata mortalia dubia in confessione sacramentali explicanda esse, ut cuilibet Lectori eas benè expendenti, de hujusmodi dubiorum dubio nullum possit superesse dubium. Quare prælo dignam censeo. Datum in Conventu nostro, Ord. Erem. S. P. August Lovanij hac 4. Maij, 1665.

F. ATHANASIUS MAIGRETIUS

S. Th. Lovanij Doctor & Professor.

• FACULTAS R. Adm. P. PROVINCIALIS.

Visâ Approbatione Eximij P. M. Athanasij Maigretij S. Th. Doctoris & Studij Lovanienſis Regentis, consentio, ut Disquisitio Theologica de peccatis mortalibus dubijs in sacramentali confessione explicandis composita ab Eximio P. M. Francisco Farvacques S. Theol. Doctore & Professore lucem videat. Datum Lovanij 5. Maij Anno 1665.

F. JOANNES BAPTISTA DE PERNES

Provincialis Provincia Belgica Ord. Erem.

S. Angustini.

1

DISQUISITIO THEOLOGICA,

*An peccata mortalia dubia sint in sacramentali
confessione explicanda?*

P R Æ F A T I O.

In qua presentis disquisitionis status proponitur.

I. **P**eccata mortalia dubia in sacramentali confessione necessario explicanda esse, maioribus nostris fuit *non dubitabile verum*, omniumq; ea fuit concors sententia, non secus animæ, quàm corporis vulneribus dubijs non dubiam adhibendam esse medicinam. Verùm hoc sæculo, quo nihil propemodum est, quod in dubium non revocetur, cœpit inter catholicos de ipsis peccatis mortalibus dubijs in confessione declarandis non exiguum moveri dubium.

II. Et quidem D. Caramuel, qui, proprio testimonio, ^a *quando errat, ingeniosè errat, operosè & ingeniosè nititur sententiam negantem stabilire*, ^b quod tamen eum facturum fuisse non crediderim, si (quod sequentibus declarabitur) eandem doctrinam Luthero, & Erasmo dudum antea placuisse observasset.

III. Quod priusquàm declarem, & propositę disquisitionis decisionem aggrediar, Lectorem præmonitum cupio me presenti disquisitione non investigare, si ne obligatio confitendi peccata mortalia dubia, de quibus

A

dubi-

^a Theol.
fundam.
p25. 1972
^b p. 673

¶ Ibid.

dubitatio suboritur absque ullo verisimili fundamento, ratione, vel conjecturâ, cujusmodi dubitationibus obnoxij sunt illi, quibus conscientia est scrupulosa, vel, ut loquitur D. Caramuel, *hypocondriaca*,^a quiq̃ue solent trepidare timore, ubi non est timor: nã de hujusmodi peccatis quæstio nulla, est, eò quod, ut ex dicendis cõstabit, possint utiliter, imò subinde debeant in Sacramentali Confessione reticeri.

Verùm præsentì disquisitione illud investigamus, sitne obligatio confitendi peccata mortalia, quæ in dubium revocantur ob aliquod verisimile fundamentum, rationem, vel conjecturam, quæ non de nihilo virum prudentem movere possit, ut dubium, & incertum existimet, an mortaliter deliquerit, nec ne?

§ c. l. ii
de Hære-
picio.

IV. Neque puto scrupulosè hîc distinguendum dubiũ à probabili, quomodò nonnulli dubium non vocant, nisi cum intellectus heret, & omnis omninò assensus suspenditur. Quamvis enim distinctio illa usui veniat cum de fide agitur, in qua non est integrum suspendere assensum, eò quòd juxta Stephanum Papam:^b *dubius in fide infidelis sit*: nihilominus in alijs materijs, maximè moralibus, cùm de re præteritâ, vel factò dubium esse dicitur, distinctio illa non obtinet, neque ità significationem vocis *dubium* constringimus, sed generaliter dicimus illud esse dubium, quod incertum est ob varias utrimque conjecturas, vel rationes, sive interim intellectus hæreat, & omnem assensum suspendat, sive non.

Quod

Quod quidem innumeris exemplis demonstrare facillimum foret, verum sufficiet è multis pauca seligere, quibus hoc viro cordato non possit non persuaderi.

Imprimis tritissimum illud axioma : *in dubio melior est conditio possidentis*, quis obsecro, ita intellexit, ut conditionem possidentis fundum, non putaverit meliorem, nisi omnem assensum suspenderet? Quis non potius obvio illo sensu intellexit, quod melior sit conditio possidentis, quandò negotium incertum est, & sufficientibus documentis probari non potest? Quis discutiendum existimavit, suspenderet quis, an non suspenderet assensum?

V. Similiter aliud æquè commune, & pervagatum axioma : *in dubijs tutior pars est eligenda*: quis nonnisi præposterè detorqueat, ad solos illos casus, quibus omnis suspenditur assensus? hâc namque ratione axioma illud nunquam haberet locum nisi cùm quis pro sua libertate omnem assensum vellet suspendere: cùm enim agatur de dubijs alicui fundamento innixis, semper integrum foret dubitanti elicere assensum aliquem opinativum vel probabilem in vim fundamenti cui dubium innititur, atque ita posset se axiomatis istius vinculis pro arbitrio quilibet eximere.

Constabit hoc magis si ad textus illos unde prædictum axioma petitur est nos conferamus. Clemens 3. cap. ad audientiam ità decernit. *Ad audientiam Apostolatus nostri per venit, quod cùm quidam Presbyter volens corrigere* cap. 12.
de hereticis

quemdam de familia sua, cingulo, quo cingi solebat ipsum verberare tentasset: contigit, quod cultellus de vagina, quæ cingulo adhærebat elapsus eum in dorso aliquantulum vulneravit; Quia verò utrum occasione vulneris decessisset dubium habetur: vestrae discretioni duximus respondendum, quod cum in DUBIIS SEMITAM debeamus eligere TUTIOREM vos convenit injungere Presbytero memorato, ut in sacris ordinibus non ministret.

Quæro, an isto casu necesse fuerit omnem prorsus assensum probabilem abesse, ut Presbyter ille irregularis redderetur? quid si probabiliter putaretur vulneratus non occubuisse ex vulnere cultelli? sanè fundamentum probabiliter id asserendi subministrabat quod refertur ibidem: nimirum, quod postmodum ille vulneratus aliquamdiu vixisset, & convalesceret à vulnere: alia graviore (ut dicitur) infirmitate percussus &c. Amabo; totane ob talem probabilem opinionem ad nihilum recidebat irregularitas?

Simile argumentum duci potest ex capitulo *juvenis* DE SPONSALIBVS, in quo legimus ab Eugenio Papa præscriptum, quod in his, quæ DUBIA sunt, quod CERTIUS existimamus tenere debemus. Videtur enim incredibile, quod in casu ibi posito nullus fuerit, vel esse potuerit pro alterutra parte probabilis assensus.

De pœ-
nit. d. 7.
cap. 2.

Unde fit ut meritiò Glossa ad utrumque citatum capitulum, commune illud axioma, in dubijs tutior pars est eligenda exponat per aliud Augustino adscriptum: tene-
certum,

certum, dimitte incertum: promiscuè, & nullo discrimine usurpans dubium, & incertum.

VI. Quo sensu etiam intelligendam puto communem definitionem, quâ transactio dicitur esse *de re dubia pactio non gratuita*. Nullâ enim ratione existimo, quod transactionis natura suspensionem vel non suspensionem assensus præsupponat, sed incertitudinem rei, & eventus. Unde etiam versus à Glossa relatus,

Incerta de re transactio dicitur esse,

Sed sunt certa pacta favore Rei.

Ad cap. 2.
de
trans-
actioni-
bus.

Ubi quod in definitione transactionis vocatur *res dubia*, in verbiu vocatur *res incerta*.

Possem longè plura in eandem rem adferre, sed quia confido futurum, ut ea quæ allata sunt assensum impetrent, consultò abstineo. Videri interim potest. Cap. *ilud* de Clerico Excom. & cap. *petitio* 24. de homicidio, ubi clarum est agi de dubio, quod probabilem assensum tecum patitur, & perperam capitula illa restringi ad casus, quibus intellectus hæret, & omnis omnino assensus suspenditur.

VII. Quapropter, ut ad propositum revertar, præsentem disquisitionem instituo de ijs peccatis mortalibus, quæ dubia sunt ob aliquod probabile fundamentum, rationem, vel conjecturam, nihil interesse existimans, an quis præbeat, an suspendat probabilem assensum, supponens quod is, qui aliquid probabiliter sentit, verè dicendus sit assentiri, ne quis inutilem, & odiosam moveat de nomine quæstionem.

Non

a q. 5. de
integritate conf
b pag.
674.

VIII. Non possum autem hic prætermittere lepidum Caramuelis commentum: cum enim citasset verba P. Prepositi^a dicentis interdum contingere, *ut homo dubitet, quia utrimque apparent rationes probabiles*, subjungit: *b* *displicet illud verbum ultimum, quia si utrimque probabiles rationes suppetant, non est dicendus habere conscientiam dubiam, sed probabilem, & deinde proponens statum questionis, accuratissimè secernit dubium à probabili, dicens: hic autem non inquirimus an peccata cum non fuisse commissa PROBABILE est debeant in confessione explicari, hæc enim quaestio, inquit, est omnino diversa: sed an debeas confiteri peccata, si DUBITES te commisisse?* Quo nihilominus posito, discriminis illius haud multum memor, tam eum qui probabiliter iudicat, quam qui dubitat ab omni confitendi onere absolvit, manifestè (ut quidem putat) probans ex tridentino quod ut quis teneatur confiteri *debeat certò constare & haberi notitia scientifica de delicti existentia*, tam certum autem est, quàm quid certissimum, non eum tantummodo qui stricte dubitat, verum etiam qui probabiliter iudicat carere *notitiâ scientificâ de delicti existentia*, ac proinde ex mente ac liberalitate Caramuelis utrumque absolvi ab onere confitendi sacramentaliter.

Pag. 678.
679.

Quare cum allegata Caramuelis protestatio fuerit actui contraria, nihil huiusmodi commentum morabor, & propositam disquisitionem eo, quo prius dictum est sensu, sequentibus expendam.

CAPUT PRIMUM.

*De Martini Lutheri circa propositam
Disquisitionem sententia.*

I. **A** Liena fortassis à proposito videbitur hujus capituli inscriptio. Quid enim, inquires, Martino Luthero cum proposita difficultate, quam recte ingenioso Caramuele ^a *omisère veteres, juniores vix audent* ^{a Theol. fund. pag. 673.} *resolvere?* eorum disquiratur sententia, qui enucleandis conscientiarum casibus catholicam dederunt operam. Nam, ^b *quæ participatio justitiæ cum iniquitate? Aut quæ societas* ^{b 2. cor. 6, v. 14.} *lucis ad tenebras!*

Verum quàm non abs re Lutheri sententiam investigemus, & quanti sit ad propositæ disquisitionis decisionem momenti, sequentibus (nî fallor) evidenter demonstrabimus. Et forsitan ille, qui dixit *de tenebris lucem splendescere* ^c ex oppositis lutheranæ doctrinæ tenebris purissimam catholicæ doctrinæ veritatem faciet illucescere in cordibus nostris. ^{c 2. cor. 4, v. 6.}

§. I.

Ostenditur ex ipso Luthero, lutheranum esse dogma, quod mortalia dubia non sint in confessione declaranda, quodque manifesta opposuerit dubijs, non occultis.

II. **L**utheri sententiam ex ijs, quæ bullæ Leonis X. reposuit, scrutemur. Scripserat Ludderus nos non teneri ad confitendum peccata capitalia nisi manifesta, prout litteris ad Romanam.

ad R^{um}. D. Cardinalem moguntinum datis calendis novembris anno 1519. testatur Erasmus roterodamus, & constat ex Lutheri sermone de Pœnitentia.

Scripserat insuper alios errores, tum veritati catholice contrarios, tum Ecclesiæ tranquillitati, & authoritati injuriosissimos. Papa igitur Leo X. vir alioqui mitissimus, ut vidit Ecclesiâ impijs, & seditiosis Lutheri scriptis vehementer turbari undique, dissidiumque in dies magis ac magis incrementum, frustra que Lutherum moneri, 17. calendis julij anno 1520. unum, & quadraginta articulos ex Lutheri scriptis desumptos anathemate percussit. Inter ceteros autem octavum hunc proposito nostro deservientem: *nullo modo præsumas confiteri peccata venialia, sed nec omnia mortalia, quia impossibile est, ut omnia mortalia cognoscas. Unde in primitiva Ecclesia solum manifesta mortalia confitebantur.*

Quamvis autem Leo X. in dictâ constitutione declarasset promptum, & paratum se esse, Lutherum *tamquam filium prodigum ad gremium Ecclesiæ revertentem benignè recipere*, modò ad cor reverteitur, & à prædictis erroribus recederet præscripto sibi temporis termino: nihilominus Lutherus non solum errores suos infra præmissum terminum revocare contempsit, verum tanquam petra scandali pejora prioribus contra catholicam veritatem, tranquillitatem, & authoritatem non est veritatis scribere, & prædicare.

III. Cùmque pessimè illum haberet Leonis X. constitutio unius & quadraginta articulorum suorum damnatoria, cœpit illam impetere, falsitatilque redarguere. Quod singulariter conatus est præstare edito libello, quem inscripsit : ^a *assertio omnium articulorum Martini Lutheri per Bullam Leonis decimi novissimam damnatorum.* ^{a apud Roffensem pag. 71} Quam Lutheri assertionem exhibet, & refutat Joannes Roffensis libro in eum finem specialiter conscripto.

IV. Iuvabit autem expendere, quid ad condemnationem articuli octavi suprâ citati, in quo docuerat nos non obligari ad confitendum peccata mortalia nisi manifesta, respondeat Lutherus : ^b *ego, inquit, de his mortalibus locutus sum, quæ aut aliis, aut sibi manifesta sunt, ut satis in propositionibus, & dictis meis patet: Bulla autem insidiosè loquitur, ac si de solis publicis omnium sensu cognitis fuerim locutus.* ^{b apud Roff. pag. 121.}

Quo quidem suo in responso mentitur Lutherus dicens Bullam insidiosè locutam : utpote, quæ ipsissima Lutheri verba candidè condemnavit ; de sensu porrò verborum nihil decernit. Quis igitur hîc insidiarum locus, vel umbra ?

Fateor tamen ex Lutheri responso manifestè convinci, quod Lutheri sententia fuerit, mortalia dubia non esse in confessione aperienda. Contendit enim, quod pœnitens sola illa debeat in confessione mortalia declarare, *quæ aut alijs, aut sibi manifesta sunt* : indubitatum autem est, quod ea de quibus pœnitens dubitat mortalia, neque

B

alijs,

alijs, neque sibi manifesta sunt. Quare indubitatum etiam erit, quod ex mente Lutheri mortalia dubia non sint in confessione declaranda.

V. Et quamvis dubitari possit, utrum Lutherus tradiderit hanc doctrinam, priusquam articuli prædicti condemnarentur, (qua de re in sequentibus) tamen clarum esse existimo, quod ubi rescivit articulum illum octavum fuisse à Leone X. condemnatum, in mitiorem partem illum interpretatus fuerit, & manifesta non quibuslibet occultis, sed dubijs mortalibus opposuerit, ut hanc ratione plus odij & invidiæ adversus Pontificis execrabilem, ut loquebatur, bullam concitaret.

Quamvis autem manifestiora sint Lutheri verba, quàm ut dubitare nos patiantur, ne quid tamen ad pleniorum hujus rei discussionem desideretur, non erit inutile paucis examinare, quid tam de Lutheri doctrina, quàm de allegato ejus responso & subterfugio senserint, qui Lutheri doctrinæ restiterunt, catholici.

§. 2.

*Idipsum ostenditur ex Ioanne Roffensi, & Eckio,
Iacobo Latio, & Cardinali Bellarmino de
Lutheri doctrina scribentibus.*

VI. **P**rimus in arenam prodeat doctus Christi Martyr Joannes Roffensis, qui cum ea, quæ ex Lutheri responso verba attulimus, refutanda sibi proposuisset, Lutherum

Lutherum sic aggreditur: ^a tam involutè loqueris, ut nemini ^{a refut. art. 8. pag 121} certò cognitum esse possit, quid loquaris. Sic enim dicis, & scribis, ut (cùm tibi libitum sit) omni possis anguillâ faciliùs elabi. Ceterùm, si velis articulum intelligi de mortalibus, quæ fugerint animum confitentis, nec adhibitâ congruâ diligentia redeunt in mentem, nihil ab Ecclesia dissides. Sin de ijs intellexeris, quæ confessus norit, vel DUBITAT esse mortalia, tum profectò articulus meritisimè damnatur: cùm nullum horum in confessione regi posset absque manifesta fictione: neque Bulla, quæ te jure damnat ullis ob id conuictijs meretur lacerari.

Cùm dicat doctissimus hic Martyr Lutherum jure damnari, manifestum est, quod non juxta priorem à se datum sensum (utpote catholicum) intelligat verba Lutheri, sed juxta posteriorem, quo damnatur doctrina, quæ tradit quod confessurus non debeat ea confiteri, quæ norit vel DUBITAT esse mortalia.

Illud ipsum certissimè constat ex ijs, quæ initio responsionis ad eundem articulum octavum scribit idem Rossensis: ^b opinor, inquit, neminem usque adeò cæcum, & ^{b pag? 113} insanum, ut ob UNIVS LUTHERI sententiam, velit tanto discrimini seipsum exponere, quatenus ea, quæ vel norit, vel DUBITAT ESSE LETHALIA, sacerdoti non aperiat.

Et infrà concludens adversus Lutherum: ^c id de quo ^{c pag. 118} DUBITAT quis an sit mortale peccatum, nihilo minùs confiteri tenetur, quàm quod sciret esse tale, quum ex æquo peccatorem obliget utrumque.

VII. Rossensem excipiat, qui primus in arenam cum
B 2 Luthero

Luthero Lipsicę congressurus descendit Joannes Eckius, qui capitis XI. lib. 3. de pœnit. ponit hanc inscriptionem:

† pag. 184. ^a OSTENDITVR CONTRA LUDDERVM ETIAM DVBLIA ESSE CONFITENDA. Deinde caput sic orditur: *at veritatis studio demus Luddero benignam interpretationem, quam in præfata epistola Erasmus attulit, inquit enim sic: scripserat Ludderus nos non teneri ad confitendum peccata mortalia nisi manifesta, sentiens manifesta, quæ nobis essent nota. Quamvis glossa illa sit contra textum: sit ita, quod Ludder manifestum hîc posuerit non contra occultum, sed contra DVBIUM, quia peccata manifesta, id est, quæ nota sunt esse peccata, illa sunt confitenda. Afferro adhuc Luddero errare & peccasse in veritatem catholicam.* Et in progressu capitis agens de eadem Lutheri
† p. 185. doctrina post multa argumenta concludit, ^b quod omnes catholici documentum hoc Ludderanum fugere debent velut pestem animarum, & toxicum Sacramenti pœnitentiæ. Fomentum enim præberet malitiæ, & occultationi peccatorum, nutrimentum esset desidiæ, & negligentia.

VIII. Accedat Jacobus Latomus S. Theol. apud Lovanienses Professor celeberrimus, quique inter primos Luthero velut murum aheneum sese opposuit, & Alberti Myræi testimonio: ^c *primas Novatorum fraudes detexit, & conatus impios fregit.* Scribit itaque strenuus ille Lutheri Antagonista ad articulum tertium Lutheri à Lovaniensibus condemnatum: ^d *qui DUBITAT an peccaverit mortaliter, an non, & an consensus ad illicitum sit mortalis, vel perfectus & plenus, an non? nonne tutius erit confiteri? & quis secundum*

^e de scrip
Eccl.
parte 2.
pag. 40.

^d pag. 31.
sol. 2.

secundum Martinum (Lutherum) securum reddet pœnitentem de remissione? nonne in tali casu non confitens amat periculum contra illud Ecclesiastici tertio, qui amat periculum peribit in illo?

IX. Denique, ut omnis dubitationis amoveatur umbra, Cardinalis Bellarmini in Lutheri scriptis versatissimi lucidissimam profero non modò sententiam, verùm etiam ratiocinationem. Sic enim libro 3. de pœnitentia capite 1. discurret: *Dubitari solet, quid per manifesta peccata, quæ sola ad confessionem pertinere voluit Lutherus, intellexerit: non enim defuerunt olim, qui eum excusare vellent. Aut igitur manifesta peccata occultis opposuist, aut dubijs, aut omninò incognitis etiam ipsi peccatori. De omninò incognitis non potest esse locutus, ea siquidem ne catholici quidem volunt esse confitenda, neque carnificam Lutherus appellasset sententiam catholicorum, si in eadem sententia etiam ipse fuisset. De occultis non se etiam locutum testatur ipse in assertione octava. Quare id solum restat, ut de DUBIIS intellexerit: qui certè NON PARVUS EST ERROR.* col. 1340.

Non potuit luculentius asseri, aut efficacius convinci, Lutherò manifesta peccata dici, quæ non sunt dubia, ac proinde ex ejusdem sententia, mortalia dubia non esse in confessione declaranda. Aliquid tamen lucis accedet ex ijs quæ statim subjungemus, quibus ostendetur, quod Lutherus diu ante condemnationem pontificiam ità senserit, ubi & causam allegabimus, cur insistendo principijs doctrinæ à se traditæ nō potuerit aliter docere.

6.3. Luth.

§. 3.

Lutherus ante omnem condemnationem Leonis X. docuit mortalia dubia non esse in confessione exponenda: idque constat ex ipso sermone de pœnitentia unde articulus 8. desumptus est. Articulus 8. mendosè legitur MANIFESTA, legendum MANIFESTE MORTALIA.

X. EX dictis puto constare Lutherum saltem post cōdemnationem Leonis X. docuisse peccata mortalia dubia non esse in confessione recensenda: lubet nunc *plus ultra* progredi, & investigare quid senserit priusquam emanaret ulla condemnatio Leonis X.

Et quidem minimè dubito, quin Erasmus Roterodamus in ea fuerit sententia, quod Lutherus ante omnem Leonis X. condemnationem manifesta opposuisset dubijs, non occultis. Sic enim scribit Alberto Cardinali moguntino calendis novembris Anno 1519. septem & amplius mensibus ante omnem pontificiam articulorum Lutheri condemnationem: *compertum est quosdam nominatim damnaſſe (in Luthero) quæ non intellexerant. Quorum illud est unum. Lutherus scripſerat nos non teneri ad confitendum peccata capitalia niſi manifesta, ſentiens manifesta, quæ nobis confitentibus eſſent nota. Id quidam ſic interpretans, quaſi manifesta eſſent, quæ PALAM eſſent admiſſa, dociferatus eſt miris modis in re non intellecta. Ubi ex ſententia Erasmii Lutherus manifesta nō vult eſſe quæ palam facta ſunt, ſed quæ nobis confitentibus manifestè nota ſunt.*

Verum,

Verum, quia non est tanta Erasmi autoritas, quin facile negari possit, & insuper Lutherum sic explicat Erasmus, ut ab errore vendicat, nolo ipsius autoritate presentem doctrinam stabilire.

XI. Appello itaque ad ipsum Lutherum, imò ad illum ipsum sermonem de pœnitentia, *diu ante condemnationem pontificiam* ^a conscriptum, ex quo desumptus est articulus octavus à Leone X. condemnatus. Quid prædicto sermone doceat Ludderus juvabit discere à Joanne Eckio libro 3. de pœnitentia capite 9. ^b *quomodo*, inquit, *de peccatis mortalibus sentiat eo sermone* (de pœnitentia) *audiamus*. Nam cum jussisset nullo modo confitenda peccata venialia, subdit, *sed nec omnia mortalia, quia impossibile est, ut omnia mortalia cognoscas: ad impossibile autem nemo obligatur. Vnde in primitiva ecclesia solum manifesta mortalia confitebantur*. En articulum octavum. Ut autem sciremus quis sit sensus hujus articuli, subjungit Eckius ex eodem sermone hæc alia Lutheri verba præcedentem articulum declarantia: *ideò duplici sis modo confitendi instructus: uno quo sacerdoti omnia manifestè mortalia confitearis: quamquam difficile sit discerni mortalia à venialibus: & nisi sint in opere manifestò, aut EVIDENTI CONSENSU CORDIS, ut maledictio, furtum, homicidium, luxuria, IRA &c. alio quo Deo cōfitearis reliqua omnia*. Hæc Ludderus, inquit Eckius.

Ex his verbis clarissimum esse opinor, quod Lutherus peccata manifesta non opposuerit occultis, sed dubijs. Si enim manifestum occulto opponeret, velleretque
sola

^a apud
Eckium
l. 3. de
pœnit. c.
10. p. 183
^b pag.
183.

sola publica, id est, *quæ palàm essent admissa*, in confessione declaranda, prout interpretabatur quidam Carmelita, cujus meminit Erasmus epistolâ immediatè citatâ, profectò nunquam Lutherus sub disiunctione dixisset: nisi sint *in opere manifesto, aut evidenti consensu cordis*. Neque enim *consensus cordis*, prout *ab opere manifesto* distinguitur, publicè palamque admittitur.

Accedit insuper, quod illis particulis: *ira, &c.* videatur Lutherus omninò intellexisse peccata merè interna: siquidem *ira*, prout *ab homicidio, & opere manifesto* distinguitur, peccatum est merè internum. Unde verba illa Matthæi quinto, ^a *qui irascitur fratri suo*, ad internam nocendi voluntatem referre consueverunt interpretes, si ve, ut loquitur Janssenius in Concordia, ^b *ad iram, quam quis in corde retinet compressam*: planeque hoc exigit textus verborum Christi gradatim procedentis per gradus iræ, seu motuum tendentium ad homicidium. Nam *primus gradus*, inquit Maldonatus, ^c *est ira in verba non erumpens, secundus contumeliosum verbum ex ira proficiscens, tertius magis contumeliosum, quo fatuus, aut stultus appellatur*.

Fieri etiam potuit, quod Lutherus loco particulæ *&c.* quam exhibet Joannes Eckius, posuerit peccata quædam interna, cujusmodi est invidia, vel certè si iisdem particulis *&c.* usus fuerit Lutherus, secutus Apostolum ad Galatas quinto ^d comprehenderit etiam inimicitias, emulationes, invidiam, aliaque peccata, quorum seriem nobis ibidem proponit Apostolus.

Quinimò

Quinimodò, re benè consideratâ, negari non potest, quin Lutherus sermone de pœnitentia docuerit peccata occulta & interna in confessione declaranda : nam verba illa articuli octavi : *in primitiva Ecclesia solum manifesta mortalia confitebantur*, primùm probat ex Apostolo 1. ad Cor. 5. deinde ex prædicto loco ad Galatas 5. *Manifesta sunt opera carnis &c.* Certum est autem Apostolum ad Galatas quinto comprehendere peccata etiam occulta & interna, cujusmodi ab Apostolo enumerantur *inimicitia, & emulationes*. Falsum ergo est, quod Lutherus dicto sermone de pœnitentia docuerit sola peccata publica esse in confessione exponenda : ergo ulterius falsum est, quod manifesta peccata opposuerit occultis & consequenter verum, quod opposuerit peccatis dubijs.

XII. Atque ita Lutherum intellexisse videtur Jacobus Latomus ad articulum tertium, *nam cum allegasset verba jam citata Lutheri : ideò duplici sis confitendi modo instructus &c.* colligit Lutherum docere peccata mortalia dubia non esse in confessione explicanda. Sic enim infert : *qui DUBITAT an peccaverit mortaliter, an non, & an consensus ad illicitum sit mortalis, vel perfectus & plenus, an non? nonne tutius erit confiteri? & quis secundum Martinum (Lutherum) securum reddet pœnitentem de remissione? nonne in tali casu non confitens amat periculum &c.*

XIII. Quapropter non usquequaque falsum videtur, quod Lutherus ipse dicit apud Roffensem, *c* constare ex
C
propo-

4 apud
Eckium
Pag. 183
col. 4.

1 Pag. 31
col. 2.

c. refut.
art. 8.
pag. 183

propositionibus, & dictis suis, quod fuisset locutus de mortalibus, quæ aut alijs, aut sibi manifesta sunt; quandoquidem illo ipso sermone de pœnitentia, unde delumptus est articulus damnatus dilertè egisset de ijs, quæ opere manifesto ALIIS, vel evidenti cordis consensu SIBI MANIFESTA SVNT.

XIV. Pro complemento doctrinæ hujus paragraphi lubet observare articulum octavum Lutheri, prout circumfertur, sive librariorum incuriâ, sive alia ex causâ à plerisque mendosè legi. Communiter enim sic legitur: *unde in primitiva Ecclesia solum manifesta mortalia confitebantur*: cum tamen legi deberet: *manifestè*, ut sit adverbium, non nomen. Sic enim constanter legit Roffensis, dum prædictum articulum citat & refutat. Magni autem ponderis est dicti Roffensis testimonium in præsentī negotio, proptereâ quoddam incredibile sit prudentem illum Martyrem adulterasse articulum, quem ex Lutheri scriptis excerptum sibi refutandum proposuerat.

Cum Roffensi legit Cardinalis Bellarminus libro 3. de pœnitentia cap. 1. dum ità describit Lutheri de confessione errorem: *in sermone de pœnitentia docet (Lutherus) non esse confitenda venialia, nec omnia mortalia, sed ea tantum, quæ sunt MANIFESTÈ mortalia.* Et infrâ: *articulo octavo negat (Lutherus) omnia peccata mortalia esse confitenda, & addit in antiqua Ecclesia sola peccata MANIFESTÈ mortalia ad confessionem adduci consuevisse.*

Sic etiam legit Petrus Cudsemius in speculo Ecclesiæ,
ubi

ubi sic habet : ^a in visitatione sua saxonica, & in sermone de ^{a loco 23}
 pœnitentia afferit (Lutherus) non esse confitenda omnia pecca- ^{pag. 223.}
 ta, neque venialia, neque mortalia, sed MANIFESTÈ mortalia.

Quin ex ipso Luthero facilè ostendi potest legendum
 esse manifestè, non manifesta. Nam eo sensu & locutionis
 genere propugnat articulum suum 8. apud Rossensem. ^{b pag. 121.}
 fuisse, inquit, in primitiva Ecclesia solū MANIFESTÈ mortalia
 confessionibus tractata, satis probant epistolæ Pauli, Patrum
 scripta & historia, quas Bulla tam impudenter damnare audet.

Et in ipso sermone de pœnitentia, verbis, quæ dam-
 nantur in articulo octavo, subjungit hanc conclusio-
 nem : ideò duplci sis modo confitendi instructus : uno quo sa-
 cerdoti omnia MANIFESTÈ mortalia confitearis &c.

Fuit autem Luthero familiaris modus ille loquendi,
 nam Jacobus Gretserus Societatis Jesu Theologus in
 summula casuum conscientię de Sacramentis ex Luthe-
 ro, Calvino, & Beza fideliter collecta, exhibet nobis hæc
 Lutheri verba in colloquio germanico titulo de con-
 fessione auriculari : ^{c qu. 9.} hominum quibus peccata mortalia, quæ ^{pag. 128.}
 MANIFESTÈ mortalia sunt, & conscientiam gravant, debet
 confiteri, cætera missa faciat.

Idem Gretserus infrà exhibet nobis similia Lutheri
 verba ex tractatu de ratione confitendi : ^{d qu. 14.} hoc ego contentus ^{pag. 134.}
 sum, quod non omnia peccata cordis sint confitenda. Si autem
 aliqua sunt confitenda, ea tantum assero, quæ ipse MANIFESTÈ
 scit sese contra divina mandata in corde statuisse.

Ex quibus omnibus manifestè apparet castigandam esse vulgarem lectionem articuli octavi Lutherani, & cum Roffensi, Bellarmino & alijs legendum esse *manifestè mortalia*, non *manifesta*.

Sed & illud manifestè apparet quo sensu docuerit Lutherus nonnisi peccata manifestè mortalia in confessione declaranda: sensus enim est planus, facilis & obuius, quod sola illa peccata sint in confessione declaranda, quæ *manifestè*, id est *perspicuè*, *clarè*, & *citra omnem dubitationem* noscuntur esse mortalia, qualia sunt, quæ *versantur in opere manifesto*, aut *evidenti consensu cordis*. Juxta quam interpretationem perspicuum est ab obligatione confitendi excludi peccata dubia, non occulta.

§. 4.

Præoccupatur quadam ad prædicta responsio. Argumenta in oppositum sic retorquentur, ut ex objectis Lutheri verbis præcedens doctrina evidentiissimè confirmetur.

XV. **A**D ea, quæ paragrapho præcedenti fundata, & optimè constituta sunt, non occurrit, quid cum specie veritatis responderi possit, nisi fortè, quod Lutherus *per evidentem consensum cordis* intelligere voluerit illum, qui externo aliquo signo alijs sese manifestat, & hæc ratione peccatum publicum facit.

Verùm, quid est, si hoc non est, divinare? quo enim indicio, quâ conjecturâ deprehenditur, tam aliena à verborum significatione, Lutheri intentio? quid? quod circumstan-

cumstantiæ ipsius locutionis Lutheranae tali conjecturæ invictissimè resistunt? Siquidem Lutherus expressè distinguit peccata, quæ sunt *in opere manifesto*, à peccatis, quæ sunt *in evidenti consensu cordis*: quæ tamen distinctio funditus ruit, si vera sit data responsio.

Patet hoc, quia adulterium, aut aliud quodvis peccatum *in opere manifesto*, juxta hanc responsionem deberet dici *evidens consensus cordis*, quatenus adulterium manifestat interiorem consensum cordis. Item *evidens consensus cordis* v.g. invidiæ, odij &c. signo externo manifestatus deberet dici *opus manifestum*, manifesta enim est invidia, odium &c. quandò talia signa externa accedunt, quæ invidiam, odium &c. manifestant, & quodammodò publicæ notitiæ insinuant.

XVI. Deniq; ne quid supersit scrupuli lubet ex ipsius Lutheri tractatu de ratione confitendi ostendere quid per evidentem consensum cordis intellexerit; si tamen priùs ex Joanne Eckio * Lectori significavero, quod Lutherus sermonem de pœnitentia primò fecerit, & deinde anno nondum elapso rationem confitendi in lingua germanica vernacula emiseric, quæ postea per sui erroris sectatores Basilea ex prælo latine est reddita.

* l. 3. de
pœnit. c.
10. p. 183

In hac itaque ratione confitendi, quamvis Lutherus subdubitet jam impudentior factus, utrum oporteat confiteri occulta peccata cordis, tamen expressit, quid per *evidentem consensum cordis* intellectum voluerit.

a pag.
134.

Verba Lutheri sic nobis exhibet memoratus Jacobus Gretſerus quæſtione 14. *hoc ego contentus ſum, quod non omnia peccata cordis ſunt conſitenda. Si autem aliqua ſunt conſitenda, ea tantùm aſſero, quæ ipſe MANIſEſTÈ SCIT ſeſe contra mandata diſvina IN CORDE STATVIſſE.*

Ecce, quid ſit *evidens conſenſus cordis*, quandò nimirùm quiſpiam *maniſeſtè ſcit ſeſe contra mandata diſvina in corde ſtatuiſſe peccare*. Non dicit, *in externo ſigno, vel opere*, ſed *in corde ſtatuiſſe*, quod nullâ ratione dependet ab externa maniſeſtatione: & ipſum vocabulum *ſtatuiſſe* ſatis indicat agi de peccato, quod interiùs in animo abſolvitur, quamvis exteriùs non maniſeſtetur.

b nu. 11.
c l. 3. de
pœnit. c.
10. pag.
134.

XVII. Non ignoro ab hac doctrina diſſentire Joannem Eckium, qui Carmelitæ, cujus ſuprà meminimus, b cauſam adedò ſulcepit, ut diceret, quod *c omnis homo, qui ſpirat, qui habet micam ſani judicij citra affectionem mox ſentiat ex inductione Ludderum loqui de maniſeſto, ut pugnat cum occulto.*

Sed ejus authoritate induci non poſſum, ut à propoſita ſententia diſcedam, proptereà, quod ijs utatur argumentis, quibus non modò reſpondere, verùm etiam ſententiam noſtram retorquendo evidenter probare ſit facillimum.

d ibid.
pag. 133.

Primùm itaque obijcit nobis verba Lutheri in tractatu de ratione conſitendi ſic Latinè reddita: *d an peccata cordis occulta, ac ſic ſoli Deo, & homini, qui fecit ea, cognita perti-*

pertineant ad confessionem sacramentalem, extra meum captum est: lubentissimè negarem, nec enim ullâ viâ, aut ratione, aut scriptis probari potest. Et infrà pergit: *si oporteat occulta confiteri.* Ex quibus concludit Eckius, quod in sermone de pœnitentia Lutheri intentio fuerit, quamvis *ob sermonis brevitatem involuta*, docere, quod occulta mortalia non sint in confessione declaranda.

XVIII. Verùm oppositum ex verbis allegatis colligi debuerat. Sic enim lubet argumentari: Lutherus in tractatu de ratione confitendi dicit esse *extra suum captum, an peccata cordis occulta pertineant ad confessionem sacramentalem?* ergo antea in sermone de pœnitentia non negaverat pertinere. Item Lutherus ibidem dicit, quod *lubentissimè negaret*: ergo antea in sermone de pœnitentia non negaverat. Item Lutherus ibidem loquitur sub conditione, *si oporteat occulta confiteri*: ergo antea non docuerat, absolutè quod non oporteret occulta confiteri.

Similem argumentandi rationem nobis suppeditant verba Lutheri ex eodem tractatu de ratione confitendi suprâ relata ex Gretsero: ^{4 nu. 16.} dicit enim Lutherus: *hoc ego contentus sum, quod non omnia peccata cordis sunt confitenda*: ergo non docuerat sermone de pœnitentia, quod nulla peccata cordis essent confitenda. Item dicit Lutherus ibidem: *si autem aliqua sunt confitenda &c.* Ergo antea non docuerat absolutè nulla peccata cordis confitenda.

Quare tantùm abest, ut à sententia nos dimoveat
Eckij

Eckij ratiocinatio, ut è diverso sententiam nostram citatis ab Eckio Lutheri verbis clarissimè probari putemus. Non enim dubitasset Lutherus, an occulta cordis peccata forent in confessione declaranda, si prius, ut vult Eckius, docuisset manifesta tantum peccata, id est quæ palàm sunt facta, in confessione aperienda.

Quapropter ad argumentum Eckij respondetur verissimum esse, quod ibidem suggerit Eckius, scilicet Lutherum datum in reprobum sensum deteriora fuisse secutum, etiam contrà quàm ab initio senserit. Contigit enim Luthero, quod passim dicitur: *nemo derepente fit malus*. Unde cum in exordio suæ hæreseos docuisset peccata cordis non esse in confessione declaranda nisi adesset evidens cordis consensus, progressus in impudentia ausus est dubitare, an oporteret in confessione exprimere peccata cordis, etiam cum evidente consensu cordis.

XIX. Cæterùm, ne quid Lector desideret, audiamus alterum Eckij argumentum. Sic igitur colligit: *a quod Ludder omninò ità senserit, manifesta solum peccata confitenda, id est, quæ palàm sunt facta, probo.... quoniam Apostolus Paulus, quem allegat Ludder, sic habet in nostra vulgata translatione: b si qui frater nominatur inter vos, est fornicator, avarus &c. certum est Apostolum hic loqui de notorijs peccatoribus &c.* Ex quo infert: quod omnis homo, qui spirat, qui habet micam sani iudicii citra affectionem, mox sentiat ex inductione Ludderum loqui de manifesto, ut pugnat cum occulto.

Ultrò

a l. 3. de
peccat. c.
10. pag.
124.

b 1. cor.
5. v. 11

Utrò concedimus Joanni Eckio Apostolum loqui de notorijs peccatoribus, immò juxta Augustinum de peccatoribus in quos ^a *sententia ordine judiciario, atque integritate profertur* : negamus tamen nos propterea non spirare, aut micam sani judicij non habere, quamvis dicamus Lutherum sermone de pœnitentia, non loqui de manifesto, ut pugnat cum occulto. Quid si enim asseramus Lutherum intempestivè & præposterè adferre verba Apostoli ? quid si dicamus (quod ipsi familiare est) sacro textu abulum ? quid flagitij, si homini flagitiosissimo imprudentiam, aut lapsum adscribamus ?

Deinde argumentum retorqueri potest, quoniam Lutherus non tantùm allegat locum Apostoli Pauli ad Corinthios, sed insuper alium ad Galatas: ^b *manifesta sunt opera carnis &c.* certum est autem Apostolum ad Galatas non loqui de solis publicis, sed etiam de occultis, cujusmodi sunt æmulationes, invidia &c.

Ad argumentum itaque directè respondetur, locum Apostoli ad corinthios non adferri à Luthero, ut probet publica peccata in confessione declaranda: neque enim hoc spectabat ad Lutheri propositum; sed locus ille, sicut alter ad Galatas, adfertur à Luthero ad probandum dari quædam peccata MANIFESTÈ, id est certò & citra omnem dubitationem *mortalia*, ea scilicet, quæ 1. ad Corinth. 5. & ad Gal. 5. enumerantur. Contendit enim illa omnia ob expressam sacrę scripturę locutionem esse manifestè.

D

morta-

mortalia : reliqua autem de quibus non constat manifestè & citra dubitationem, quod sint mortalia, negat in confessione manifestanda ob rationem, quam subjungimus.

§. 5.

*Ratio cur Lutherus juxta fundamenta doctrinae suae
necessariò docuerit mortalia dubia non esse
in confessione explicanda.*

XX. **I**N promptu ratio est : docuerat enim Lutherus articulo 35. condemnato, quod *nemo sit certus se non semper peccare mortaliter propter occultissimum superbiae vitium*. Huic autem doctrinae consecrarium erat, quod quilibet posset, & deberet semper dubitare, num in quolibet opere peccasset mortaliter. Ex quo ulterius sequebatur peccata mortalia dubia esse innumerabilia, quae idcirco in confessione enumerari non possent. Quapropter ne præcepto confessionis contineretur aliquid observatu impossibile, negabat consequenter Lutherus mortalia dubia in confessione aperienda.

apud
Eckium
l. 3. c. 9. p.
183.

§. 21. 35.

Fiet hoc perspicuum attentè legenti verba Lutheri: *nullo modo confitearis peccata venialia, sed nec omnia mortalia, quia impossibile est, ut omnia mortalia cognoscas*. At quorsum impossibile, nisi quia homo semper dubitat, & *nemo certus est se non semper peccare mortaliter propter occultissimum superbiae vitium*? hæc profectò, & non alia videtur esse ratio impossibilitatis à Luthero allegata. 21. Ne-

XXI. Neque verò à me primùm excogitata est hujusmodi observatio, insinuavit illam pridem Joannes Roffensis sic Lutherum compellans: ^a *inferiùs habes* (articulo 35.) *neminem esse certum se non semper peccare mortaliter propter occultissimum superbia vitium. Ex quo consequitur, quod de omni opere, quod facit peccator vereri debet ne sit mortale peccatum. Ex quo ulteriùs consequitur, quod in sententia Lutheri peccata dubia, de quibus peccator in omni opere vereri debet ne sint mortalia, debeant etiam esse innumerabilia, quorum enumeratio in confessione sit impossibilis, ac propterea non præcipiatur.*

^a refut?
art. 8. p.
118.

Non debet ergo mirum videri, quod Lutherus docuerit mortalia dubia in confessione non esse exprimenda, cùm hoc planè connexum foret ejus articulo 35.

CAPUT SECUNDUM.

Quæ fuerit Leonis X. de proposita disquisitione sententia?

HActenùs studiosè, diligenterque investigavimus, & uti confido, assecuti sumus Lutheri de proposita disquisitione sententiam, neque à proposito nostro alienum duximus ipsum Lutherum interrogare, quia, ut rectè Tertullianus, ^b *ex æmulis nonnunquam testimonium necessarium, si non æmulis profit.* Superest, ut à tenebris Lutherani erroris ad oppositam veritatis catholice lucem, quam nobis præferet Leo X. convertamus mentis oculos.

^b lib de
anima
cap. 2.
pag. 343.

§. I.

Leo X. iteratâ constitutione damnavit doctrinam, quæ requirit manifestam scientiam, vel evidentem notitiam peccati mortalis, ut quis obligetur illud confiteri.

I. Acta sunt ea, toto capite præcedente, fundamenta, quibus non erit admodum difficile catholicæ doctrinæ veritatem superstruere. Asserendum itaque imprimis ab homine catholico sustineri non posse, quod non sit obligatio confitendi mortalia, nisi de quibus habetur manifesta scientia, vel evidens notitia.

Manifestissimè hoc evincit duplex Leonis X. adversus Lutherum constitutio, quarum prima, quæ incipit

^a Bullar. ^a *exurge Domine &c.* data est anno 1520. decimo septimo calendis Julij: altera, quæ incipit: ^b *deceat Romanum Pontificem &c.* data est anno 1521. tertio nonas Januarij. Utraque enim constitutio damnat hunc octavum Lutheri articulum ex sermone de poenitentia desumptum: *nullo modo præsumas confiteri peccata venialia, sed nec omnia mortalia, quia impossibile est, ut omnia mortalia cognoscas. Vnde in primitiva Ecclesia solum manifestè mortalia confitebantur.* Cujus articuli damnati non est hic sensus, quem plerique falsè imaginantur, quod sola mortalia manifesta, id est publica & notoria sint in confessione declaranda, contrarium enim probatum est capite præcedenti: sed genuinus articuli prædicti sensus est,

prout

^a Bullar.
tom. I. p.
614.
^b ibid.
pag. 618.

prout ostendimus etiam suprà, quod sola mortalia sint in confessione exprimenda, quæ *manifestè*, id est, *clarè*, *perspicuè*, & *citra omnem dubitationem* sunt mortalia, sive, ut ipse Lutherus loco, unde articulus desumptus est, exponit: *a quæ sunt in opere manifesto, aut evidenti consensu cordis*: & in assertionem ejusdem articuli & *b quæ, aut alijs, aut sibi manifesta sunt*: & in tractatu de ratione confitendi: *quæ ipse manifestè scit sese contra divina mandata in corde statuisse*. De quibus toto capite præcedente. Ergo ab homine catholico sustineri non potest, quod non sit obligatio confitendi mortalia, nisi de quibus habetur manifesta scientia, vel evidens notitia. Nam illæ locutiones: *non oportet confiteri mortalia, nisi de quibus habetur manifesta scientia, vel evidens notitia*, nullo modo differunt ab his locutionibus Lutheri: *non oportet confiteri nisi mortalia, quæ sunt in opere manifesto, vel evidenti consensu cordis, item quæ alijs, aut sibi manifesta sunt &c.*

II. Ex quo colligitur nullâ ratione defendi posse, quod alicubi tradit D. Caramuel pœnitentem non debere confiteri mortalia nisi de quibus habetur *c notitia* *c p 678.* *scientifica*, vel nisi *d certò constet de delicti existentia*: quia *d p. 679.* doctrina illa damnatione articuli octavi perstringitur. Nihil magis tolerari potest argumentum, quo infrà probat dubia in confessione non esse declaranda, quia *e in dubijs non datur scientia*: malè supponens quod *e ibidem* non sit obligatio confitendi peccata, de quibus non datur scientia.

D 3

§. 2. Eâ-

a serm.
de pœnit
apud Ec
kium
pag 183.
b apud
Reifen.
pag 122.

§. 2.

Eâdem Leonis X. condemnatione videtur perstringi doctrina, quæ negat mortalia dubia in confessione explicanda.

III. **A** Ssero insuper, quod sententia, quæ negat mortalia dubia in confessione explicanda, videatur iteratâ Leonis X. de qua paragrapho precedenti, condemnatione perstringi. Assertio hæc non æquè evidenter, ac præcedens infertur ex condemnatione articuli octavi lutherani. Quid si enim quis neget hanc consequentiam, quam capite præcedenti supposuimus: *Lutherus peccata manifestè mortalia non opposuit occultis, ergo dubijs?*

Existimo tamen efficaciter, etsi non æquè evidenter, ex condemnatione articuli octavi lutherani probari assertionem positam. Scat enim, stabitque invictum illud Roberti Bellarmini argumentum: ^{a l. 3. de} *aut Lutherus* ^{pernit.} *manifesta peccata occultis opposuit, aut dubijs, aut omninò incognitis, etiam ipsi peccatori. De omninò incognitis non potest* ^{c. 1.} *esse locutus, ea siquidem ne catholici quidem volunt esse confitenda, neque carnificinam Lutherus appellasset sententiam catholicorum, si in eadem sententia etiam ipse fuisset. De occultis non se etiam locutum testatur ipse in assertionem octava, & nos toto capite præcedenti probavimus. Quare id solum restat,* ^{pag. 134°} *ut de DUBIIS intellexerit: qui certè NON PARVUS EST ERROR.* Et

Et verò, nisi fateamur octavo Lutheri articulo condemnari doctrinam catholicorum, oportet aliquod discrimen inter Lutherum, & catholicos agnoscere. Quare dum Lutherus affirmat sola manifestè mortalia in confessione exponenda, oportet, ut ab onere confessionis excludat quædam peccata, quæ catholici confessionis obligationi subijciunt: non occurrunt autem alia peccata mortalia, quæ potuerit & voluerit Lutherus ab onere confessionis excludere, quàm mortalia dubia, cùm occulta, quæ sunt in *evidenti consensu cordis* doceat in confessione declaranda, & occulta prorsus ignota, nemo catholicus doceat in confessione explicanda.

Accedit quod connexio doctrinæ ipsius Lutheri exigeret, ut manifestè mortalia opponeret peccatis dubijs, prout capite primo §.5. declaratum fuit. Quare cùm non possit commodè de alijs peccatis intelligi, quorsùm dubitemus de mortalibus dubijs intelligere?

Denique firmat præsentem assertionem, quod catholici scriptores, quorum meminimus capite 1. §.2. unanimiter tribuant Luthero, quod manifestè mortalia opposuerit dubijs, & dicant articulum meritissimè damnari, cœcum & insanum esse, qui cum Luthero sentiat, Lutherum errare, & peccasse in veritatem catholicam, quodque in tali casu non confitens amet periculum, contra illud Ecclesiastici tertio, *qui amat periculum peribit in illo?* prout videri potest loco citato.

§. 3. *Consu-*

§. 3.

*Confutatio cujusdam, quæ ad prædicta adferri
posset, responsionis.*

I. S Perabit fortè quispiam allati argumenti vim declinare, respondendo articulos præfatos non condemnari in sensu, quem continent scripta Lutheri, sed absolute, nullâ habitâ consideratione scriptorum Lutheri. Unde, quod spectat articulum 8. de quo est quæstio, dici poterit, quod Pontifex dicto articulo, nihil aliud voluerit decernere, quàm, quod non sola peccata publica & notoria sint in confessione manifestanda; quidquid sit de mente, & scriptis Lutheri.

Sed indignum est confutatione tam infirmum & debile responsum. Ut quid enim Pontifex utramque constitutionem adversus Lutherum direxisset, si nullam Lutheri, aut scriptorum ejus rationem haberi voluisset? quorsùm tam frequens & odiosa Lutheri in utraque constitutione mentio, si nulla doctrinæ Lutheri haberetur consideratio? Quid? quod Pontifex primâ suâ constitutione expressè & nominatim dicat, quod ^{ad 5. p. 6. 16.} *errores præfati & plures alij continentur in libellis, seu scriptis Martini Lutheri?* Ergo prædicti articuli non damnantur absolute, & nullâ scriptorum Lutheri habitâ consideratione, sed prout continentur in libellis seu scriptis Martini Lutheri.

Deinde,

Deinde, gravissima illa Pontificis de Luthero querimonia: ^b *dudum siquidem, quod prae animi angustia & ma-* ^{l. 6. r.}
rore exprimere vix possumus, fide dignorum relatu, ac famâ ^{pag. 616}
publicâ referente ad nostrum pervenit auditum, immò verò
pro dolor! Oculis nostris vidimus, ac legimus multos
& varios errores &c. quò spectat, nisi, ut doceamur ar-
ticulos damnari non vago & incerto sensu, sed eo quem
Pontifex proprijs oculis, videndo & legendo, ex scriptis
Lutheri discere potuerat?

Denique testatur ibidem Pontifex, quòd articulo-
rum prædictorum damnatio facta est, ^c *habitâ super præ-* ^{l. 5. 9.}
dictis erroribus & eorum singulis diligenti trutinatione, dis- ^{pag. 617}
cussione, ac districto examine, maturâque deliberatione, omni-
busque ritè pensatis, ac sapiens ventilatis cum venerabilibus
fratribus sanctæ Romanæ Ecclesiæ Cardinalibus &c. Ergò
actum est de scriptis Lutheri, & sensu articulorum in
ejus libris contentorum: quò enim aliàs spectaret
tantus apparatus diligentis trutinationis, discussionis,
districti examinis, maturæ deliberationis &c. nisi, ut age-
retur de articulis & propositionibus ad Lutherum, ejus-
que scripta pertinentibus? falsum proinde apparet, quod
articuli prædicti damnentur absolutè & nullâ habitâ
scriptorum Lutheri consideratione: ac per consequens
falsum est, quod Leo X. per manifestè mortalia intel-
lexerit ea dumtaxat, quæ publica & notoria sunt, item,
quod de mente Lutheri nihil sollicitus fuerit.

E

Immò

V. Immò quàm plurimæ sunt, quæ mihi suadeant, conjecturæ, quod Leo X. priusquàm ederet posteriorem suam constitutionem, sciverit Lutherum articulo 8. manifestè mortalia non opposuisse peccatis occultis, sed dubijs. Siquidem diu ante posteriorem hanc constitutionem Erasmus roterodamus doctrinam articuli 8. interpretatus fuerat de peccatis mortalibus, non palàm factis, sed quæ nobis confitentibus essent nota, ut constat ex dictis. * Omninò autem verisimile est, quod interpretatio illa Erasmi, sicut & ejusdem litteræ ad Cardinalem moguntinum datæ, venerint in notitiam Leonis X. antequam posteriorem constitutionem conderet, interfluxit enim spatium quatuordecim, ut minimùm, mensium. Similiter credibile est, ante posteriorem constitutionem innotuisse Pontifici, quod Jacobus Latomus eundem articulum de peccatis duobus explicaret, scripsit enim Latomus integro anno ante posteriorem Leonis X. constitutionem, prout constat ex epistola præmiali ad Rodolphum de Monckedamis data anno 1520.

Quin etiam specie veritatis non caret, quod Pontifex ante posteriorem constitutionem viderat & legerat assertionem omnium articulorum &c. de qua supra ^b, in qua Lutherus declarat per manifestè mortalia se non intelligere publica, sed quæ alijs, aut sibi manifesta sunt. Nam videtur ad illam assertionem sese referre Pontifex, quando

^a c. 1. nu.
3. & 4.

quandò dicit de Luthero : *a tamquam petra scandali pejora* a tom. 2.
Bull. 5. 2.
pag. 618.
prioribus contra nos, & hanc sanctam sedem, & fidem catho-
licam scribere, & predicare non est veritus. Hoc enim si us-
 quam, certè commemoratà assertionem fecit insolentissi-
 mè. Unde facilè mihi persuasero, quod assertio illa,
 quam testatur Cochlæus b anno 1520. conscriptam, fue- b pag. 289
 rit, per ipsum forè Cochlæum, Romam ad sanctam se-
 dem quantociùs transmissa, quandoquidem plurimùm
 intererat Sedis Apostolicę huiusmodi blasphemias cog-
 noscere. Testatur etiam Bellarminus, c quod Lutherus
 post condemnationem pontificiam, addidit mox asser- c l. 7. de
Indulg.
c. 1. col.
2560.
 tionem prædictam. Et verò titulus ipse assertionis lu-
 theranę, quo Lutherus jactat sese asserere *omnes articu-*
los per Bullam Leonis decimi NOVISSIMAM damnatos, ab-
 undè significat non multùm temporis interjectum fuisse
 inter Leonis X. novissimam condemnationem, & op-
 positam Lutheri assertionem.

VI. Quæ omnia simul collecta valdè vehementem
 conjecturā nobis ingerunt, quod Leo X. sciverit Luth-
 erum articulo octavo manifestè mortalia opposuisse du-
 bijs, non occultis, saltem antequam ultimam suam con-
 stitutionem ederet. Quapropter cùm nihilominus Pon-
 tifex prestiterit in condemnatione omnium eorundem
 articulorum, apparet eo sensu damnatum esse articulum
 octavum, quo Lutherus manifestè mortalia oppone-
 bat peccatis dubijs, non occultis, & negabat mortalia
 dubia in confessione esse declaranda. E 2 Cap. 3.

CAPUT TERTIUM.

*Quæ fuerit Concilij Tridentini de confessione
mortalium dubiorum sententia?*

¶ 1. I. Caramuel in sua Theologia fundamentali ^aputat veritatem esse, quæ *clarissimis verbis Tridentini* probetur, peccata mortalia dubia non esse in confessione aperienda. Cujus sententiæ accedere videntur nonnulli è recentioribus sentientes eam doctrinam, si non veritati, saltem doctrinæ à synodo tridentina traditæ conformiorem. Verùm absit, ut synodus tridentina Leonis X. constitutionibus contradixerit, & non potius Lutheri doctrinam reprobaverit.

Et quidem fateor, quod Concilium tridentinum non declaraverit disertis, & expressis verbis mortalia dubia in sacramentali confessione necessariò explicanda esse: nihilominùs existimo tam urgentibus & manifestis indicijs hoc ipsum à tridentino tacitè insinuaturn, ut argumenta, & probationes, quas subministrat, intellectui non præoccupato plenam fidem facere possint & debeant: ac proptereà veritatem hîc obtinere debeat vulgare dictum Jurisconsultorum, quod ^b*expressi & taciti par sit virtus, & potentia*. Priusquàm autem argumenta, & probationes in medium proferam, operæ pretium erit investigare, quid de Lutheri dogmatibus sanxerit tridentinum? fortassis enim etiam inde aliquid lucis accedet.

§. 1. *Triden-*

^a apud
Everard.
loco 17.
p. 171.

§. I.

Tridentinum universis canonibus de sacramento pœnitentiae perstringit, vel doctrinam, vel plerumque ipsissima Lutheri verba.

II. **Q**Uamvis synodus tridentina agens de confessione sacramentali non perstringat nominatim Lutherum, quemadmodum nec solet alios hæreticos, quorum errores condemnat; tamen indubitatum est, quod, cum sessione 14. damnat varios errores de confessione sacramentali fidei catholicæ oppositos, ad Lutheri doctrinam attenderit, eamque specialiter perstringere voluerit. Cujus rei infallibile est argumentum, quod omnes prorsus canones de Pœnitentia damnati à tridentino, vel doctrinam, vel plerumque ipsissima Lutheri verba anathemate feriant. Conferamus doctrinam doctrinæ, & verba verbis.

Canon primus tridentini sic habet: *si quis dixerit in Ecclesia catholica Pœnitentiam non esse verè, & propriè Sacramentum, pro fidelibus, quoties post Baptismum in peccata labuntur ipsi Deo reconciliandis, à Christo Domino nostro institutum, anathema sit.*

Quid porrò Lutherus? libro de captivitate babil. PROPRIÈ, inquit, ea sacramenta vocari visum est, quæ annexis signis promissa sunt; quò fit, ut si rigide loqui volumus tantum duo sint in Ecclesia Dei sacramenta, Baptismus & Pa-

a lib. 1.
de poe-
nit. c. 9.
col. 1193

nis, cum in his solis, & INSTITUTUM divinitus signum, & promissionem remissionis peccatorum videamus. Nam POENITENTIAE SACRAMENTUM, quod ego his duobus accensus signo visibili, & divinitus INSTITUTO caret. Ex quibus verbis ita statuit Bellarminus, ^a verum, & propriè dictum, sacramentum esse Pœnitentiam, primus negavit hoc nostro sæculo Lutherus. Et infra: adversus hunc errorem edidit synodus tridentina canonem primum sess. 14. de quo jam agimus.

Canon secundus tridentini sic habet: si quis sacramenta confundens ipsum Baptismum, Pœnitentia sacramentum esse dixerit, quasi hæc duo sacramenta distincta non sint, atque ideò Pœnitentiam non rectè secundam post naufragium tabulam appellari; anathema sit.

b lib. 1.
de poe-
nit. c. 12
col. 1194

Quid verò Lutherus? teste Bellarmino, ^b primus author fuit erroris hoc canone damnati: quod colligit lex verbis illis ejusdem libro de capt. Babyl.: præbuit his opinionibus occasionem verbum illud periculosum D. Hieron. si ve malè positum, si ve malè intellectum, quo POENITENTIAM APPELLAT SECUNDAM TABULAM POST NAUFRAGIUM, QVASI BAPTISMUS NON SIT POENITENTIA. Hinc enim ubi in peccatum lapsi fuerint, de prima tabula, seu navi desperantes, SECUNDÆ tantum incipiunt niti, & fidere TABULÆ, id est Pœnitentiæ. Et infra: Pœnitentiæ sacramentum aliud non esse dixi, quam viam, ac reditum ad Baptismum.

c Ioan.
20. v. 23.

Canon tertius tridentini sic habet: si quis dixerit, verba illa Domini Salvatoris: ^c accipite Spiritum sanctum quorum

quorum remisieritis &c. non esse intelligenda de potestate remittendi, & retinendi peccata in sacramento Pœnitentiæ, sicut Ecclesia catholica ab initio semper intellexit anathema sit.

Quid hîc Lutherus ? hunc locum Joannis 20. ita mordet, ut non vereatur pronuntiare : si aliquis locus Bibliæ repugnet clanculariæ Confessione, tunc hîc præsens existat, prout refert Eckius lib. 4. de pœnit. c. 6.^a Apud quem fusiùs videri potest prava verborum Christi : quorum remisieritis &c. à Luthero data interpretatio, ex qua inter cætera infert : absolutionem esse juris pœnitentis, non Confessoris, quodque pœnitens habeat jus eam exigendi, sed sacerdos non habeat potestatem eam denegandi. 4 pag. 195.

Quod autem Tridentinum dicat anathema, si quis verba Christi : quorum remisieritis &c. detorserit contra institutionem hujus sacramenti ad auctoritatem prædicandi Evangelium, etiam ad Lutherum pertinet ; nam effugium illud est omnibus hæreticis, ac proinde etiam Luthero, commune, explicare verba Christi de remissione peccatorum non judiciaria, & ex potestate quadam quasi prætoria, sed per Evangelij prædicationem, prout docet nos Bellarminus lib. 1. de pœnit. cap. 10.^b Et verò nihil Luthero fuit familiarius, quàm remissionem peccatorum tribuere fidei per Evangelij prædicationem excitatæ. Undè in assertionem articuli 12. c nostri, inquit, adulatores malunt remissionem peccatorum tribuere potestati ministrorum, ut in se confidamus, quàm fidei, quâ in Dei verbum credamus. b pag. 1194. c apud Hoff. pag. 131.

Canon

Canon quartus tridentini sic habet : *si quis negaverit ad integram , & perfectam peccatorum remissionem requiri tres actus in pœnitente , quasi materiam sacramenti Pœnitentiæ , videlicet , Contritionem , Confessionem , & Satisfactionem , quæ tres Pœnitentiæ partes dicuntur &c. anathema sit.*

Quid econtrà Lutherus ? TRES esse PARTES POENITENTIÆ , VIDELICET , CONTRITIONEM , CONFESIONEM , SATISFACTIONEM , non est fundatum in sacra scriptura , nec in antiquis sanctis Doctoribus , inquit articulo quinto. Et diu postea in refutatione articulorum Lovaniensium propositione 37. ^a POENITENTIA , inquit , à Lovaniensium synagoga tradita (scilicet , quod sit CONTRITIO , CONFESSIO , & SATISFACTIO) est nulla nisi ludæ proditoris , & similibus , ideò ut hæretica est damnanda.

a l. i. de
pœnit.
cap. 19.
pag. 1236

Eodem Canone tridentinum infligit anathema , si quis dixerit duas tantum esse Pœnitentiæ partes , terrores scilicet incussos conscientie agnito peccato , & fidem conceptam ex Evangelio &c. De Luthero testatur disertè Bellarminus , ^b quod in articulis Smalchaldicis anno M. D. XXXVII. editis , in cap de Pœnitentia DVAS PARTES POENITENTIÆ ESSE docet , Legem & Evangelium , siue quod est idem , ut ipse ibidem explicat , Contritionem ex minis Legis , & FIDEM EX EVANGELII PROMISSIS CONCEPTAM.

b Ibidem.

Canon quintus Tridentini sic habet : *si quis dixerit eam Contritionem , quæ paratur per discussionem , collectionem & detestationem peccatorum , quâ quis recogitat annos suos in amaritu-*

amaritudine animæ suæ ponderando peccatorum suorum gravitatem, multitudinem, scditatem, amissionem æternæ beatitudinis, & æternæ damnationis incursum cum proposito melioris vitæ, non esse verum, & utilem dolorem, nec preparare ad gratiam, sed facere hominem hypocritam, & magis peccatorem &c. anathema sit.

Audiat Lutherus articulo 6. Contritio, quæ paratur per discussionem, collectionem, & detestationem peccatorum, quâ quis recogitat annos suos in amaritudine animæ suæ ponderando peccatorum gravitatem, multitudinem, scditatem, amissionem æternæ beatitudinis, & acquisitionem æternæ damnationis: hæc Contritio facit hypocritam, imò magis peccatorem. Quis non palpet ipsissima Lutheri verba à tridentino perstringi? quis non notat eandem verborum seriem, ordinem, & capitulum 38. Isaïæ allegationem?

Canon sextus tridentini sic habet: si quis negaverit Confessionem sacramentalem, vel institutam, vel ad salutem necessariam esse jure divino, aut dixerit modum secretæ confitendi soli sacerdoti, &c. alienum esse ab institutione, & mandato Christi, & inventum esse humanum; anathema sit.

Quid denuò Lutherus? articulo à parisiensi facultate theologica damnato apud Eckium tradit, quod Confessio illa, quæ nunc agitur occultè in aurem nullo potest IVRE DIVINO PROBARI. Et apud Gretserum admonitione ad francofordienses, largitur Confessionis libertatem, quod quidvis confitetur pro arbitrio, vel non. Et apud eundem

843. pag. 2. tom. 1. Lat. Witeb. hom. de Confessione: *auricularem*

321.

Confessionem, quæ fit coram SACERDOTE Papa MANDAVIT: eam Deus non præcepit, verum Papa ad eam coegit homines.

8 apud Ec-

kium l. 3.

de pœnit.

c. 10. pag.

183.

Et in libro de ratione confitendi, *suspiscatur Confessionem peccatorum cordis occultorum, esse INVENTUM, vel avarorum, aut curiosorum &c.*

Canon septimus tridentini sic habet: *si quis dixerit in sacramento Pœnitentiæ ad remissionem peccatorum necessarium non esse jure divino confiteri omnia, & singula mortalia &c. anathema sit.*

8 apud

Græc.

q. 2.

pag. 127.

Lutherus contra articulo 8. nullo modo præsumas CONFITERI venialia peccata, sed nec OMNIA MORTALIA &c. Et in colloq. german. tit. de confessione auriculari: *c in Confessione NECESSARIUM non est, ut OMNIA PECCATA enumerentur, sed quilibet, quidquid lubet, dicere potest: nemo à nobis lapidatur.*

8 apud

Græc.

q. 17. pag.

136.

Tridentinum eodem canone damnat eum, qui dixerit non esse necessarium jure divino, confiteri peccata occulta, & quæ sunt contra duo ultima Decalogi præcepta. Quid verò Lutherus? tractatu de ratione confitendi, *d ipsa*, inquit, *Dei præcepta breviter sunt inspicienda, in quibus sine dubio omnia peccata continentur, si rectè intelligantur. Nec tamen hæc omnia, sed ULTIMA duo prorsus à Confessione sunt excludenda.* Unde Eckius *c* refert hunc articulum Lutheri à theologica parisiensi facultate damnatum: *peccata CONTRA DUO ULTIMA PRÆCEPTA DECALOGI COMMISSA, sunt prorsus à Confessione secludenda.*

Tri-

Tridentinum ibidem damnat eum, qui dixerit non esse necessarium confiteri *circumstantias*, quæ peccati *speciem mutant*, & capite 5. damnat eum, qui dixerit *unam tantum circumstantiam confitendam esse*, nempe *peccasse in fratrem*. Velut Echo respondet Lutherus de captivitate Babilonica: *ego, quidquid est circumstantiarum, consuluerim penitus contemnere: apud christianos UNA EST CIRCUMSTANTIA, QUÆ EST PECCASSE IN FRATREM.*

4 apud
Gretf. q.
11. pag.
131.

Tridentinum eodem canone damnat eum, qui dixerit, eos, qui omnia peccata confiteri student nihil relinquere velle *divinæ misericordiæ ignoscendum*. Lutherus illud ipsum expressissimis verbis asserit articulo 9. in quo confidenter dicit: *dum volumus omnia purè confiteri, nihil aliud facimus, quàm quod MISERICORDIÆ DEI NIHIL VOLUMUS RELINQUERE IGNOSCENDUM. Quis hîc non observet anathema tridentini, hæc ipsissima Lutheri verba ferire?*

Denique eodem canone damnatur, qui dixerit, non licere confiteri peccata *venialia*, & capite 5. qui negaverit, quod *venialia citra omnem præsumptionem in Confessione dicantur*. Lutherus autem articulo 8. *nullo modo PRÆSUMAS confiteri venialia.*

Canon octavus tridentini sic habet: *si quis dixerit Confessionem omnium peccatorum, qualem Ecclesia servat, esse impossibilem, anathema sit.*

Lutherus articulo 8. *nullo modo præsumas confiteri omnia mortalia (prout facit Ecclesia) quia impossibile est, ut omnia mortalia cognoscas.*

F 2

Item

a apud
Cresc.
quæst. 16
Pag. 131.

Item damnat tridentinum eum, qui dixerit ad Confessionem non teneri omnes & singulos utriusque sexus fideles, juxta magni Concilij Lateranensis constitutionem semel in anno &c. Lutherus autem, de ratione confitendi docet, a doctrinam illam, quæ vulgatur in Ecclesia ex Decretis, quod semel in anno, omnium suorum peccatorum (sicut sonant verba) debeat facere confessionem omnis christianus, aut esse diabolicam, & homicidissimam, aut egentem multo & laxo temperamento.

b apud
Coch-
lzum in
sepe iei-
pice Lu-
thero
cap. 30.

Tridentinum ibidem damnat eum, qui dixerit suadendum esse Christi fidelibus, ut non confiteantur tempore quadragesimæ, idque ob Pontificis in Concilio Lateranensi constitutionem. Lutherus autem in libro de confessione ad Franciscum de Sicking b fidele, inquit, consilium meum est, ut homo christianus tempore quadragesimæ, & paschatis non confiteatur, nec ad sacramentum accedat. Et cogitet ita: ecce quando hoc præcepit homo, Papa scilicet, OB ID IPSUM NON FACIAM, & si non præcepisset vellem facere, faciam autem alio tempore, quo non præcepit.

Canon nonus tridentini sic habet: si quis dixerit Absolutionem sacerdotis non esse actum judiciale, sed nudum ministerium pronuntiandi, & declarandi remissa esse peccata, modo tantum credat se esse absolutum, aut sacerdos non serio, sed joco absolvat, anathema sit.

Postrema hæc verba, quibus priora explicantur, sunt ipsissima Lutheri articulo 12. SI SACERDOS NON SERIO,

SED IOCO ABSOLVERIT, SI TAMEN CREDAT SESE ESSE ABSOLUTUM, *verissimè est absolutus.*

Canon decimus tridentini sic habet, *si quis dixerit sacerdotes, qui in peccato mortali sunt, potestatem ligandi, & solvendi non habere, anathema sit.*

Quid verò Lutherus? docet ille teste Eckio a quod pec-
 cator non habeat claves Ecclesie, nec absolvat. Quid, inquit, hic
 fiet? *antequàm Christus commisit Apostolis POTESTA-*
 TEM SOLVENDI, ET LIGANDI PECCATA, insufflavit in
 eos, & dixit: accipite Spiritum sanctum, quorum remiseritis
 peccata remittentur eis. Hic est conclusum neminem posse re-
 mittere peccata nisi habeat Spiritum sanctum: quia verba sunt
 aperta: non cedunt.

Tridentinum ibidem anathematizat, *si quis dixerit non solos sacerdotes esse ministros absolutionis, sed omnibus & singulis Christi fidelibus esse ductum:* *b quacumque ligaveritis super terram, erunt ligata & in cælis, & quacumque solveritis super terram &c.* Lutherus hoc docet articulo 13. in cujus assertione *c* intrepidè affirmat: quod autem absente sacerdo-
 te, etiam puer, aut mulier, & quilibet christianus absolvere
 potest, Matthæi 18. clarè patet, ubi Christus OMNIBUS chri-
 stianis dicit: QUODCUMQUE SOLVERITIS SUPER TER-
 RAM SOLUTUM ERIT IN COELIS. Hanc indicatam autho-
 ritatem non mihi subvertent.

Tridentinum ibidem redarguit eos, qui dicunt, quod quilibet absolvere possit peccata publica per correptionem dumtaxat: secreta verò per spontaneam confessionem. Luth-

a l. 4 de
 Pœnit.
 cap. 10.
 P. 199.

b Matth.
 16. v. 19.

c apud
 Ross.
 Pag. 138.

a apud
Grecl.
quæst. 28
pag. 148.

Lutherus libro de captivitate babylonica, non dubito, inquit, eum esse à peccatis suis absolutum, quisquis sive SPONTE CONFESSVS, sive CORREPTVS veniam petierit, & emenda verit coram quovis privatim fratre, quia Christus manifestè dedit ABSOLVERE CVLIBET suo fideli.

Canon undecimus trid. sic habet, si quis dixerit, Episcopos non habere jus reservandi sibi casus, nisi quoad externam poenitentiam, atque ideò casuum reservationem non prohibere, quò minùs sacerdos à reservatis verè absolvat, anathema sit.

b apud
Ross.
pag. 135.

Lutherus ex adverso cùm articulo 13 docuisset, quod in Sacramento poenitentiae non plus facit Papa, aut Episcopus, quàm mulier, sibi obijcit, b at casus reservati hic Papæ plus tribuunt? & respondet: at illi hominum statutis inventi, non evangelico mandato positi sunt. Nec ad remissionem culpæ, sed ad remissionem poenæ tantum valent. Poenitens enim, ac credens justus est, licet nondum satisfecerit reservatori casuum, hoc est tyranno violento conscientiarum, qui RESERVANDI NULLUM JUS UNQUAM HABUIT.

Canon duodecimus trid. sic habet: si quis dixerit totam poenam simul cum culpa remitti semper à Deo, anathema sit.

c l. 3. de
Poenit.
cap. 1.
pag. 175.
d pag. 163

Ludder, inquit Eckius, c in contrarium curiens subtrahit satisfactionem poenitentiae, quia DEUS REMITTENDO CULPAM REMITTAT OMNEM POENAM. Et Rossensis ad articulum 17. d Lector admonendus est, quod inter nostram, & Lutheri sententiam nihil inter sit, nisi, quod Lutherus POENAM peccatis prioribus debitam opinatur, unà CUM CULPA condonari.

Triden-

Tridentinum ibidem damnat eum, qui dixerit satisfactionem pœnitentium non esse aliam, quam fidem quâ apprehendunt Christum pro eis satisfecisse. Lutheri doctrina est, quod ^a apud Deum nullâ re egemus, nisi solummodò nudâ fide. ^a apud Gress. q. 32. pag. 155. Et in assertione articuli 17. ^b verba, inquit, & opera Christi omnibus sunt salutaria ad vitam quicumque ea APPREHENDERIT, nec possunt nisi FIDE APPREHENDI. ^b apud Ross. pag. 169.

Canon decimus-tertius tridentini sic habet, si quis dixerit pro peccatis quoad pœnam temporalem minimè Deo per Christi merita satisfieri pœnis ab eo inflictis, & patienter toleratis, vel à sacerdote injunctis, sed neque sponte susceptis, ut jejunijs, orationibus, & eleëmofynis &c. Atque ideo optimam pœnitentiam esse tantum novam vitam, anathema sit.

Lutherus contrà, ut ab hoc postremo dicto incipiam, articulo 7. verissimum est, inquit, proverbium omni doctrinâ de contritionibus huc usque datâ præstantius, quo dicitur OPTIMA POENITENTIA NOVA VITA.

Quod attinet autem ad priorem partem articuli, assertione articuli 5. vehementer autem, inquit, odi & sublatum vellem hoc vocabulum, SATISFACTIO, quod non modò in scripturis non invenitur, sed & periculosum habet sensum, quasi Deo quisquam possit pro ullo peccato satisfacere, quum gratis ille ignoscat omnia.

Unde in libro de captivitate Babyl. ^c sic instant, inquit, & necessariam faciunt (satisfactionem) ut fidei in Christum non relinquunt locum, miserrimè excarnificatis eo scrupulo conscientijs ^c apud Gress. quart. 32. pag. 156.

scientijs, alio currente Romam, alio hac, alio illuc, alio in Carthusiam, illo in alium locum, alio virgis se flagellante, alio corpus suum vigilijs & IEIUNIIS occidente.

Canon decimus-quartus tridentini sic habet, si quis dixerit satisfactiões, quibus pœnitentes per Christum Iesum peccata redimunt, non esse cultus Dei, sed traditiones hominum doctrinam de gratia, & verum Dei cultum, atque ipsum beneficium mortis Christi obscurantes, anathema sit.

o apud
Ross. pag
95.

Lutherus non absimilia habet ad articulum 5. ^a ostendant si possint, ubi in tota scriptura, unus apex aut iota scribatur, pro peccato mortali debere satisfieri septem annis? nonne hæc omnia sunt postea indenta ab Episcopis? Et ad articulum 17. ^b satisfactiões nihil faciunt ad justificationem, idè insignis est blasphemia, merita Christi in hoc sordidum opus mortis ponere.

6 ibid.
169.

Canon decimus-quintus tridentini sic habet: si quis dixerit clades Ecclesiæ esse datas tantum ad solvendum, non etiam ad ligandum, & propterea Sacerdotes dum imponunt pœnas confitentibus agere contra finem clavium, & contra institutionem Christi, & fictionem esse, quod virtute clavium, sublatâ pœnâ aternâ, pœnâ temporalis plerumque exsolvenda permanes, anathema sit.

e1. 3. de
pœnit. c.
16 pag
169.

Lutherus apud Eckium: ^c figmentum dicit esse de pluribus CLAVIBUS in involutionibus de indulgentijs. Et infra: *faceffant nuga, unas novimus clades tantum in terra traditas.* Item Lutherus, inquit Rossensis in posteriore opusculo

opusculo contra captiv. babil. ^{a c. 1. p. 4} contendit nihil prorsus in peccatore relinqui, post cujuslibet sacerdotis absolutionem, quod ^{11. 2. 9.} Pontifex deleat.

Ex quibus omnibus inter se comparatis perspicuum est, tridentinum sessione 14. universis canonibus de sacramento poenitentiae, vel dogmata, vel ipsissima Lutheri verba perstrinxisse: ac proinde non esse dubitandum, quod Lutheri doctrinam ibidem præ oculis habuerit, eamque condemnare voluerit, quamvis Lutheri nomen speciatim non expresserit. Restat, ut eo constituto ex tridentino argumenta depromamus, quibus planum fiat, tridentinum Caramueli non tantum non patrocinari, verum etiam adversari.

§. 2.

Varia ex sessione 14. tridentini capite 5. adversus Caramuelem argumenta.

III. **A**RGUMENTUM I. Tridentinum sess. 14. capite 5. tradit institutam esse à Domino integram peccatorum mortalium confessionem, & omnibus post baptismum lapsis jure divino necessariam existere: sed non erit confessio integra, sed potius truncata & mutila, si mortalia dubia sponte & operâ deditâ sileantur. Ergo.

Confirmatur 1. Tridentinum agens de confessione sacramentali perstringit doctrinam Lutheri, ut habetur

G

ex dictis

ex dictis §. præcedente: Lutherus autem sic negabat confessionem mortalium debere esse integram, ut ab obligatione confitendi eximeret mortalia dubia, prout ostensum est toto capite primo. Ergo tridentinum è contrà, sic voluit confessionem mortalium debere esse integram, ut statueret obligationem confitendi mortalia dubia.

Confirmatur 2. Integritas confessionis de qua agit tridentinum, est illa, quam theologi vocant formalem, quandò scilicet confessio mortalium tam integrè fit, quàm *pro temporis & circumstantiarum opportunitate fieri potest*, prout exponit Franciscus Suarez disput. 23. sec. 1. § 1. p. 321

Unde Catholici hæreticis importunè oggannientibus, quod integritas confessionis mortalium sit impossibilis, assiduè respondent, non requiri à catholicis integritatem confessionis mortalium, nisi quantum fieri potest, seu pro nostræ possibilitatis modo. Catholici omnes, inquit Bellarminus respondens Calvino obijcienti enumerationem peccatorum esse impossibilem, ^b *id solum jubent, ut peccata omnia QUANTUM IN NOBIS EST (quâ phrasi Calvinus utitur in explicanda confessione, quæ & eo fit) enumeremus, dum coram sacerdote conscientiam nostram aperimus.* Et Albertus Pighius: *nec est verum, inquit, quod calumniantur hæretici, nostrâ doctrinâ injici conscientijs laqueos, quâ integram peccatorum confessionem exigimus: nam integritatem illam non intelligimus absolutè, & simpliciter, sed pro nostra*

POSSI-

§ 1. 2. cap.
26. pag.
2406.

b contra-
part. 8.

POSSIBILITATIS MODO. Item, Ioannes à Daventria ad articulum 12. conf. Aug. *Necessaria est peccatorum integra confessio (integram vocamus eam, quæ post justam examinationem integrè fit pro POSSIBILITATE confitentis. Jam verò, qui filet in confessione mortalia dubia non confitetur tam integrè, quàm pro temporis & circumstantiarum opportunitate fieri potest, neque per talem confessionem omnia mortalia confitemur quantum in nobis est, seu pro nostræ possibilitatis modo, aut pro possibilitate confitentis. Ergo talis confessio non est integra ex mente tridentini, & catholicorum.*

a in
Harm
confess.
August.
pag. 244.

IV. Quare non est eadem ratio de mortalibus dubijs, & de occultis, sive quæ memoriâ exciderunt: hæc enim non pertinent ad integritatem confessionis, à tridentino requisitam, quia quantum in nobis est, & pro nostræ possibilitatis modo, fieri non potest, ut confiteamur, quæ memoriâ exciderint: secùs autem sese res habet in mortalibus dubijs, quæ possumus, quantum in nobis est, & pro nostræ possibilitatis modo confiteri: unde non est, quod ad necessariam confessionis integritatem non pertinere dicantur.

V. ARGUMENTUM 2 præcedenti affine. Tridentinum ibidem subjungit, quod *Dominus noster Iesus Christus è terris ascensurus ad cælos, sacerdotes sui ipsius vicarios reliquit, tamquam præsides, & Iudices, ad quos OMNIA MORTALIA deferantur, in quæ Christi fideles ceciderint.* In quibus verbis

G 2 expendi

expendi debet illa universalis locutio: *omnia mortalia deferantur*: cum enim tridentinum non restringat, neque nos debemus locutionem universalem restringere. Si quidem generaliter verum est, quod ubi lex non distinguit, nec nos distinguere debemus, prout communiter docent cum glossa in cap. *solita* 6. *de major. & obed.* Unde locum habet hic, quod perperam in sententia suæ patrociniū adfert Caramuel: *nemini privato* (ergo nec Caramueli) *concessum*, ut *universales positiones dictatas, & revelatas à Spiritu sancto restringat*: ille enim, quæ hodie restringuntur, summo totius Ecclesiæ consensu, & consilio restringuntur, & hoc propter rationes fortissimas, quæ in præsentī locum non habent. Si enim quæcumque ratiuncula (ut est Caramuelis) sufficeret, ut universaliter latus leges remitteret, & ad aliquos singulares casus reduceret, periclitaretur decalogus, abblanderis enim tibi, & millenas exceptiones & limitationes faceres. Quamobrem cum universalis hæc positio tridentini dictata, & revelata à Spiritu sancto, *omnia mortalia deferantur ad sacerdotes*: non restringatur summo totius Ecclesiæ consensu, & consilio ad mortalia certa, & indubitata, non debet à Caramuele restringi, alioqui periclitaretur decalogus, abblanderis enim tibi & millenas exceptiones & limitationes faceres.

Confirmatur 1. Exceptio illa, & limitatio, quod non sit præceptum confitendi omnia mortalia, nisi de quibus sumus certi, & nullo modo dubitamus, Lutheri commentum

mentum est, ut offensum est capite 1. Ergo non est verisimile, quod à tridentino approbetur: imò potius credendum est universalem illam locutionem, *omnia mortalia deferantur*: eo sensu affirmari à tridentino, quo negabatur à Luthero, quem in materia de sacramento poenitentiae perstringit tridentinum, uti probatum est paragrapho præcedente, quique articulo 8. docuerat non omnia mortalia in confessione declaranda.

Confirmatur 2. *Qui dicit omnia nihil excipit* 19. dist. c. Si Romanorum, & glossa in c. solite 6. x. de major & obed. Ergo quando tridentinum dicit omnia mortalia deferantur, nihil excipit. Quemadmodum itaque Pontifex canone citato ita argumentatur ex verbis D. Leonis: dicendo verò [*omnia decretalia constituta*] nullum de decretalibus constitutis prætermisit, quod non mandaverit esse custodiendum. Et rursus asserendo [*omnium decessorum nostrorum*] nullum Pontificum romanorum, qui ante se fuerunt, excipit: ita & nos possumus argumentari: dicendo [*omnia mortalia deferantur*] nullum de mortalibus prætermisit, quod non mandaverit ad sacerdotes esse deferendum, nullumque mortaliū exceptit.

Cujus doctrinae hæc ratio est, quod juxta receptam Jurisconsultorum doctrinam *a verba generalia debent generaliter intelligi, neque possint restringi nisi sequeretur absurdum, vel inhumanitas*, nullum autem sequitur absurdum, vel inhumanitas si verba illa tridentini

a apud
Everh.
loc. 23.
num. 7.
p. 248.

generaliter dicta: *omnia mortalia generaliter intelligantur*. Ergo non possunt restringi.

VI. ARGUMENTUM 3. Decernit ibidem tridentinum, *oportere à pœnitentibus omnia peccata mortalia, quorum post diligentem sui discussionem CONSCIENTIAM habent, in confessione recenseri*: jam verò pœnitens de peccatis dubijs habet conscientiam, non quidem certam, & evidentem, sed dubiam, & fluctuantem, prout diffusè explicabitur infra, dum argumentis Caramuelis respondebimus. Ergo debent in confessione recenseri.

VII. ARGUMENTUM 4. vulgare, sed efficax. Tridentinum ibidem sola venialia cognita eximit ab obligatione confessionis: *nam, inquit, venialia, quibus à gratia Dei non excludimur &c. taceri citra culpam, alijsq; remedijs expiari possunt*. Ergo mortalia dubia quibus à gratia Dei excludimur taceri citra culpam, alijsque remedijs expiari non possunt. Hoc enim evincit antithesis cum præcedentibus, quàm designat particula causalis *nam*.

Confirmatur 1. Lutheri dogma fuit articulo octavo quod non tantum venialia, sed etiam mortalia dubia in confessione taceri possint, ut sæpe dictum est. Ergo tridentinum sic debet intelligi, ut oppositam Lutheri doctrinam improbet.

Confirmatur 2. Tridentinum ab obligatione confessionis eximit venialia, quia venialibus à gratia Dei non excludimur. Quare cum ista causa non obtineat in mortalibus dubijs, secus sentiendum erit. 7. Ar-

VIII. ARGUMENTUM 5. *Neceſſum eſt, juxta tridentinum ibidem, OMNIUM mortalium veniam, cum APERTA & verecunda confeſſione, à Deo quærere.* Non quærit autem omnium veniam cum aperta confeſſione, qui confeſſarium ſponte celat mortalia dubia: ſicut nemo dixerit infirmum ſeriò quærere ſanitatẽ à medico, qui medicum celat mortalia, de quibus dubitat, vulnera. Si enim erubeſcat egrotus vulnus medico detegere, quod ignorat, medicina non curat, ut rectè tridentinum ſubjungit ex Hieronymo: ac proinde fruſtrà ſanitatẽ quærit à medico, qui vulnus dubium medico non detegit. Et verò, quid hoc eſt aliud, quàm quod ibidem improbat tridentinum ſcienter vulnus mortale retinere?

IX. ARGUMENTUM 6. Cùm tridentinum tradidiſſet ibidem nihil aliud in Eccleſia à pœnitentibus exigi, quàm ut quiſque ea peccata confeſſeatur, quibus ſe Dominum & Deum ſuum mortaliter offendiſſe meminerit: ſubjungit hanc exceptionem: reliqua autem peccata, quæ diligenter cogitanti non occurrunt, eadẽ confeſſione incluſa eſſe intelliguntur: pro quibus fideliter cum Prophetâ dicitur: *ab OCCULTIS meis munda me Domine.* Solùm ergo à præcepto confeſſionis excipiuntur peccata occulta: ſed mortalia dubia non ſunt occulta, neque de illis intelligitur illud Prophetæ: *ab occultis meis munda me domine*, occulta enim ſunt illa, quæ nos latent & ignoramus, hinc Auguſtinus verba prophetæ ſic interpretatur: *à cupiditatibus in me LATENTIBUS munda me domine.* Ergo

COR-

in c. 20
Eccleſ.

1. Pt. 18
v. 13.

Confirmatur 1. Peccata occulta de quibus agit Propheta, sunt illa de quibus in eodem versu præmittit : *delicta quis intelligit ?* quod mortalibus dubijs nullatenus convenit.

Confirmatur 2. quia tridentinum excludit sola illa peccata, *quæ diligenter cogitanti non occurrunt* : peccata autem dubia diligenter cogitanti occurrunt, nisi enim cogitanti occurrerent pœnitens de illis non dubitaret.

Confirmatur 3. quia ut patebit consideranti textum, tridentinum agit de illis peccatis occultis ratione quorum hæretici confessionem impossibilem esse dicebant, & carnificinam conscientiarum appellabant : quod de mortalibus dubijs nullo pacto potest intelligi, utpote quorum confessio neque est impossibilis, neque carnificina conscientiarum. Et sanè si quis attentè legerit textum tridentini, facile observabit sola illa mortalia eximi ab obligatione confessionis, quæ impossibile est confiteri : mox enim apparebit hic sensus : *impium est confessionem impossibilem dicere, aut carnificinam conscientiarum, quia nihil aliud exigitur ab Ecclesia quàm ut quisque confiteatur mortalia, quæ potest confiteri, reliqua autem peccata, quæ non occurrunt, neque potest quis confiteri, in univèrsam eàdem confessione inclusa esse intelliguntur &c.* Quapropter cum non sit impossibile mortalia dubia confiteri, neque ex eorum necessaria confessione sequatur carnificina conscientiarum, quisque tenebitur illa confiteri.

§. 3. Aliud

§. 3.

Aliud Argumentum, ex eo, quod juxta tridentinum sess. 6. cap. 14. mortale non remittatur nisi per confessionem, saltem IN VOTO, ET SUO TEMPORE FACIENDAM, non sit autem confessio in voto & suo tempore facienda, dum quis mortale dubium, licet possit, non vult confiteri.

X. VT major vis insit argumento, quod presenti paragrapho urgere meditor, observandum plurima esse mortalia dubia, de quibus nulla unquam humanitùs habenda est certitudo fuerintne mortalia, nec ne. Tales sunt innumeræ delectationes morosæ, & cogitationes internæ, quæ nullum certum sui vestigium relinquunt, unde certò statuere possit animus, an fuerint mortales, nec ne. Hoc posito

XI. Novum, idque efficax argumentum nobis sup-
 peditant hæc verba tridentini sess. 6. cap. 14. *docendum christiani hominis pœnitentiâ contineri non modò cessationem a peccatis, & eorum detestationem, aut cor contritum, & humiliatum, verùm etiam eorundem sacramentalem confessionem, saltem IN VOTO, & SVO TEMPORE faciendam.* Agit autem tridentinum de ijs, qui ab accepta justificationis gratia per peccatum exciderunt, ac proinde de peccatis mortalibus, ad quorum relaxationem certum est post lapsum desiderari christiani hominis pœnitentiam **ex eodem tri-**
a ibid.
inizio
capitoli

H dentino

dentino sess. 14. cap. 2. & ex hoc ipso citato capite, in quo vocatur *secunda post naufragium deperdita gratiæ tabula.*

Ex quibus lubet ita argumentari: ad mortalis peccati remissionem requiritur christiani hominis poenitentia, quâ continetur ejusdem peccati *sacramentalis confessio saltem in voto & suo tempore facienda*: at ille, qui non confitetur mortalia dubia non adhibet eorundem *sacramentalem confessionem nequidem in voto & suo tempore faciendam*, maximè si sint mortalia de quibus numero præcedente. Ergo qui mortalia dubia in confessione reticet, sicut non habet christiani hominis poenitentiam, ita nec ejusdem poenitentię effectum remissionem peccatorum.

Tota hæc argumentatio videtur evidens: prima propositio tridentini est, omniumque, qui de hac re tractarunt theologorum: altera propositio perceptâ terminorum notione apparet naturæ lumine evidens: quis enim habet serium votum suo tempore illud faciendi, quod totius vitæ tempore, quamvis possit, nunquam vult facere? Superest itaque ut & ipsum consequens certum & indubitatum sit.

XII. Verùm ne quis lucem in ipso meridie desideret, pluribus ostendo eum non habere votum suo tempore confitendi mortalia dubia, qui cùm possit commodè, deditâ operâ nunquam vult confiteri.

Primò. Nemo dixerit eum habere serium votum suo tempore confitendi venialia, qui cùm possit illa commodè

modè

modè confiteri, nihilominùs pertinaciter recusat: quorsum igitur aliud de mortalibus dubijs statuemus?

Secundò. Non habet serium votum suscipiendi suo tempore baptismum, qui, cùm possit commodè, renuit totius vitæ decursu baptizari, aliàs certè dicendum esset quod plurimi etiam pertinacissimi infideles habeant serium votum baptismi, quia baptismum susciperent, si certò, & evidenter ad salutem necessarium esse scirent: ergo idem dicendum in re præsentì.

Tertiò. Paradoxum apparet, dicere, quod æger habeat serium votum sumendi medicinam, quam à medico oblatam, cùm posset commodissimè, refugit accipere: quin igitur id ipsum sentimus de spiritali medicina confessionis?

XIII. Efficacem autem rationem traditæ à nobis doctrinæ paucis complectitur P. Præpositus, qui licet in ea, quam tractamus disquisitionis resolutione dubius videatur: alibi tamen disertè docet, quod *non possit aliquis dici habere votum ejus, quod non vult adhibere, cùm potest.*^{a q. 5. de conf dub 3. n. 119.} Et infra continere in voto, inquit, est continere per modum desiderij. Loquendo autem de subiecta materia non est dicendus habere votum, seu desiderium confitendi mortalia dubia, qui *non vult illorum sacramentalem confessionem adhibere, cùm potest.*^{b q. 73. a. 3. nu. 12.} Aliàs meritò quis audierit: *probatio voti, seu desiderij, exhibitio est operis.*

XIV. Declarantur prædicta. Si nulla sit obligatio

H 2

confi-

a disp. 5.
de Euch.
dub. 4. n.
94. pag.
3005.

confitendi mortalia dubia, poterit quis statuere, & proponere peccata illa non confiteri, quandoquidem non obligetur confiteri: quo posito, clarum est, quod talis, contra, quam doceat tridentinum supra citatum, non habeat *mortalium dubiorum sacramentalem confessionem, saltem in voto, & suo tempore faciendam*, quandoquidem propositum explicitum non confitendi mortalia dubia *citra ignorantiam; & impotentiam absolutam, excludat omne votum tam explicitum, quam implicitum eadem confitendi*, quod in simili *per se videtur notum* Patri Tannero. ^a

Quemadmodum ergo juxta Tannerum, aliosque recentiores, Eucharistia non est in voto necessaria adultis, quia potest haberi expressum propositum non suscipiendi Eucharistiam: ita sequeretur contra tridentinum, quod si non esset obligatio mortalia dubia confitendi; eorum sacramentalis confessio, nequidem in voto necessaria foret, eò quòd haberi posset propositum explicitum ea non confitendi: quod repugnat tridentino.

XV. Aliter, & doctrinæ suæ principiis conformiter sensit Lutherus, cum enim, ut supra visum est, doceret mortalia dubia non esse in confessione declaranda, consequenter etiam docebat, quod confessio in voto, non requireretur, prout colligitur ex antithesi propositionum adversus Lutheri doctrinam posita à Tetzellio, ubi inter ceteras refertur hæc à Joanne Cochleæ in vita Lutheri: ^b *nihil nunc juvat, si interior pœna etiam operetur exterior-*

b pag. 6.

exteriorem mortificationem, nisi adsit factio, vel voto confessio. Cum enim Tetzellius teste cochleæ contrariam Lutheri explicaret sententiam, assertionem suam innuit, contrariam fuisse de hac re Lutheri sententiam.

XVI. Ex dictis apparet falsum esse, quod docet Caramuel, scilicet, quod jam pro peccatis dubijs duo sunt remedia, nempe contritio, & confessio, unde alterutrum PRO LIBITU adsumi potest: quandoquidem contritio non iustificet nisi vice confessionis, & quatenus includit subsidarium votum, & desiderium confessionis suo tempore faciendæ.

Unde tridentinum sess. 14. cap. 4. negat reconciliationem ipsi contritioni sine sacramenti voto esse adscribendam. Et sess. 6. cap. 14. præter cor contritum, requirit insuper sacramentalem confessionem, saltem in voto, & suo tempore faciendam.

§. 4

Argumentum precedenti simile, ex eo quod mortale dubium in confessione non explicatum, non remittatur indirectè per aliorum confessionem, neque per contritionem.

XVII. **A**rgumentum hoc precedenti affine est, & in hunc modum formari potest.

Mortale dubium, quod quis confiteri renuit, vel remittitur directè, vel indirectè: non remittitur directè,

H 3

quia

quia in confessione non explicatur: sed neque indirectè, quia juxta tridentinum sess. 14. cap. 5. indirectè, & eadem confessione inclusa intelliguntur reliqua peccata, quæ diligenter cogitanti non occurrunt, pro quibus fideliter cum Propheta dicimus, *ab occultis meis munda me Domine.* ^{a p. 18. voc. 13.}

Potrà mortalia dubia non sunt talia: ut enim dictum est, occurrunt diligenter cogitanti, neque sunt occulta, neque pro illis dicimus: *ab occultis meis munda me Domine.*

Accedit, quod possit contingere juxta Caramuelem, quod quis habeat sola mortalia dubia, vel saltem sola mortalia dubia cum venialibus: ^{b p. 679.} *nemo autem, inquit idè, tenetur peccato dubio certum veniale adjungere, quia venialia non pertinent ad materiam necessariam confessionis, sed ad liberam: nec tenetur adjungere mortale jam confessum, quia nemo tenetur unum, & idem peccatum benè confessum iterum confiteri.* Ergo saltem isto casu erit obligatio confitendi mortalia dubia.

XVIII. Quod si dixeris mortalia hujusmodi per contritionem remittenda.

Opponitur statim tridentinum sess. 14. cap. 4. definire, quod *etsi contritionem aliquando charitate perfectam esse contingat, hominemque Deo reconciliare priusquam sacramentum poenitentiae actu suscipiatur, ipsam nihilominus reconciliationem ipsi contritioni sine SACRAMENTI VOTO, quod in illa includitur, non esse adscribendam.* Contritio ergo non reconciliat hominem Deo sine sacramenti poenitentiae voto,

voto, quod in præfenti nullum est, pœnitens enim non vult confiteri venialia, neque mortalia, quæ aliàs confessus est, ut supponitur: sed neque habet votum confitendi mortalia dubia juxta dicta paragrapho præcedente, cum possit commodè, & non velit illa in confessione exprimere. Consequens igitur est, quod non remittantur indirectè per contritionem.

Deinde tridentinum sub initium ejusdem capituli, dicit, quod contritionis motus *in homine lapsa*, ita demùm præparat ad remissionem peccatorum, si cum fiducia divina misericordiae, & voto præstandi reliqua conjunctus sit, quæ ad ritè suscipiendum sacramentum pœnitentiæ requiruntur. Qui autem non vult confiteri mortalia dubia, sed neque venialia, aut mortalia, quæ aliàs confessus est, non habet dolorem, qui voto præstandi reliqua conjunctus sit, quæ ad ritè suscipiendum sacramentum pœnitentiæ requiruntur: quandoquidem non velit ipsum sacramentum pœnitentiæ suscipere. Ergo, qui sic animo constitutus est, non est præparatus ad remissionem peccatorum.

Denique tridentinum sess. 6. cap. 14. ad christiani hominis pœnitentiam præter contritionem insuper requirit confessionem saltem in voto & suo tempore faciendam. Ergo mortalia dubia non remittuntur nisi cum onere & obligatione eadem suo tempore confitendi, verumque est illud P. Coninck disp. 5. dub. 1. *numquam contrito remittitur peccatum sine reali confessione, aut illius voto* etiam d. pag. 426.
& directæ ad eam obligatione. §. 5. Præ-

§. 5.

Præoccupatur quedam responsio, & multis ostenditur, quod sterilis illa animi præparatio, quâ quis animo sic affectus est, ut confiteretur mortalia dubia, si certò constaret à se commissa, maxime ubi nunquam constare poterit, nullâ ratione possit dici votum confessionis.

XIX. **N**on apparet, quid prædictis sub specie verisimilitudinis responderi possit, nisi fortè, quod ille habeat votum confitendi mortalia dubia, qui animo sic affectus est, ut confiteretur, si certò sibi constaret peccata, de quibus dubitat, à se commissa. Fortassis enim erit, qui per votum confessionis à tridentino requisitum, intelligat hujusmodi præparationem animi.

Verùm inane est, quod ab hujusmodi responsione petitur effugium. Dicant enim quidquid lubet, nemini cordato persuadere poterunt in tridentino per votum sacramenti, vel confessionis intelligi sterilem illam animi præparationem, quâ quis animo sic constitutus est, ut confiteretur peccata, si certò sciret à se commissa, maxime quandò conditio illa est impossibilis, juxta ea quæ dicta sunt n. 10. Quod varijs argumentis ostendi potest.

XX. Primò. Insolita prorsus & inaudita est loquendi ratio, ut sterilis illa animi præparatio ad effectum nunquam perventura, votum nuncupetur, neque facilè hujus locutionis proferetur exemplum.

Secun-

Secundò. Qui sic animo constitutus est, ut confiteretur, si certò sciret se dubia mortalia commisisse, non aliter habet votum confessionis, quàm plerique hæretici habeant votum sacramentalis confessionis, quorum plurimi sic affecti sunt, ut sacramentaliter confiterentur, si ad salutem hoc sibi necessarium esse certò cognoscerent. Imò illud interjacet discriminis, quod in hæreticis conditio sit possibilis, in dubitante de mortali à se commisso, plerumque sit impossibilis.

Tertiò. Oporteret agnoscere innumera vota hætenus inaudita, & incognita. Dicendum foret, quod novitius ferventissimus habeat votum nubendi, qui sic animo constitutus est, ut nuberet, si sciret hoc sibi ad salutem necessarium, quamvis aliunde sciret non esse necessarium. Item, quod omnes conjugati haberent votum ingrediendi monasterium, qui animo sic affecti essent, ut ingrederentur si scirent, hoc sibi ad salutem necessarium. Item, quod omnis hæreticus habeat votum veniendi ad gremium ecclesiæ romanæ, qui animo sic constitutus est, ut ad gremium ecclesiæ romanæ veniret, si hoc ad salutem necessarium esse sibi constaret. Item, quod omnes catholici haberent votum profitendi fidem calvinisticam, aliorumve hæreticorum, qui sic forent animo constituti, ut fidem illam profiterentur, si certò scirent sibi ad salutem esse necessariam.

Neque dicas catholicos scire conditionem esse impossi-

possibilem, eodem enim modo plerumque nosti impossibile esse, ut certò tibi constet mortalia dubia à te esse commissà, prout dictum est suprà num. 10.

XXI. Quartò. Ut daremus certis casibus talem animi præparationem votum nuncupari posse, tamen ubi agitur de medio ad salutem necessario in re vel in voto, prout est sacramentalis confessio lapsis post baptismum in peccatum mortale, ampliùs aliquid requiri, quam sterilem de qua agimus animi præparationem, dubitari non potest. Quis enim dixerit, quod omnis ille paganus habeat serium votum baptismi, qui sic animo constitutus est, ut susciperet baptismum, si sciret ad salutem sibi necessarium? Item, quis fateatur quod iidem infideles habeant serium votum credendi mysteria fidei nostræ ad salutem necessaria, qui sic affecti sunt animo, ut ea crederent, si fidem illam ad salutem esse necessariam evidenter cognoscerent?

Quod ipsum manifestissimè patet in eo, qui dubitat de valore baptismi: neque enim concilia & sancti Patres tantà curâ & sollicitudine præciperent, ut baptizarentur, qui de baptismi valore dubitat, prout capite sequenti ostendemus, si sterilis illa & sine effectù semper futura animi ad baptismum præparatio, foret idoneum obtinendæ salutis & vitæ æternæ medium, & remedium.

XXII. Totius autem hujus doctrinæ ratio hæc videtur, quod votum in tridentino non designet solam frigidam

gidam illam complacentiam confessionis, quam *vellitatem* nuncupant, quæque secum patitur nolitionem oppositam; sed desiderium ex parte pœnitentis suo tempore futurum efficax, & omnibus attentis seriam voluntatem & propositum confitendi.

Ità tridentinum interpretabatur Guilielmus Mercurius S. Th. Doctor Lovaniensis, dum ita scribebat in 3. part: *a* *justificatio per contritionem non fit sine ordine ad hoc* ^{a suppli}
judicium, ideoque non planè sine absolutione sacerdotis, cum ^{q. 6. o. 1a}
fiat per votum sacramenti inclusum in contritione; quod VO- ^{p. 319.}
TUM CUM SIT EFFICAX, relinquit hominem huic iudicio obnoxium, non obstante liberatione à culpa &c.

Quin & ipse Calvinus apud Ruardū Tapperum, ^b sic ^{b ad 2. p. 120.}
intellexit doctrinam catholicorum, quos inter cetera in-
simulat, quod statuunt peccatum non dimitti, nisi confiten-
di votum FIRMITER conceptum fuerit: quod votum nisi OB-
LATA FACULTATE solutum fuerit iam nulli patere paradisi
ingressum.... & infra: c *quod autem peccatum dimitti negant* ^{c p. 121.}
nisi sub conditione, si votum confitendi FIRMITER conceptum
fuerit, nullo modo ferendum est. Et iterum: d *Iam verò quòd* ^{d p. 122.}
affirmant non dimitti peccata nisi voto confitendi FIRMITER
concepto, & clausam esse paradisi portam ei, qui FACULTA-
TEM confitendi sibi OBLATAM neglexerit, absit ut istud eis
concedamus.

Quid ad hæc porrò Ruardus? an Calvinum catholicis imponere? nequaquam: quin potius hanc esse catho-

licorum doctrinam ultrò fateatur, eamque testimonijs Augustini, Leonis, imò scripturæ firmare nititur.

His stabilitis, satis, ut opinor elucet cur animi præparatio de qua agitur nequaquam sufficiat, ut quis dicatur habere votum confitendi mortalia dubia: notorium enim est quod talis animi præparatio non sit *votum* ex parte hominis *efficax*, *firmiter conceptum*, quod oblatâ facultate persolvatur, cùm ex hypothesi, qui dubitat de mortali crimine perpetrato habeat oblatam sibi facultatem confitendi, & recuset, etiam totius vitæ suæ tempore tali facultate uti.

Imò tantum abest, ut talis animi præparatio sit *votum* ex parte sua *efficax*, ut ne vera quidem sit voluntas, seu intentio confitendi, sed tantum *velleitas* quædam, & complacentia, qualis est in mercatore, qui tempore tempestatis proijcit merces in mare. Quemadmodum enim mercator animo sic constitutus est, ut merces reservaret si certò sibi constaret tempestatem de qua futura dubius & sollicitus est, modico post tempore desituram; ceterum absolūtè loquendo vult merces in mare proijcere: ità peccator animo sic constitutus, ut confiteretur, si certò sibi constaret à se admissa, *vellet* quidem illa confiteri, absolūtè tamen loquendo non vult confiteri, & omnibus circumstantijs inspectatis in eam partem sese determinat, quæ confessionem recusat hîc & nunc, ac propterea non est dicendus habere serium votum confitendi.

CAPUT QUARTUM.

Varia argumenta quibus probatur obligatio confitendi mortalia dubia.

§. I.

Ex obligatione suscipiendi baptismum dubium, probatur obligatio confitendi mortalia dubia.

I. **S**acramentum poenitentiae lapsis post baptismum sic est ad salutem necessarium, ut nondum regeneratis ipse baptismus. Tridentinum sess. 14. c. 2. Sed baptismus sic est necessarius, ut si quis de valore baptismi dubitet, baptizari debeat: ergo similiter si quis dubitet de peccato mortali post baptismum commisso debet suscipere sacramentum poenitentiae. Neque enim minor est necessitas delendi actuale mortale dubium, quàm originale.

Huic argumento non deerit fortassis, qui respondeat dubitantem de valore baptismi non esse necessariò baptizandum, quod in dubio talis possideat libertatem. Unde Caramuel confidenter: *a ubique eodem omninò modo philosophamur, quia sicut dicimus non teneri confiteri, qui probabiliter confessus, & absolutus est, sic etiam dicere possemus non teneri baptizari, qui probabiliter baptizatus est.* a p. 696.

Fateor, posset quis hoc dicere, quis neget? sed etiam posset errare: est enim veritas totius antiquitatis testimonio confirmata, quod ubi incertum est, an quis baptismum susceperit, baptismus conferri debeat.

4 tom. 1. II. In carthaginensi quinto cap. 6. sic statuitur: ^a placuit
 conc. p. 1. de infantibus quoties non inveniuntur CERTISSIMI testes,
 p. 193. qui eos baptizatos esse SINE DUBITATIONE testentur, neque
 ipsi sunt per aetatem idonei de traditis sibi sacramentis respon-
 dere, absque ullo scrupulo eos esse baptizandos, ne ista trepidatio
 eos faciat sacramentorum purgatione privari. Hinc enim le-
 gati Maurorum fratres nostri consuluerunt, quia multos tales
 à Barbaris redimunt. Quem canonem verbotenus renovat
 concilium wormatiense, c. 7. b, & Gratianus inseruit suo
 decreto de consecratione distinctione 4. can. 111. qui
 canon etiam reperitur 72. in codice canonum eccle-
 siæ africanæ. ^c
 8 tom. 3. In concilio carthaginensi 3. factæ sunt abbreviatio-
 conc. p. 1. nes cuiusdam concilij hipponensis, inter quas numero
 sect. 2. 40. sic habetur: ^d de his, qui in nullo testimonio se baptiza-
 p. 197. tos noverunt, ut baptizentur.

Cui doctrinæ insistens Leo magnus epistola 37. con-
 eol. 350 sultus utrùm sub hac recordationis incerto baptizari de-
 beant qui de captivitate redeunt, incertum habent ut-
 trùm ante captivitatem baptizati fuerint? respondet bap-
 tizandos esse: quis enim, inquit, ita sit suspitionibus
 suis deditus, ut verum esse definiat, quod omni manifestatione
 cessante, ex opinione AMBIGVA suspicatur? & concludit: cum
 constiterit hunc, qui baptismus indiget sacramento solâ inani-
 ter suspitione prohiberi, accedat intrepidus ad consequendam
 gratiam, cujus in se nullum scit esse vestigium. Nec vereamur
 hic

huic salutis januam aperire, quam nunquam ante docetur ingressus. Ubi observandum S. Leonem non loqui de quacumque suspitione, sed de illa, quæ ex opinione ambigua ducebat originem.

Atque ita casum Leonis explicat glossa ad capitulum cum itaque, DE CONSECRATIONE^a, dicens, quod iste ^{a dist. 4. cap. 112.} qui de Baptismo suo dubitat, sine formidine poterit baptizari ... & infra: si non poterit de Baptismo suo constare, debet baptizari, nec hoc pro iteratione habetur.

Similia docet D. Leo epist. decretali 92. cap. 15. quod præ se fert hunc titulum: ^b de his, de quibus dubium est, ^c col. 474 utrùm Baptisma perceperint, necesse est, ut renascantur.

Gregorius magnus libro 12. epistolarum: ^c hoc vos ^{r indic. 7 cap. 31. pag. 250.} rectè tenere debetis, quod nos ab ANTECESSORIBUS NOSTRIS TRADITUM accepimus, ut quoties tam de baptismo aliquorum, vel confirmatione, quàm de ecclesiarum consecratione DUBITATIO habetur, & nec scripturâ, nec testibus ratio certa habetur, utrùm baptizati, vel confirmati, si ve ecclesiæ consecrata sint; ut baptizentur tales, ac confirmentur, atque ecclesiæ canonicæ dedificentur, ne talis dubitatio rina fidelibus fiat: quoniam non monstratur iteratum, quod non certis indicijs ostenditur ritè peractum. Hac nos adminiculante divinâ gratiâ, ita tenere cupimus, vobisque, ut postulatis tenere, & docere MANDAMUS, ut ea, quæ à SANCTIS PATRIBUS ante nos sunt STATUTA non protervè irrumpere, sed fideliter servare observemus.

Zachz.

capit. 11
rom. 1.
concil.
Gallie.

Zacharias Pontifex, Bonifacio interroganti, quid agendum esset de ijs, qui ab hæreticis baptizati fuerant, & dubitabatur an essent in nomine Patris, & Filij, & Spiritus sancti baptizati, inquisitâ rei veritate, an essent ab huiusmodi sacerdotibus baptizati, præcipit eos sine dubio baptizari.

Alexander 3. cap. 2. *de baptismo: de quibus dubium est, an baptizati fuerint, baptizantur (aliàs baptizentur) bis verbis: si baptizatus es &c.*

Hugo à sancto Victore tractatu 5. summæ sententiarum cap. 10. *Si de aliquo dubitetur, utrum baptizatus sit, baptizari debet. Non enim, ut dicunt Sancti, judicatur iteratum, quod nescitur factum.*

b rom. 3.
p. 2. pag.
666.

Et in concilio Londoniensi anno 1200. *b de baptismo, & confirmatione si DUBITETUR, SACRORUM CANONUM statuta sequentes, statuimus, ut conferatur, quia non dicitur iteratum, quod non scitur fuisse collatum. Ideoque baptizentur expositi, de quorum baptismo dubitatur, si de inveniantur cum sale, si de sine sale.*

cap. 696.

Gratianus distinctione 68. ad can. 2. presbyteri: *c de quo dubium est an sit baptizatus, vel non, debet baptizari. Gratiano consentit Panormitanus in c. 2. de baptismo.*

Sed quorsum pluribus rem hanc persequeretur, quandoquidem (unicum Caramuelem si excipias) nemini, quod meminerim, dubium fuerit, cum qui de baptismo dubitat, baptizandum esse?

III. Vc.

III. Venio ad aliam Caramuelis responsionem, *sed ad huc, inquit, discrimen valdè notandum sublatet* (inter baptismum, & confessionem,) *quia confessio requiritur ratione præcepti, baptismus ratione medij: unde licet diceremus non sufficere baptismum probabilem, non teneremur statim negare confessionem probabilem sufficere.* Quam tamen responsionem statim deserit, malens de utroque eodem modo philosophari: *sed semper, inquit, de utroque eodem modo philosophor.*

Bene habet, quod ultrò ab illa responsione resiliat, poterat enim nullo labore, quàm nulla sit, demonstrari: quod enim dicit baptismum requiri ratione medij, si de reali baptismi susceptione loquatur, falsum est in adultis: si de baptismo in re, vel in voto, idem dicendum est de confessione, prout patet ex tridentino sess. 6. cap. 14.

Deinde non apparet, quid illud discrimen attineat præsens negotium, cum utrobique tam in baptismo dubio, quàm in confessione dubia reperiat periculum animæ, propter quod sancti Patres docuerunt baptismum esse, cum dubitatur, conferendum.

Quinimò si rem totam suis momentis expendamus potior est ratio cur in dubio iteretur confessio, quàm baptismus: siquidem cum dubitabatur de baptismo suscepto, nonnulli, ut patet ex epist. 37. D. Leonis verebantur baptizare, eò quod baptismus citra sacrilegium iterari non possit: unde seposito hujusmodi periculo non dubi-

K

tassent,

taissent, quin tali casu baptismus fuisset conferendus: at verò in casu confessionis nullum intervenit tale periculum, potest enim citra sacrilegium confessio repeti. Ergo si dubius de baptismo tenetur baptizari, multò magis dubius de confessione tenebitur confiteri.

§. 2.

Aliud argumentum ex praxi Ecclesie, & communi sensu fidelium.

off. 14. cap. 1. IV. **C**ertò constat ex synodo tridentina: *institutam esse à Domino integram peccatorum confessionem, & omnibus post baptismum lapsis jure divino necessariam existere.*

§. Ibidem Certum est insuper ex eadem synodo, integritatem confessionis debere esse talem, qualem *universa ecclesia semper intellexit.* b Unde ex eo colligit eadem synodus, quod oporteat à pœnitentibus recenseri omnia peccata *mortalia, etiamsi occultissima, item circumstantias, quæ speciem peccati mutant.*

Contendo itaque, quod eodem argumenti genere liquiddò constet mortalia dubia à pœnitentibus recensenda esse, quia videlicet præceptum de integra peccatorum confessione, *universa ecclesia semper sic intellexit, ut mortalia dubia comprehenderentur.*

Quod autem *universa ecclesia semper intellexerit institutam esse à Domino integram peccatorum confessio-*

ncm,

nem, cum onere confitendi mortalia dubia, declarat imprimis notoria illa, quæque hominum memoriam excedit fidelium per universam ecclesiam consuetudo, & praxis confitendi mortalia, de quorum numero dubitant, additis hisce particulis, velut cautionalibus: *plus, vel minus*. Quid enim necesse est hujusmodi particulas adjungere, si nulla sit mortalia dubia confitendi necessitas? Quemadmodum ergo tridentinum sess. 13. cap. 7. dicit, quod ecclesiastica consuetudo declarat, ad sumptionem Eucharistiæ eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa sacramentali confessione ad sacram Eucharistiam accedere debeat; ita dicimus, quod eadem ecclesiastica consuetudo declaret, necessarium esse, ut confiteatur qui dubitat de mortali admissio, quantumcumque sibi contritus videatur. Neque faciliè ostenderetur magis in uno, quàm in altero obligantem fuisse consuetudinem.

V. Quin & ipse Caram. hanc esse praxim & mentem ecclesiæ, vel invitus videtur agnoscere, dum ingenuè fatetur *usum & praxim totius ecclesiæ confitendi mortalia dubia ortum habere ex eo, quod omnes hucusque authores ita docuerunt*. Unde enim certius dignoscere poterimus praxim & usum totius ecclesiæ, quàm ex eo, quod omnes authores huc usque docuerunt? p. 2.
684

Merito autem dixit, quod omnes authores huc usque ita docuerunt, nam ut præmittam authores recentiores,

• 7. 680. quos citare superfluum judicat Caramuel. *

Quid tempore Lutheri sentirent catholici, docent nos ea quæ §. 2. c. 1. ex Roffensi, Eckio, Jacobo Latoro, & cardinali Bellarmino in medium attulimus : cùm enim diceret Lutherus mortalia dubia non esse in confessione recensenda , illi lutheranum illud dogma, non tamquam rem in utramlibet contradictionis partem agitabilem, sed tamquam damnatum errorem, cœcitatem, & insaniam, *pestem animarum*, & *toxicum sacramenti pœnitentiæ*, & non parvum errorem, rejecerunt, & detestati fuerunt. Quod signum est doctrinam illam ab ecclesiæ mente, & traditione fuisse alienam. Sicut simili argumento colligebant catholici ab ecclesiæ mente, & traditione alienam esse doctrinam, quæ docebat circumstantias speciem mutantes non esse in confessione exponendas.

VI. Jam verò, quod attinet ad scriptores superioris ætatis, res longioris, & propemodû superflui laboris foret in medium omnes proferre : unicum illud ausim pronuntiare, me, quantum licuit, accuratissimè eorum sententiam investigasse, & neminem eorum reperisse, qui à nobis dissentiret : neminem, qui hanc difficultatem sibi resolvendam proponeret, & nobiscum non sentiret. Aliquot proponam, ceteros lectori curioso observandos relinquam.

Anno 1511. impressum est parisijis parochiale curatorum Michaëlis Lochmaier S. T. doctōris, & juris pontificij, ac

ficij, ac ecclesiæ pataviensis canonici: ubi cap. 4. author pastores monet, quibus casibus sit necessarium venialia confiteri, & ponit duos casus, & quamvis de secundo dubitet, primum hunc tamquam indubitatum adfert ^{a ra. p. 17. col. 2.} ratione dubij, inquit, dum quis probabiliter de aliquo peccato dubitat, utrum sit mortale, vel veniale: quia si peccator non pœnitet de illo, sicut de mortali discrimini se exponit, & ideo debes confiteri.

Joannes de Friburgo ordinis S. Dominici scripsit summam confessorum typis excusam Anno 1517. in cujus proemio legimus, quod tanta est eius authoritas: testis experientia & nota, & occulta: ut pace aliorum dixerim nullibi ejus contenta à quoquam fuisse rejecta comperimus. Hanc neo-terici ferme omnes citant: hanc doctissimus & probatissimus parisiensis Cancellarius Gerson sæpius commendando allegat.

In hac itaque summa lib. 3. tit. 34. quæst. 79. ita scribit prædictus Author, ^{b p. 132 col. 2.} cum autem quis DUBITAT, an ali- quod peccatum, quod commisit sit mortale, vel non, TENETUR illud confiteri propter DUBIUM, aliàs periculo se committit, si negligit confiteri: sicut etiam mortaliter peccat, qui aliquid committit, vel obmittit in quo dubitat esse mortale peccatum.

Ex quo testimonio duo licet colligere, primum, quod ea fuerit communis doctrina anno 1517. alterum, quod à tempore Joannis de Friburgo, qui ætate suppar fuit Sancto Thomæ, usque ad annum 1517. doctrina de mortalibus dubijs in confessione exprimendis non fuerit à quoquam rejecta.

S. Thomas qu. 6. supplem. art. 4. ad 3. *dicendum quod quando aliquis DUBITAT de aliquo peccato an sit mortale, TENETUR illud confiteri dubitatione manente: quia, qui aliquid committit, vel omittit in quo dubitat esse peccatum mortale, peccat mortaliter discrimini se committens. Et similiter periculo se committit, qui de hoc, quod dubitat esse mortale, negligit confiteri: non tamen debet asserere illud mortale esse, sed dubitativè loqui, & iudicium sacerdotis expectare, cujus est discernere inter lepram, & lepram.*

Quando Angelicum Doctorem produxi, totam, quanta est Thomistarum scholam vobis ob oculos proponite: Petrum, inquam, de Palude, summam Angelicam, summam Silvestri, atque omnium, ut recentiores omittam, fidelem veterum thomistarum turmam, quibus à duce suo deficere religio est.

Divum item Bonaventuram profero cum Angelico seraphicum Doctorem, qui in 4. nos ità docet: ^{ad 17. 2. n. 130.} *in casu tamen contingit, quod homo TENEATUR ea (venialia) confiteri, si de propter DUBIUM, si de propter ecclesiasticum institutum. Propter dubium, quia dubitat probabiliter utrum sit mortale, vel veniale. Ideò si non paret sicut de mortali, discrimini se exponit, & ideò debet confiteri sicut jacet in conscientia.*

Item P. Joannes Beets carmelita, de quo refertur l. de viris illust. S. Ordinis V. D. Marix de monte Carmelo, quod anno christiane salutis 1476. Deo, natura que concedens in cœnobio thenensi, ubi Diva Maria chlamide candida
primam

primùm indutus est, elatus mærore, publicâ veneratione sepul-
turam accepit, scripsit piam, & doctam explicationem in
decalogum, in qua inter cetera lectorem sic instruit:
a quando dubitat de aliquo utrum sit mortale, vel veniale pecca- ^{a p. 69.}
tum, tunc ne exponat se periculo, debet confiteri, & illud arbi-
trio sacerdotis relinquare.

VII. Quod spectat Patres illos, qui scholasticam docen-
di methodum præcesserunt, non est quod ambigamus,
quin mortalia dubia sacramentali cōfessione expiaverint,
partim, quia teste Morino disciplinæ in administratione
sacramenti pœnitentiæ antiquitus observatæ solertissimo
indagatore, ^b sancti Patres nostri mille, & centum annorum <sup>b l. 1. c. 5.
num. 10.
pag. 1 n</sup>
spatio in eo tantum laborarunt, ut sacerdotes docerent... in casu
dubio, securiorem partem semper esse eligendam: partim prop-
ter ea, quæ dicta sunt de baptismo dubio iterando suprà
paragrapho 1.

§. 3.

*Ex officio confessarij, qui non tantùm iudicis, sed
etiam medici officio fungitur, obligatio confi-
tendi mortalia dubia stabilitur.*

VIII. **P**riusquàm hoc arg. proponam, observo, quod
confessarius in hoc sacramento non tantùm
agat partes iudicis, verùm etiam medici. Et quia pun-
ctum illud plurimum refert ad præsentis disquisitionis
negotium, & ab eo pendet insuper plerorumque argu-
mento.

mētorum oppositorum refutatio, veritatem illam paucis stabilire non erit inutile.

Imprimis itaque, invictissimè id probatur ex tridentino, quod sess. 14. cap. 5. approbat illud D. Hieronymi : *si enim erubescat ÆGROTUS vulnus MEDICO detegere, quod ignorat, MEDICINA non curat.* Ubi disertè confessarium vocat medicum, & pœnitentem ægrotum.

Quod ipsum insinuat florentinum dicens, quod *si per peccatum ÆGRITUDINEM incurrimus animæ, per pœnitentiam spiritualiter SANAMUR.* Vox enim *sanamur* ad medici potiùs, quàm Judicis officium videtur referenda.

Clariùs Lateranense statuens, *ut sacerdos sit discretus, & cautus, ut more periti MEDICI superfundat vinum, & oleum vulneribus sauciati, diligenter inquirens, & peccatoris circumstantias, & peccati : quibus prudenter intelligat quale debeat ei præbere consilium, & cujusmodi remedium adhibere, diversis experimentis utendo ad salvandum ægrotum.*

Et infrà monet medicos, *ut cùm eos ad infirmos vocari contigerit, ipsos ante omnia moneant, & inducant, ut MEDICOS advocent ANIMARUM ; id est confessarios.*

Concilium Cabilonense sub Carolo Magno cap. 34. *si medici, qui corporibus medicinam inferre conantur nequam quam propter personæ cujuslibet acceptionem, his quos sanare cupiunt cauterio, aut ferro, aut duris alijs quibuslibet rebus parcunt : multò magis idipsum his observandum est, qui non corporum sed animarum MEDICI existunt, confessarios intelligendo.*

Possẽm

a tom. 3. a
conc. p. 1.

sect. 2. p.

194

Possem copiosius, idque nullo negotio, ostendere, tum ex concilijs, tum ex unanimi Patrum consensu, confessarium in hoc tribunali, non tantum iudicis, verum etiam medicj munere perfungi, sed arbitror hæc sufficere, cum non meminerim me quemquam legisse, qui hoc negaret. Quare ita progredior:

IX. Hoc sacramentum non iudicij dumtaxat, sed & medicinæ cujusdam saluberrimæ rationem obtrinet, quam curandis animæ nostræ vulneribus cœlestis noster Samaritanus instituit.

Quæro igitur, an ille, qui dubius est de lethali vulnere corporali, vel de febre, aliove morbo mortifero, possit certum remedium negligere, & de eo, de quo dubitat Lethali vulnere, medicum non monere? Quid si medicus certum remedium offerat, prudentiæ ne fuerit, an insanix dubio vulnere certum remedium non adhihere? Eritne, qui toleret, si propter huiusmodi dubitationem, & vulneris incertitudinem, lætus usurpet illud Martialis.

Quid mihi cum medicis? dimitte Machaonas omnes,

Pone D. Caramuelem seriò timere, ne contagiosa sit, & mortifera febris, quâ incenditur: offerat autem medicus singulare, & sanitatis efficax alexipharmacum, respondeat autem D. Caramuel: *se possidere libertatem, velle primum sibi prabari febrim esse contagiosam: interim se sequi sententiam probabilem, quod febris non sit*

L

conta-

contagiosa, se prudenter agere, propterea quod se conformet prudenti judicio. Quid ad hæc medicus? quid aliud, quàm quod peritus ille medicus, qui apud Comicum agebat se obligasse crus fractum Æsculapio, Apollini autem Brachium, quid, inquam, nisi

Non potest hac res Ellebori jugere obtinerier?

A corporalibus ad spiritualia transeamus. Si non nisi imprudentissimè, qui dubius est de Lethali vulnere corporali, refugit certum, sibi que oblatum à medico remedium: an non longè intolerabilioris fuerit imprudentiæ, exitiabili animæ vulnere, peccato, inquam, de quo dubitas, non prospicere de certo remedio sacramentalis absolutionis à Christo Samaritano nostro nobis oblato? nonne tantò detestabilior fuerit negligentia, quantò æterna præstant temporalibus, & graviora sunt animæ, quàm corporis vulnera?

X. At inquires, in promptu esse remedium. Scilicet peccata, de quibus dubitas, vel auferenda contritionis beneficio, vel saltem indirectè, dum ab alijs absolvèris.

Verùm incertissimum est utrumque hoc remedium, & fortassis vanum, prout conati sumus ostendere suprà cap. 3. nu. 1. Quâ igitur conscientia certum sacramentalis confessionis remedium negligis? quin tenes certum, & dimittis incertum?

Ego sanè ità sentio infirmum legibus naturæ contravenire, & sui ipsius homicidam fieri, si oblato certo, & præsen-

præsen-

præfenti remedio, incerta, & dubij eventus remedia complectatur : multò itaque potiori jure violabit instituta naturæ jura, qui oblatum sibi certissimum sacramentalis absolutionis antidotum, postponit incertis & quantum existimo, inanibus, præfens contritionis, vel indirectæ absolutionis, remedijs.

Concludamus itaque verbis authoris de vera & falsa pœnit. c. 15. ^a Ponat se omninò pœnitens in judicio Sacerdotis, nihil sibi reservans sui : paratus facere pro reparanda anima, quæcumque faceret pro vitanda corporis morte, & sicut pro vitanda corporis morte exponeret medico corporali corporis vulnus mortale dubium, ita medico spirituali exponat animæ vulnus mortale dubium.

apud
August.
tom. 4.
pag. 515

§. 4.

Diverse probationes conglobatæ.

XI. **P**ROBATIO I ex Joanne Eckio : tenetur homo ad confitendum non sola peccata nota, sed etiam dubia. ^a l. 3. de pœnit. c. 11. p. 186

nam si in veteri lege ostendebat se sacerdoti talis de quo dubitabatur an esset leprosus, ut sic sacerdos judicaret, & discerneret inter lepram, & non lepram : ^b nam si solum manifeste leprosus fuisset vitandus, quid opus fuisset tam exacto judicio ? ^c Levit. 13. Deum ter. 17.

Et quia omnia in figura contingebant illis, ait Apostolus ^c : ju. c. 1. cor. 10.

dicabit ergo sacerdos Evangelicus, quando ambiguum est judicium de spirituali lepra animæ. Iudicare autem non poterit nisi fuerit sibi per confessionem revelatum. Quoniam sicut non potest ama-

test amare incognitum secundum deductionem Augustini IX. de Trinitate, ita nec judicare potest incognitum.

a ibidem
pag. 185.

XII. PROBATIO 2 ex eodem Eckio: *homo non est tutus in conscientia, solum manifesta, & quae nota sunt peccata confitendo, nisi etiam dubia confiteatur. Optima nempe est Theorica: EXPONENS SE PERICULO PECCATI MORTALIS, PECCAT MORTALITER: & quod dici solet, agere incertum, & dimittere certum, in materia mortali, est mortale... Docuit hoc sapiens, QUI AMAT PERICULUM, PERIBIT IN ILLO.* Cum ergo aliquis habet dubium probabile, an actus sit peccatum, non debet se exponere periculo illud occultando, sed detegat illud confessori, & iudicium medici expectet, an vulnus sit mortiferum, aut minus.

* pag. 31.
col. 2.

Utitur eodem probationis genere Jacobus Latomus ad artic. 3. Lutheri à Lovaniensibus condemnatum: *Qui dubitat an peccaverit mortaliter, an non, & an consensus ad illicitum sit mortalis, vel perfectus, & plenus, an non? nonne tutius erit confiteri? Et quis secundum Martinum (Lutherum) securum reddet poenitentem de remissione? nonne in tali casu non confitens amat periculum, contra illud Ecclesiastici 3 qui amat periculum peribit in illo?*

Utramque hanc probationem Eckij, & Latomi verbis exhibere volui, ut constaret tanto, nedum ante Caramuelis doctrinam, sed & ipsum Caramuelem natum, tempore, sententiam illam de mortalibus dubijs in confessione non exprimendis fuisse doctè confutatam: siquidem

dem Joannes Eckius ista scripsit in decembri anno 1512.
 & Jacobus Latomus ultimâ decembris anno 1520. pro-
 ut perspicuum est ex epistola proemiali utriusque scrip-
 tis præfixa. Ut proinde fallatur Caramuel, dum confi-
 denter asserit, quod hanc difficultatem *omissere veteres.* ^{a. 7. 673.}

XIII. PROBATIO 3. Ecclesia debet consecrari, si dubi-
 tetur de ejus consecratione, ut expressè habet carthagi-
 nense 5. cap. 6. ^b cum enim dixisset infantes, de quorum ^{b. tom 9.}
 baptismo dubitatur, baptizandos esse, subjungit: *similiter* ^{conc. par.}
& de ecclesijs (quoties super earum consecratione hafitatur) ^{1. p. 593.}
agendum est, id est, ut sine ulla trepidatione consecrentur. Ec-
 clesia quartus ^c generaliter statuit: *de Ecclesiarum consecra-* ^{c. de con-}
tione quoties dubitatur, & nec certa scriptura, nec certi testes ^{sec. dist. 8}
existunt à quibus consecratio sciatur, absque ulla dubitatione ^{c. solemnitàtes 16.}
scitote eas esse consecrandas. Alloquitur omnes fideles, seu
 orthodoxos. Consonat Concilium Meldense capite 8.
^d *Ecclesiæ, vel altaria, quæ ambigua sunt de consecratione, con-* ^{d. ibidem}
secrentur. Quod si templa inanimata rursus consecrari ^{cap. 18.}
 debeant, si dubitetur de illorum consecratione: quantò
 magis templum Dei vivi debet Deo consecrari du-
 biorum confessione, si dubitetur, num aliquâ mortalis
 criminis maculâ prophanatum sit?

XIV. PROBATIO 4. *Confessio debet correspondere contri-*
tioni, cum sit signum ipsius: contritio autem, quæ non est inte-
gra, non est vera contritio: ergo necesse est, ut nullum pecca-
tum quod scitur, vel DUBITATUR esse mortale dimittatur, seu
taceatur in confessione.

L 3

Ita

Ità ratiocinabatur Joannes Viguerius Institutionum

48.4. v.
17 p. 181
col. 1.
6 p. 8.
403.

c. 16. ^a dum scribebat anno 1565.

Negat quidem Caramuel ad objectionem quintam, ^b
quod debeat homo conteri propter peccatum dubium.

Verùm malumus credere tridentino dicenti sessione
14. capit. 4: fuit autem QUOVIS TEMPORE ad impe-
trandam veniam peccatorum hic CONTRITIONIS motus ne-
cessarius.

^b ibidem

Et canone 4. Si quis negaverit ad integram & perfectam
peccatorum remissionem requiri tres actus in pœnitente, quasi
materiam sacramenti pœnitentiæ, videlicet CONTRITIONEM,
confessionem, & satisfactionem &c. anathema sit. Et antea
sess. 6. cap. 14. docendum est christiani hominis pœnitentiã...
contineri, non modò cessationem à peccatis, & eorum detestatio-
nem, aut cor CONTRITUM &c. Item florentino dicenti:
d quartum sacramentum est pœnitentia cuius, quasi materia sunt
actus pœnitentis, qui in tres distinguuntur partes: quarum pri-
ma est cordis CONTRITIO, ut doleat de peccato commisso cum
proposito non peccandi de cetero &c.

d in do-
ctrina
maionis.

XV. PROBATIO 5. Unusquisque sibi blanditur, & cœ-
cus est in proprijs defectibus, quod si itaque velimus pro-
prio stare iudicio, in plerisque incipient homines dubita-
re, an mortaliter deliquerint? an adfuerit requisita adver-
tentia, consensus, vel materia ad peccatum mortale? Et
ità sensim negligetur sacramentum confessionis. Ità fe-
rè Eckius.

XVI. PROBATIO 6. Juxta Gregorium lib. 12. epistolarum^a quoties de confirmatione aliquorum *dubitatio habetur*, debent confirmari, *ne talis dubitatio ruina fidelibus fiat*. Ergo quoties de confessione mortalis peccati *dubitatio habetur*, multò magis debet confessio fieri, ne talis *dubitatio ruina fidelibus fiat*, cùm indubitatum sit majorem esse confessionis, quam confirmationis obligationē.

XVII. PROBATIO 7. Omnia jura clamant; quod in dubijs *via tutior est eligenda*. cap. illud 5. ꝯ de clerico excom. cap. ad audientiam 12. cap. petitio 22. de homicidio. c. juvenis. de sponsalibus. clem. exvi. de verb. signifi. Quam regulam de foro conscientie intellectam, passim amplectuntur interpretes omnes, glossa & Panormit. in cap. d. Juvenis. Item S. Antoninus 3. p. tit. 5. cap. 2. §. 9. dicens: *in his, quæ concernunt forum conscientie, in dubijs tutior via est eligenda*. Jam verò clarum est, quod tutior via sit confiteri mortalia dubia, quàm non confiteri. Ergo via illa est eligenda.

Confirmatur 1. Confitendo mortalia dubia nullum timetur animæ periculum, non confitendo autem timetur animæ periculum. Ergo necesse est mortalia dubia confiteri. Utitur hoc argumenti genere Innocentius 3. cap. significasti 18. ꝯ de homicidio, in responso ad hunc casum. Quidam maleficus ingressus ecclesiam, Eucharistiam cum altarium ornamentis & libris ecclesiasticis asportaverat, quem videns L. presbyter ecclesie

cano-

^a indid.
7. c. 31. p.
250.

canonicus regularis, fossorio arrepto percussit: sed ignorabatur, an percussio illa fuisset lethalis, propterea quod parochiani ecclesiae videntes furem ornamenta ecclesiae asportantem, arreptis gladijs & fustibus in eodem loco eundem protinus occiderunt. Interrogatur itaq; Pontifex, utrum in tali dubio presbyter ille à sacerdotali officio abstinere debeat? & respondet: *quod si discerni non possit ex cuius iclu percussus perijt, in hoc dubio tanquam homicida debet haberi sacerdos: & si fortè homicida non sit, à sacerdotali officio abstinere debet: cum in hoc casu cessare sit tutius, quàm temerè celebrare, pro eo, quod in altero nullum, in reliquo verò magnum periculum timeatur.*

Cui resolutioni consonat, quod Augustinus de catech. rud. c. 14. tradit: *si tantum modò posset hoc facere, non facere autem nihil obesset, infelicitè in periculo salutis, non tam proximi, sed nostræ, oblatum remedium sperneremus.*

Confirmatur 2. Ut patet ex suprà allegatis capitulis, qui dubius est de irregularitate tenetur, tutiorem viam eligere, & tanquam irregularitatem incuissset, sese gerere: ergo multò magis, qui dubitat de mortali peccato à se commisso, debet & tutiorem viam eligere, & perinde sibi prospicere, ac si reverà mortale incurrisset.

Confirmatur 3. Manifestum est, quod *pro incertis à certis recedendum non est.* 30. qu. 5. in fine. Certum est autem, quod confitendo mortale dubium; satisfacias præcepto confessionis: incertum an satisfacias non confitendo. Ergo.

CAP. 5.

CAPUT QUINTVM

Respondetur argumentis D Caramuelis ex tridentino.

L A Dversus assertam à nobis hætenùs evidenter, nī fallor, doctrinam, varia congerit argumenta Caramuel, propter quæ, confidenter asserit, ^a opinionem ^a p. 690. nostram *scrupulis poiis insistere, quàm fundamentis.* Et infra: ^b conclusionem à se positam sibi visam fuisse *solidis.* ^b p. 699. *simis argumentis probari.* Verùm egrè crediderim, quod tam generosè pro hac sententia depugnasset, si Lutherum huic doctrinæ prælusisse observasset, quandoquidem expresse doceat ^c lutheranam doctrinam idcirco à ^c pag. 110 Deo revelatam non esse, quoniam prima & præcipua illius fundamenta à diabolo tradita sunt, & cetera diabolicâ fide succollantur.

§. I.

Ostenditur falli D Caramuelem, dum putat conscientiam in tridentino designare notitiam scientificam. Item, conscientiâ peccati mortalis gradari, non enim tantum, qui certus est, verum etiam, qui dubius est, an mortaliter deliquerit?

II. **E** X tridentino sess. 14. cap 5. sic argumentatur D. Caramuel: ^a censendum est tridentinum concilium *suf.* ^a p. 678. *scienter docuisse fideles sessione XIV. in qua de pœnitentia expresso actum. At ibi aperte docet pœnitentem debere confiteri*

M

omnia

omnia peccata mortalia, quorum post diligentem sui discussionem conscientiam habet; ergo & docuit non debere confiteri illa, quorum post diligentem discussionem conscientiam non habet. Atqui illorum, de quibus, quis dubitat, conscientiam non habet. Ergo

Probatur minor: quia conscientia est notitia scientifica, & dubium scientifica notitia non est. Ex quo etiam infra ad objectionem quartam ^a infert, sacram synodum definire, quod exponi debeant in confessione omnia peccata, quae fuerint in conscientia, non quidem dubia, sed certa & evidenti.

III. Verùm huic argumento respondere, nullum est negotium: nam quo jure asseritur, eodem negatur, quod conscientia debeat esse scientifica notitia. Cui enim unquam, obsecro, hoc in mentem venit?

Et sanè hujusmodi frivolum glossema non patitur textus tridentini eodem capite, ubi sese explicans infra concludit, nihil aliud in ecclesia à penitentibus exigi, quàm, *ut postquam quisque diligentius se excusserit, & CONSCIEN-
TIAE suae sinus omnes & LATEBRAS exploraverit, ea peccata
confiteatur &c.* Quibus verbis conscientiae nomine perperam quis dixerit, intelligi notitiam scientificam, utpote quae nullos habet sinus aut latebras explorandas, cum sit notitia manifesta & evidens.

Quin immò ex dato glossemate consequens foret, quod ille, qui probabiliter dubitat, num peccaverit mortaliter, nequidem deberet explorare, an peccaverit mortaliter:

taliter: quia nemo tenetur explorare, an peccaverit mortaliter, nisi qui habet conscientiam explorandam: qui autem probabiliter dubitat, nō habet conscientiam explorandam juxta Caramuelem, quia nullam habet notitiam scientificam: quo ergo jure tenebitur explorare, an peccaverit mortaliter? quā autem hoc sit absolum lector expendat.

Denique tridentinum ibidem conscientiam opponit oblivioni, & ignorantiae peccatorum, *pro quibus fideliter cum propheta dicimus^a ab occultis meis munda me domine.* ^a Ps. 18.
vers. 13. Certissimum autem est, quod non sola notitia scientifica opponatur oblivioni & ignorantiae peccatorum occultorum, sed etiam dubitatio & probabilis recordatio.

IV. Confirmatur responsio. Eodem sensu tridentinum sess. 14. cap. 5. dicit poenitentem debere confiteri mortalia, quorum *conscientiam habet*, quo sensu sess. 13. can. 11. dixerat anathema, si quis negaret sumptioni Eucharistiae praemittendam esse confessionem sacramentalem, *illis, quos conscientia peccati mortalis gravat*, sed haec verba non possunt referri ad solam notitiam scientificam: gravantur enim conscientia peccati, etiam, qui non habent notitiam scientificam peccati commissi: ipse enim timor & dubitatio de peccato commissio, ponderis instar gravat animam, oneratque sollicitudine. Praclare siquidem Cicero de natura ^b & virtutis, & vitiorum sine ^b au. 77. *ulla di divina ratione grave ipsius conscientiae pondus est: quā sub-*
M 2
latā

latè jacent omnia. Utique grave conscientie pondus intelligens, quod venit à notitia dumtaxat probabili, quia noticiam scientificam academicorum opinioni adhaerens non agnoscebat. Quis enim ignorat eum affirmasse vehementer, nihil ab homine percipi posse, nihilque remanere sapienti nisi diligentissimam inquisitionem veritatis? inquit Augustinus lib. I. contra academicos cap. 2.

V. Et verò gravitas illa & pondus conscientie, nequidquam est aliud, quàm remorsus & anxietas animi ob peccatum præteritum solliciti. Quis autem dubius de mortali crimine non experitur hujusmodi remorsum & anxietatem, nisi prorsus omnem animo proscripserit salutis suæ curam, & sollicitudinem? Graviter angitur, qui timet, ne corpus lethaliter vulneraverit: & immunis erit ab omnibus conscientie stimulis, qui timet ne infinitè pretiosorem lethaliter vulneraverit animam?

VI. Si quis tamen præfractè restiterit, efficaciorē proferemus ex Pontificum oraculis probationem.

Capitulum petitiō 24. ¶ de homicidio proponitur hic casus honorio tertio.

Inimici dominicæ crucis ac blasphemæ nominis christiani graviter invaserant castrum in quo morabatur Pelagius presbyter. Exeuntibus inde habitatoribus, tam clericis, quàm laicis contra eos, ac invicem confligentibus, hinc inde occisi quàm plurimi extiterunt. Cumque dictus Pelagius aliquos percussisset, metuens ne irregularitatem

laritatem incurrisset, consuluit Pontificem, quid sibi hoc in negotio agendum esset? En Pontificis responsum & responsi causam: *mandamus quatenus si de interfectione cuiusquam in illo cōflictu tua CONSCIENTIA TE REMORDET, à ministerio altaris abstineas reverenter, cū sit consultius in huiusmodi DUBIO abstinere, quàm temerè celebrare. Quid manifestius? in dubio abstinendum esse à ministerio altaris declarat Pontifex, & tali casu conscientiam remordere.*

Haud absimile est, quod habet Clemens 5. cap. 1. ex. vi. de verb. signifi. *In his, quæ animæ salutem respiciunt, ad vitandos graves remorsus cōscientiæ, pars securior est tenenda.*

Quod spectat etiam, quod tradit Innocentius 3. cap. inquisitioni 44. & de sent. excom. quod quandoque conscientia PULSET animum ex credulitate probabili & discreta, quamvis non evidenti, & manifesta. Ex quibus verbis duo licet colligere, primum quidem, quod conscientia pulset, & remordeat animum, etiam in casu dubio & probabili. Alterum, falsum esse, quod conscientia debeat esse evidens & manifesta, cū ex declaratione Pontificis possit niti credulitate probabili & discreta.

VII. Redcundo itaque ad argumentum propositum, dico falsissimum esse, quod in tridentino per conscientiam peccati intelligatur notitia scientifica peccati. Quin immò ex dictis retorquetur argumentum & ipsum Caramuelem jugulat hoc modo: poenitens debet confiteri omnia peccata mortalia, quorum post diligentem sui

discussionem conscientiam habet: atqui illorum, de quibus, quis probabiliter dubitat, conscientiam habet, prout constat ex allegatis honorij 3. Clementis 5. & Innocentij 3. testimonijs. Ergo.

§. 2.

Quid igitur nomine CONSCIENTIÆ intellexerit tridentinum?

Conscientiæ nomine tridentinum non intelligere notitiam scientificam, hætenus probatum est: at quid intellexerit nondum diximus. Quare, ut oppositæ nobis objectionis penitus satisfiat, non erit alienum à proposito illud ipsum indagare.

VIII. Dico igitur quod in tridentino conscientia peccati, nequidquam sit aliud, quàm *memoria, seu recordatio peccati à nobis perpetrati*. Quod quidem multis probari & evinci potest.

Primò. Tridentinum loco citato cùm dixisset in confessione recensenda *omnia peccata mortalia, quorum post diligentem sui discussionem CONSCIENTIAM habent*: canone 7. illud ipsum explicans dicit anathema, *si quis dixerit, necessarium non esse jure divino confiteri omnia & singula peccata mortalia, quorum MEMORIA cum debita & diligenti præmeditatione habeatur*. Ubi vides conscientiam in canone vocari *memoriam*, ac proinde pro eodem usurpari.

Secun-

Secundò. Cùm tridentinum sub initium capitis 5. citati dixisset, omnia recensenda, *quorum conscientiam habent*, mox ità exponit, quod dixerat: itaque dum omnia, quæ MEMORIÆ occurrunt peccata Christi fideles confiteri student &c. Et iterum infra: ea peccata confiteatur, quibus se Dominum & Deum suum mortaliter offendisse MEMINERIT. Ubi iterum perspicuum est conscientiam & memoriam nullo discrimine pro eodem usurpari.

Tertiò. Verba illa tridentini: *conscientiæ suæ sinus omnes & latebras exploraverit* convenientissimè ad memoriam referuntur. Quo sensu fideles instituunt quotidianum examen conscientiae, sinus illius omnes & latebras recordationis explorando, dum examinant quid unoquoque die meminerint se egisse.

Quartò. Peccata quorum non habemus conscientiam tridentinum opponit peccatis, quorum non meminimus, quæque nobis diligenter cogitantibus non occurrunt: *reliqua autem*, inquit, peccata, quæ diligenter cogitati NON OCCURRUNT, eadem confessione inclusa esse intelliguntur, pro quibus fideliter cum Propheta dicimus: *ab occultis, meis munda me Domine.* Ergo signum est, quod concilium antea per conscientiam intelligi voluerat recordationem, seu memoriam, hoc enim prorsus requirit facta per concilium antithesis.

Quintò. Dum agitur de conscientia respectu præteritorum, intelligi solet recordatio præteritorum. Ità vim hujus

Psal. 139
verf. 13

hujus vocis explicatam reperio apud Nizolium in suo thesauro ciceroniano: *conscientia*, inquit, *RECORDATIO*, *animi quidam ratio*, *vis & lex, à qua, & de rectè factis, & se- cùs admonemur.*

Appositè autem addidit, quod conscientia sit recor- datio per quam *admonemur*, quia non quæcumque recor- datio dicitur conscientia, sed illa dumtaxat, quæ nos rei à nobis gestæ admonet, quæ admonitio sicut in bonis so- let parere gaudium & læticiam, ità in malefactis solet pa- rere remorium & tristitiam. Unde adagium illud græco- rum: *conscientia verberat animum, & illud Quinciliani: con- scientia mille testes.*

IX. Ex quibus patet, quæ fuerit mens tridentini, cùm dixit in confessione recensenda omnia peccata mortalia, quorum pœnitentes *conscientiam habent*: nimi- rum, quod recensenda sint omnia mortalia, quorum pœnitentes habent recordationem, quæ ipsos peccati ad- moneat, & redarguat. Porro recordatio non tantum pœ- nitentes admonet, & redarguit, quandò certi sunt de pec- cato mortali commissio, sed etiam quandò dubitant. Nam admonitio quam nobis ingerit memoria peccati præteriti, nequidquam est aliud, quàm remorsus ille de quo paragrapho præcedente, quæ etiam ex peccato mor- tali dubio posse oriri ibidem probavimus. Et patet ex eo, quod ille, qui veretur ne in pugna mortale vulnus susceperit, memoriæ suæ testimonio *admonetur*, ut sibi consulat, & de remedio prospiciat.

§. 3. Ref-

§. 3.

*Respondetur ulterioribus Caramuelis probationibus
ex tridentino.*

X. **N**on patitur sibi satisfieri Caramuel, sed opportunè, importunè ità progreditur: ^a

a p. 679.

Ideo debemus singulorum peccatorum speciem & numerum confiteri, quia sacerdotes iudicium hoc incognitâ causâ exercere non possunt, nec aequitatem in pœnis injungendis servare: ergo dubia peccata non debemus exponere.

Quorsum obsecro? quia causa dubia non est cognita: & causâ incognitâ iudicium hoc exerceri non potest.

XI. Lepidum argumenti genus, & ad probandum, quod conscientia sit notitia scientifica apprimè idoneum! Itane iudicium hoc exerceri non potest? non est igitur licitum dubia confiteri? non est sacerdoti integrum, dubia mortalia confitenti absolutionis beneficium impendere? praxim igitur & usum totius ecclesiæ culpamus, quæ, si Deo placet, incognitâ causâ hoc iudicium exercet, dum dubia confitentibus absolutionis beneficium promiscuè impertitur?

Atqui Caramuelem meminisse oportebat, illius, quam ex Homo-bono supra ^b laudaverat doctrinæ. Nimirum, ^{b p. 679;}
absolutionis beneficium moribundo impendi posse, etiamsi nulum confessus sit peccatum, nec confessionem petierit, nec indicia exhibuerit, ex quibus actus contritionis, vel attritionis argui possit. Quæro enim utrius causa sit magis cognita, illius,

N qui

qui candidè & explicatè mortale vulnus dubium cum animi contritione, judicis medico exponit, an alterius qui nullum confessus est peccatum, nec confessionem petijt, nec indicia exhibuit ex quibus actus contritionis, vel attritionis, argui possit?

Quapropter argumento Caramuelis directè responderetur, quod ubi versamur in causa sanitatis obtinendæ, causa dubia sufficienter sit cognita, ut exponi debeat sacerdoti, quâ ratione fungitur officio, non tantùm judicis, verùm etiam medici. Siquidem confessarius non debet tantùm considerari, ut judex puniens, sed ut medicus sanans, prout probatum est capite præcedente num. 8. Et ulterius confirmari potest ex rituali romano jussu Pauli V. edito, in quo sic ordinatur: *imprimis meminerit confessarius se judicis pariter & MEDICI personam sustinere &c.* Et paulò post: *ut ergo rectè judicare queat discrimen inter lepram & lepram, & tamquam peritus MEDICUS animarum morbos prudenter curare, & apta cuique remedia applicare, sciat, quantum potest maximam ad id scientiam atque prudentiam &c. studeat sibi comparare.*

Jam verò causa vulneris dubia, dum exponitur medico, sufficienter est cognita, ut judicio medicinali vulnus ipsum mortiferum curetur, quemadmodum faciliè declarari posset exemplo vulneris corporalis.

XI. Eadem responsio dari debet huic, quam adfert instantiæ: *afferente concilio debet equitas in panis injungendis*

gendis servari. Ergo debet certò constare de delicti existentia, aliàs enim quâ æquitate pœna certæ, & determinatæ pro peccato incerto, & indeterminato injungerentur?

Falsum enim est, quod pro peccato incerto non possit injungi pœna certa, & determinata, si sit medicinalis; sicut in simili, pro morbo incerto potest, immò subinde debet præscribi medicina certa, & determinata, quamvis medicina illa plerisque sit pœnalis.

XII. Minoris momenti sunt alia, quæ ex tridentino Caramuel profert argumenta, imò pleraque sententiam nostram confirmant.

Tale est, quod dicat^a confessionem peccatorum dubiorum non esse *apertam*, nec *verecundam*: è diverso enim non est *aperta*, neque *verecunda* confessio ægroti, qui non vult medico aperire vulnus, vel morbum dubium, quo laborat. a p. 679.

Tale est etiam quod ait^b *dubia non retinentur scienter; nō* b ibidem *enim in dubijs datur scientia*: præterquam enim, quod ridiculè *scienter* usurpari putet pro *scientia* propriè dicta: nonne ægrotus diceretur *scienter* aliquid retinere, aut medicum celare, qui recusaret morbum internum, de quo dubitat, pandere medico?

XIII. At, inquit, ^c *qui dubitat non meminit se Deum offendisse, dubitare enim non est meminisse. Scire est quoddam meminisse*, dicebat Plato, nullum tamen *audivimus dubitare, & meminisse confundentem.* c ibidem

N 2 Verum

Verum fallitur Caramuel, non confundimus dubitare, & meminisse, alias sola dubia forent in confessione aperienda, si dubitare, & meminisse forent synonyma: tantum illud asserimus, quod nonnunquam meminerimus, etiam eorum de quibus dubitamus: æger enim potest meminisse indispositionis nocturnæ, quamvis dubitet, an reverâ fuerit indispositio mortifera.

Imò generaliter verum est, quod omnis qui dubitat, meminerit, quamvis non omnis qui meminit dubitet, siquidem etiam recordamur eorum, quæ scimus certò. Rationem hujus doctrinæ petimus ex Augustini doctrina in simili, docet enim ^a quod, si quidpiam *penitus aboleatur ex animo, nec admoniti reminiscimur. Neque enim omnimodò adhuc obliti sumus, quod vel oblitos nos esse meminimus. Hoc ergo, nec amissum querere poterimus, quod omninò obliti fueramus.*

al. 10.
conf. cap.
19. p. 73.

Eodem enim pacto si peccatorum dubiorum non meminisseimus, ne admoniti quidem eorum reminisceremur, neque omninò adhuc obliti sumus, de quo vel dubitare nos meminimus: neque dubium querere possemus, si illius omninò obliti essemus.

Accedit quod negari non possit nos saltem meminisse peccatorum, quæ scimus à nobis commissa, quamvis dubitemus & incerti simus, mortaliter, an venialiter tantum peccaverimus: ergo saltem hujusmodi peccata dubia debebunt in confessione exponi, quidquid in contrarium obluetur Caramuel.

CAP. 6.

CAPUT SEXTUM.

Respondetur argumentis ex prætensa analogia tribunalis forensis, & sacramentalis.

§. 1.

Declaratur discrimen inter tribunal forense & sacramentale.

Manifestè sibi videtur concludere Caramuel dum ità discurrit: *confessionis tribunal est analogum tribu-^{ap. 676} nali forensi & litigioso: utrumque enim constituitur actore, Reo, testibus & iudice &c. atqui in tribunali mechliniensi, hæc accusationes: appello de latrocinio sortem, quia dubito utrum furatus fuerit, Anselmum, quia est unum indicium leve &c. ad mitti non debent. Ergo nec in Tribunali confessionis.*

Mirum est quod Caramuel verbo non dissolvat totam confitendi difficultatem, sic argumentando: *confessionis tribunal est analogum tribunali forensi, & litigioso: atqui in tribunali mechliniensi nemo tenetur se accusare de peccatis occultis, quamvis certò sciat à se commissæ: ergo nec in tribunali confessionis.*

II. Dicendum itaque analogiam inter tribunal forense & confessionis esse imperfectam, & in multis deficere. Est enim similitudo, non æqualitas, solet autè similitudo in multis deficere. Hinc Augustinus lib. 15. contra Faust. cap. 15. *b quasi verò cum simile aliquid dicitur, ex omni parte, & æque ex omni modo simile intelligatur?* ^{1 rom. 6.} ^{128, 1334} N 3. Porro

Porro in quo deficiat hæc similitudo docet nos cate-
 a p. 126. chismus romanus parte 2. nu. 33. ^a his verbis: *hoc iudicium
 longè dissimile est forensibus capitalium rerum questionibus,
 in quibus confessionis pœna & supplicium, non culpa liberatio
 & errati venia constituta est.*

Quin etiam concilium ^b Colonienſe in Enchiridio de
 pag. 163. justificatione addit inſuper, quod peccator reconciliatus ma-
 col. 2. gis ſit conferendus ad ſententiam paſſum & reſtitutum, quàm
 ad abſolutum in foro, quod Abſolutio, quâ Peccator à delictis
 abſolvitur NIHIL ſimile habeat cum abſolutione forenſi. Tan-
 tùm abeſt, ut agnoſcat omnimodè perfectam analogiã.

Quapropter lata eſt inter utrumque tribunal differen-
 tia. Confeſſis in tribunali forenſi ſola pœna inſigitur, &
 plerumque etiam vita tollitur: confeſſis in tribunali con-
 feſſionis, æterna pœna tollitur, & ablata per peccatum
 vita reſtituitur. Illud eſt tribunal afflictionis, hoc autem
 ſpiritualis conſolationis. In illo non eſt expectanda, niſi
 executio juſtitie, in hoc certiffima eſt ſpes venie. Illud eſt
 tribunal vindictæ, hoc gratie. In illo noxium eſt ſponte
 ſe accuſare, in hoc utiliſſimum. In illo diverſæ ſunt par-
 tes actoris, Rei, & teſtis: in hoc juſtus accuſator eſt ſui
 ipſius, ſoliusque propriæ conſcientie teſtimonio Reum
 ſe conſtituit. Denique, quod rei caput eſt, in illo iudex
 non alio, quàm judicantis fungitur officio: in hoc ſacer-
 dos non tantùm judicis, verùm etiam periti medici fun-
 gitur officio ſuperfundens vinum & oleum vulneribus
 ſauciati.

Cum

Cum itaque tam varia sint inter utrumque tribunal discrimina, quis non videt, præposterè transferri ad sacramentale, quod forensi est proprium? Quid? quod ex allegato inter utrumque tribunal discrimine, oppositum concludi potest? quamvis enim, ubi de sola pœna, executione justitiæ ac vindicta agitur, admitti non debeat accusatio, quæ in solo dubio nititur: ubi tamen agitur de pœna æterna vitanda, de ablata per peccatum vita restituenda, de spiritali consolatione obtinenda, de spe veniæ & gratiæ, de comparandis incredibilibus animæ cominodis, eademque debet actoris, Rei, & testis esse persona, quis diffiteatur dubium animæ vulnus, & periculosum conscientiæ pondus sacerdoti, non tam judici, quàm medico futuro, exponendum, & candidâ confessione declarandum? negligens profectò & salutis suæ parum sollicitus fuerit, qui secùs fecerit.

§. 2.

*Cujusmodi absolutio impendi debeat mortali dubio?
sit ne necesse peccato dubio in confessione certam materiam adjungere?*

III. **C**onfutatam argumentationem ità confirmat Caramuel:^a pœnitenti, legitime confitenti debet confessarius absolutionem impendere: atqui absolvi non potest absolute, qui ad tuos pedes prostravitur, & ait: domine utrum furatus fuerim dubito, si verè furatus fuerim, me accuso, aliàs nō.

Ad

Ad hoc argumentum fatente Caramuele dupliciter responderi solet: *alij enim volunt certam aliquam materiam dubio peccato adjungi, alij nullam certam adjungi, sed absolutionem dari sub conditione.*

Utramque autem solutionem esse *absolutè insufficiens* clarissimè probare contendit Caramuel. Quàm feliciter, lubet experiri. Et quidem primam expendemus hoc paragrafo, alteram sequenti.

IV. Prima, inquit, solutio displicet, quia non est obligatio confitendi mortalia aliàs remissa, & juxta tridentinum venialia taceri, & multis alijs remedijs expiari possunt.^a

a sess. 14.
cap. 5.

Verùm nunquam evincet Caramuel, non posse quempiam per accidens obligari, vel ad mortale aliàs remissum, vel ad veniale confitendum. Tridentinum enim nō agit nisi de obligatione directā, & de peccatis, quæ per se, & gratiā suā tenemur confiteri. Aliàs potest quis certis casibus teneri ad confessionem venialium, ut patet si quis voverit confiteri certa peccata venialia: item si quis ex conscientia erronea veniale putet fuisse mortale: item secundum quosdam ratione periculi ad quod venialia ducunt. Eodem itaque jure diceretur, quod per accidens ratione dubiorum mortalium, sit obligatio adjungendi aliquod veniale, ne sacramentum fortè reddatur irritum.

Neque est quod queratur Caramuel universalem locutionem tridentini restringi, præterquam enim quod suppetat ratio gravissima, scilicet ne sacramentum fortè reddatur

reddatur irritum : nolit velit Caramuel in eodem capite similem restrictionem debet ex caluistis admittere. Quod ità ostendo.

Eodem capite 5. generalis regula statuitur: *oportere à pœnitentibus OMNIA peccata mortalia, quorum post diligentem suâ discussionem conscientiam habent, in confessione recenseri.* Et tamen aduersus hanc generalem regulam, quàm variâ passim admittuntur exceptiones, & restrictiones? si impendeat notabile incommodum confitenti, vel complici ex manifestatione certi peccati, plerique dicunt posse peccatum illud in confessione non recenseri. Unde P. Amicus disp. 13. sect. 8. assignat octo casus ex parte pœnitentis, quibus confessio non debet esse integra : deinde aliquot ex parte absolventis, & ex parte tertij.

V. Superest, ut respondeamus metaphysico casui proposito à D. Caramuele in hunc modum : ^a *habeat Petrus unum, & solum peccatum dubium, nullum veniale, nullum aliud mortale : inquiri, inquit, an iste teneatur materiam aliquam certam adjungere? si casus possibilitatem negas, rem clarissimam negas, quia Petrus potest donari privilegio impeccabilitatis, vel saltem praeservari ne peccet, & præter privilegium, illis primis horis, quibus uti ratione incipit, potuit habere mortale dubium, ante certum mortale, aut veniale.* Ex quibus concludit, quod dubia mortalia non debeant tum subijci confessioni, cùm non possint indirectè remitti, adjuncto veniali, aut mortali aliàs remisso.

O

Verum

VI. Verum est, quod hîc sibi opponit Caramuel, casum illum de lege ordinaria non esse possibilem. Clarissimè enim dicit Augustinus libro de natura, & grat. c. 35. *quod, a exceptâ sanctâ Virgine Mariâ... si omnes sanctos, & sanctas cum hîc viverent congregare possemus, & interrogare, utrum essent sine peccato quantâlibet fuerint in hoc corpore excellentiâ sanctitatis, si hoc interrogari potuissent, unâ voce clamassent: si dixerimus, quia peccatum non habemus, nos ipsos seducimus, & veritas in nobis non est.*

Quod ipsum probat cap. 36. ex oratione omnium iustorum: *b dimitte nobis debita nostra, sicut & nos dimittimus debitoribus nostris. Per hoc enim quotidianum spiritale quodam modo incensum, quod ante dominum in altari cordis, quod sursum habere admonemur, infertur etiam si NON HÎC VIVATUR SINE PECCATO, licet mori sine peccato &c.*

Ex hac enim oratione constat neminem esse, qui non habeat debita, seu peccata, ac per consequens, quod possit ille, qui habet peccatum dubium ità confiteri: *dimitte nobis debita nostra, & peccatum de quo dubito, an commiserim, vel an mortale fuerit.* Et licet admitteretur, quod adultus oblivioni mandaverit omnia certa peccata, tam gravia, quàm levia, prout asserit Caramuel, nihilominus potest generaliter confiteri se in multis deliquisse, Deoque debitorem esse, in vim hujus orationis: *dimitte nobis debita nostra.* Quod maximè concludit adversum Caramuelem, qui fatetur, quod sensus horum verborum:

borum, ^a *dimitte nobis debita nostra*, sic hujusmodi : *domine* ^{a p. 656.}
Deus dimitte mihi per sacramentalem confessionem mea peccata. Additque, quod sacerdos legens horas, *confessionem*
postulet singulis horis. Quare, sicut quilibet potest legere
 orationem dominicam, ita quilibet poterit dicere eo quo
 Caramuel exponit sensu : *domine Deus dimitte mihi per*
sacramentalem confessionem mea peccata, & mortale de
quo dubito.

VII. Quod attinet ad privilegium impeccabilitatis, & casus legis extraordinarię, nō est imprimis credibile, quod Deus conferret privilegium impeccabilitatis illi, de quo dubium foret, an esset in statu peccati mortalis, & inimiticitię secum. Sed ut ut sese res hæc habeat, casus illi nihil faciunt ad propositum, quia quęstio nostra versatur in casibus legis ordinarię : dato tamen casu illo extraordinario, dico, quod vel Deus extraordinario modo tolleretur illud mortale dubiū, sicut extraordinario modo præservaret à peccato, vel aliàs dico, quod Petrus teneretur mortale illud dubium solum sub conditione confiteri, quia dum diximus adjungendum esse veniale, vel mortale dubio mortali, intelligendum hoc fuit de lege ordinaria, & ubi id fieri potest. In casu autem extraordinario eodem modo loquendum erit de confessione, sicut de baptismo, qui in simili casu potest sub conditione conferri, prout dicemus infra.

§. 3.

Possitne mortali dubio conditionata absolutio impendi? lapsus Caramuelis negantis baptismum posse sub conditione conferri. Quorundam opinio, quod mortali dubio possit impendi absolutio sine conditione.

VIII. **E**X dictis patet, quàm inefficaciter impetatur prior illa solutio: ad aliam transeo, quàm longè verisimiliorem existimo.

Et quidem non parùm fallitur Caramuel hoc discursus: *absolutio conditionata non est certa absolutio, sed fortassis erit....* Cùm dicis: *SI NON ES BAPTIZATUS, EGO TE BAPTIZO &c.* si verè peccasti, ego te absolvo, non conficitur sacramentum certum, quod deleat peccatum (originale, vel actuale) dubium, sed proferuntur verba, quæ fortè sacramentum constituent, fortè non constituent. Ergo &c.

Siquidem velit Caramuel, quod verba præ se ferunt, eum, qui dubitat de baptismo, non esse baptizandum sub hac forma, *si non es baptizatus, ego te baptizo*, vereor ne imprudens prolapsus fuerit in damnatam ab Alexandro 3. sententiam. Casus enim ipsissimus decisis est capitulo 2. de Baptismo his verbis: *de quibus dubium est, an baptizati fuerint, baptizantur (aliàs baptizentur) his verbis præmissis: si baptizatus es, non te baptizo: sed SI NONDUM BAPTIZATUS ES, EGO TE BAPTIZO &c.* Ubi ipsissima verba, quæ impugnat Caramuel, usurpanda præscribit Alexander tertius.

Quare

Quare à veritate alienum est, quod per formam conditionatam non perficiatur certum sacramentum, alioqui non foret licitum adhibere formam conditionatam, contra decisionem Alexandri 3. Ritualia, & praxim totius ecclesiæ, quæ formam conditionatam subinde adhibet, eamque in matrimonio, si conditio sit honesta, & possibilis & de præterito, solet ratam habere.

IX. Ut autem appareat, quàm parum sibi constet Caramuel, profero ejusdem discursum, quem pagina 658. paulò ante præmiserat. *Venit ad meos pedes Franciscus vir probus, catholicusque & sic ait: nihil mihi conscius sum, at quia in hoc non justificatus sum, si post ultimam confessionem peccavi, ego me accuso. Queritur an non possim dicere si peccasti, ego te absolvo? hoc casu posito, querit ulterius an non possit conditionatè absolvi hæreticus, qui sic confitetur: confessionem auricularem esse necessariam, aut utilem invincibiliter ignoro; si scirem eam esse necessariam, eam peterem; & si de facto est necessaria, de facto confiteri volo? Denique querit, an non omnes hæreticos materiales absolvere poterit sub eadem conditione: si placeat Deo?*

Postquam talia, tamque singularia dixit de forma conditionata absolutionis, quem non teneat admiratio, quod inferius paucis post paginis tractans idem fundamentum 66, dicat, quod hanc formam conditionatam: *si verè peccasti ego te absolvo, non conficitur sacramentum certum, quod deleat peccatum dubium? Quid? quod pagina 659. approbat*

bat hanc ab Homo-bono relatam Clementis octavi formam : *si es capax, absolvo te à peccatis tuis* : quid igitur (malum!) est, quod eandem in peccatis dubijs improbet ?

X. Neque verum est, quod *absolutio conditionata, non sit certa absolutio, sed fortassis erit* : quia conditio non est de futuro incerto, sed de præterito, quod certo certius fuit, vel non fuit. Et idcirco in similibus effectus non suspenditur, prout benè Panormitanus ad citatum cap. de quibus dubium est & de baptismo, quod probat ex lege 37. ff. de rebus creditis, in qua habes : *cum ad præsens tempus conditio confertur stipulatio non suspenditur. Et si conditio vera sit, stipulatio tenet, quamvis tenere contrahentes conditionem ignorent. Veluti, si Rex Parthorum vivit. Eadem sunt, cum & in præteritum conditio confertur.*

Imò glossa in dictam legem observat, quod *non sit conditio, quæ in præteritum, vel præsens confertur*, quod varijs legibus cõfirmat, & Panormitanus loco citato approbat, dicens, quod in baptismo sub conditione dato, *non est propriè conditio, cum sit de præterito. Non enim suspendit actum, quia certum est naturæ, utrum fuerit baptizatus.* Quamquam de nomine videatur ea quæstio, sitne vocanda, vel non vocanda conditio : rectius fortassis diceretur, quod vim, & potestatem conditionis tali casu non obtineat, juxta illud Papiniani l. 39. ff. suprà : *itaque tunc potestatem conditionis obtinet, cum in futurum confertur.* Conditio enim de præsentī, vel præterito perdit suam vim, cò quod non suspendat actum.

Addo

XI. Addo non esse etiam improbabilem tertiam solutionem, cujus non meminit Caramuel, quod peccato dubio possit impendi absolutio sine conditione, prout in simili docet P. Vasquez^a & Gerson sermone de pœnitentia: *in dubijs sub conditione confitendum est: & potest certa absolutio dari.* Et certè baptismum in dubio sine ulla conditione rursus collatum fuisse antiquitus, facile posset probari, nisi egregiè id prætstitisset Ioannes Morinus lib. 10. de pœnit. cap. 12. ^b

^a in 3. p.
q. 19. 2. 2
dub. 1. n.
39.

^b p. 747.

CAPUT SEPTIMUM.

Respondetur argumento ex prætensa possessione libertatis agendi desumpto.

I. **A** Liud Caramuelis argumentum nititur axiomate multis hoc tempore familiari, quod scilicet *in dubio melior sit conditio possidentis libertatem agendi.* Quod quidem principium, ut vocat, ^a *practicum*, tanti momenti esse existimat Caramuel, ut in prologo dicat: ^b *in dubiorum tenebris & caligine est pharos illa regula: beatus, qui possidet.* Unde in responso ad objectionem 8. ^c docet, ^d quod ille, *qui dubitat, an incurrerit excommunicationem, ad nihil obligetur, quia melior est conditio possidentis suam libertatem.* Et similiter docet, quod in dubio, an quis commiserit crimen mortale, quia melior est conditio possidentis libertatem, ad nihil obligatur. Cujus argumentationis pondus lubet sequentibus expendere.

^a p. 694.
^b pag. 4.

^c p. 697.

§. 1. *Vtrum,*

§. 1.

Vtrum, axioma illud, MELIOR EST CONDITIO POSSIDENTIS, possit assumi pro principio practico in moralibus, eò quod MELIOR SIT CONDITIO POSSIDENTIS LIBERTATEM AGENDI?

II. **A**ffirmant plurimi hoc tempore, & eo principio practico, velut novaculâ quâdam plurimas abradunt agendi obligationes, imò & peccata. Verùm timendum est, ne novacula illa acuta faciat dolum, quandoquidem principium illud practicum Majoribus nostris ignotum fuerit, & Pontifices in suis decisionibus soleant planè diverso principio niti, scilicet, quod *in dubijs tutior via sit eligenda*, prout ostendimus cap. 4. num. 17.

Dico igitur principium illud practicum: *melior est conditio possidentis suam libertatem agendi*, nisi aliter, quàm solet explicetur, inutile esse, meramque principij petitionem, ut loquuntur, continere. Quæro enim, quid sit possidere libertatem agendi? quid aliud, obsecro, quàm posse liberè agere? quid enim est possidere libertatem ambulandi, currendi, pugnandi &c. nisi posse liberè ambulare, currere, pugnare &c.

Quare cùm ità argumentantur: poenitens possidet libertatem non agendi, non confitendi &c. perinde est, ac si dicerent: poenitens potest liberè non agere, potest non confiteri &c. Ubi pro concessio sumitur, quod priùs probandum fuerat.

Igitur

Igitur, cum pervulgato illo axioma idem per idem probetur, non videtur appositè tamquam principium practicum assumi. Et quod præsentem materiam attinet, probanti, quod pœnitens non obligetur confiteri mortalia dubia, quia possidet libertatem non confitendi, respondemus vitiosum esse circulum, & idem per idem probari. Siquidem probandum est, quod posito dubio de mortali commissio, maneat possessio libertatis non confitendi. Hoc enim non tantum negamus, verum etiam falsissimum esse evidenter ostendimus paragrapho sequenti.

§. 2.

Probatur varijs exemplis, eum, qui dubitat, non semper possidere libertatem agendi vel non agendi. Retorquetur argumentum, & posita à nobis conclusio firmatur.

III. Triumphare sibi videtur Caramuel, dum ex dubitatione, an peccatum mortale commissum sit, infert possessionem libertatis confitendi, vel non confitendi mortale dubium. Verum vanus est triumphus & ante victoriam.

Innumeris enim exemplis ostendi potest, non esse universè verum, quod in dubio permaneat & possideatur eadem, quæ priùs, libertas agendi vel non agendi. Pauca, eaque familiariora exempla subjungo.

P

Pone

Pone imprimis hominem christianum, æternæ vitæ desiderio flagrantem prudenter dubitare & vereri, ne quem possidere desiderat, mortifero peccato Deum suum offenderit: quæro, an priorem possidebit non peccitandi libertatem? poterit ille eandem quâ prius conscientie tranquillitate vivere? poterit ille non dolere? non conteri? non saltem atteri? poterit fortunæ, dubioque eventui momentosum æternæ suæ salutis negotium, aleamque committere?

Item finge venatorem seriò moneri à circumstantibus, dubium & incertum esse, Pater sit, an fera, quod in scopis latens telo configere meditatur, animal: possidebit ille eandem jaculandi libertatem? non erit inhumanius? non crudelis? non parricida, si perrexerit, & telum in animal scopis latens direxerit?

Item finge in tempestate dubium esse & periculum ne navis submergatur, nisi merces in mare projiciantur: licebitne uti possessione libertatis, & merces in mare non projicere?

Item finge viatori in bivio constituto, certum à dextris, dubium & incertum à sinistris iter proponi: possidebit ille priorem à sinistris eundi libertatem?

Item fac infirmum dubitare & non de nihilo timere ne peste vel calculo laboret: fac eundem posse nullo negotio pestem vel calculum pharmaco depellere: peto, an priorem possidebit infirmus non medendi libertatem?

tem? peto, an prudenter poterit in hoc dubio conditionem possidentis meliorem reputare, & pestem vel calculum postea futurum periculosiorem non depellere?

Item fac rursùm duci exercitus ab hostibus remoto, dubium & incertum fieri, an hostis cum exercitu valido immineat: scire velim, an possidebit eandem, quàm priùs habebat, dum hostem abesse constabat, securè agendi libertatem? poteritne de rei veritate non inquire? vigiles præter morem non constituere, totique exercitui non aliter, quàm antea soleret, invigilare?

Item fac ipsum D. Caramuelem seriò dubitare, & non inaniter timere ne sit hæretica, quam tradit discipulis, doctrina: rogo, an priorem possidebit doctrinam illam tradendi libertatem?

Denique familiare hoc exemplum propono. Fingamus D. Caramuelem tranquillum esse cum amicis convivam: ceterùm subitò, seriòque moneri ab amicis, dubitationem, & in utramque partem verisimiles conjecturas esse, quòd saga escam, potumq; convivalem inferat: quæro, quid hîc facturus Caramuel? an jactabit prioris libertatis possessionem? An eâdem, quâ priùs, animi tranquillitate prandebit? appositam escam securè comedet? oblatum potum securè bibet?

Fingamus insuper D. Caramueli propter exortam ventriculi perturbationem, dubium fieri, utrùm pestiferum virtus intrò sumpserit: quid hîc dicturi sumus: privilegiò

P 2 possesse

possessæ in dubio libertatis usurum? tranquillo animo futurum? de remedio, aut antidoto non prospecturum? credite posteri.

Atque hæc sufficere existimo, ut constet non solâ certitudine, verùm etiam rationali dubio accedente, priorem agendi vel non agendi libertatem auferri, & prætenfam possessionem deperdi. Ac propterea principium illud practicum, *in dubio melior est conditio possidentis libertatem agendi*, seipsum evertere & perimere: assumit enim pro fundamento & veritate concessa in dubio possideri libertatem agendi, vel non agendi & propterea possidentis conditionem esse meliorem, cùm interim falsissimum sit in dubio permanere & possideri libertatem agendi, vel non agendi, prout manifestè jam probavimus.

Ex quo inopinatum illud & inexpectatum deducimus corollarium, scilicet conclusionem à nobis positam non modò non infirmari allegato axiomate, verùm è diverso evidenter probari ejusdem confutatione. Quippe ex dictis nascitur efficax hujusmodi argumentum: in dubio non possidetur, sed perditur prior libertas agendi, vel non agendi, prout manifestum est ex dictis. Ergo in dubio de peccato mortali commissio non possidetur, sed perditur prior libertas confitendi vel non confitendi, ac proinde sic dubitanti non est integrum non confiteri.

§. 3.

Præceptum potius dicendum esse possidere. Impropiè hic dici possessionem. Conditionem possidentis meliorem esse in materia justitiæ. Non esse hîc dubium de obligatione confitendi, sed de peccato commisso.

IV. **A**liter responderi potest oppositæ argumentationi, etiam concessio, quod axioma illud vulgare: *melior est conditio possidentis*, veritatem obtineat in foro interno & ab externo non dependente. Nimirum dici potest, quod in dubio de quo agitur, possessio potius adjudicari debeat præcepto divino, & praxi ecclesiæ de peccatis mortalibus dubijs in confessione exponendis, quàm libertati agendi vel non agendi. Iam enim suprà multis probavimus extare præceptum divinum de peccatis mortalibus in confessione explicandis: & cap. 4. §. 2. praxi ecclesiæ & communi sensu fidelium eandem veritatem stabilivimus. Quo titulo igitur præceptum divinum obligationis suæ possessione spoliabimus? Ante Lutheri tempora nemo dubitabat, aut in controversiam vertebat, forentne mortalia dubia in confessione declaranda: omnes uno ore affirmabant, & in praxi observabant: quid autem aliud est præceptum possidere vim obligandi, quàm communi fidelium praxi observari? præceptum itaque possidebat vim obligandi, si tamen possessio, hîc admittenda est: ut quid igitur hâc possessione per Lutherum, aliosque poterit justè spoliari?

P 3

Cete-

Ceterum pro perfecta argumenti propositi solutione & intelligentia, nonnulla lubet in præsentī animadvertere, quæ proposito nostro deserviant.

V. Primum est, impropiam esse & tropicam locutionem, quā præceptum divinum dicitur possidere vim obligandi, & homo ipse dicitur possidere libertatem agendi, vel non agendi. Nam juxta Jurisconsultos, possessio, ^a & *proprietas mutuo sese nexu complectuntur, alterumque alterius causam sequitur, ita ut destinatione animi ejus, qui alterum habet, non separentur.* Nam qui rem possidet, ejus est, aut vult esse dominus: nec aliud est possessio, quàm usus rei competens ratione veri, aut sperati domini, certumque est neminem esse possessorem, qui non idem dominus sit, aut verè, aut sanè voluntate.

Quæ omnia non obtinent veritatem in præsentī negotio. Præceptum enim non est capax veri, aut sperati per voluntatem domini, neque homo dicitur habere verum, aut speratum dominium respectu libertatis agendi, vel non agendi.

Crediderim itaque cùm dicitur præceptum possidere vim obligandi, vel homo libertatem agendi, vocem possidere, æquivalere voci habere, vel obtinere. In hac enim significatione videtur loqui Salomon ^b quandò dicit: *posside sapientiam, posside prudentiam.* Et ipse Pater eloquentiæ nonnunquàm hoc sensu loquitur, ut quandò dicit, ^c *magnam vim, magnam necessitatem, magnam possidet religio-*

a connan
13. cap. 9
num. 1.

b Prov. 4.
vers. 5.

c pro sex.
Rosc.
pag. 21.

religionem paternus, maternusque sanguis. Quapropter cum dicitur præceptum divinum possidere vim obligandi, vel homo ipse possidere libertatem agendi, nihil aliud significabitur quàm quod præceptum divinum habeat, vel obtineat vim obligandi, vel homo ipse habeat, vel obtineat libertatem agendi &c.

VI. Alterum est, plurimos authores in ea esse sententia, quòd possidentis conditio non sit melior nisi in materia justitiæ, in alijs tutiorem viam eligendam esse. Ità sentiunt D. Thomas in 4. d. 38. q. 1. art. 3. quæstiunc. 1. ad 6. Azor. tom. 1. l. 2. instit. moral. cap. 19. qu. 10. Vasquez. disp. 65. cap. 3. & 66. cap. 31. & Basilii noster Legionensis lib. 10. de Ordine cap. 15. Pro qua sententia citantur etiam juris canonici Interpretes Hostiensis, Panormitanus & alij, sed illi videntur mihi nonnihil aliter sentire: nimirum quòd generalis hæc regula: *in dubijs tutior via est eligenda*, veritatem obtineat in foro interno: & ex consequenti, quòd opposita: *in dubio melior est conditio possidentis*, veritatem tantum obtineat in foro externo, & ijs quæ à foro externo pendent. De cujus doctrinæ veritate statuere non est hujus loci. Ceterum in utraque sententia propositum argumentum ruit funditus, quia neque versamur in materia justitiæ, neque agitur de foro externo, vel ijs quæ à foro externo pendent, sed de foro interno & tribunali conscientiæ.

VII. Postremum est, quod in præsentī duplex considerari possit dubitatio : una de peccato mortali commissō, altera de obligatione confitendi mortale dubium.

Potest enim Petrus dubitare, an peccatum mortale commiserit ? potest item dubitare, an obligetur confiteri peccatum illud mortale dubium ? quæ duo accuratè discernenda sunt, sicut in familiari exemplo plurimùm differunt, quòd Petrus dubitet & timeat ne in febri periculosam inciderit ? item, quòd dubitet, an hujusmodi dubitatio declarari debeat medico ? prima enim dubitatio prudentiæ plena est, altera imprudentiæ.

Potest itaque dici, quòd in præsentī dubitatio quidem habeatur de peccato mortali commissō, nulla tamen sit dubitatio de obligatione peccatum illud dubium confitendi, sed potiùs certitudo, prout probatum fuit capite 2. 3. & 4. Quandò autem dicitur meliorem esse conditionem possidentis libertatem, dici potest regulam illam non obtinere, nisi quandò dubitatur prudenter de ipsa obligatione. Ubi enim certa & indubitata est obligatio confitendi, tollitur & perit possessio libertatis non confitendi. Quemadmodum ubi est certa & indubitata obligatio medicinam abhibendi dubio vulneri, tollitur & perit tota possessio libertatis medicinam non adhibendi.

Ex quibus patet, quàm inane sit palmarium Caramelis argumentum ex possessione libertatis petitum.

CAP. 8.

CAPUT OCTAVUM.

*Respondetur argumento desumpto ex probabili opinione
peccati mortalis in dubio non commissi.*

Lio velut cornu nos impetit Caramuel fretus, & munitus receptâ à multis doctrinâ, quod licitum sit sequi opinionem, etiam minùs probabilem, ac proinde, quod licitum sit non confiteri, quandò etiam minùs probabile est, peccatum mortale dubium à nobis non esse commissum. Operæ-premium erit illum audire statuentem hoc tertium suum protheorema: *qui subscribens communi theologorum sententiæ asseruerit esse tutum sequi opinionem etiam minùs probabilem, aut inconsequentia laboraturus, aut dicturus peccata, quæ commissa fuisse aut non fuisse probabile est, non esse in confessione necessariò explicanda, sed posse pœnitentem alterutri parti subscribere & sequi suum arbitrium, nimirum vel judicando esse commissæ & confitendo; vel judicando non esse commissæ & non confitendo.* Quid ità? quia aliàs falsum esset, quidquid de probabilitate à viris sanctissimis & doctissimis benignè scribitur. pag. 674

Huic argumento non una, nec probabilis modò, sed etiam efficax responsio adferri potest. Juvabit singulas examinare, breviter tamen, & cursim, neque enim animus est totam de probabilitate controversiam hoc tempore doctrinam tractare, sed ea tantum, quæ propositæ disquisitioni explicandæ deservient.

Q

§. I. Sitne

§. 1.

*Sitne generaliter & universè verum, quod licitum sit
dirigere conscientiam ex præscripto opinionis,
etiam minùs probabilis?*

II. **M**ulti hoc tempore affirmant, verùm plurima sunt, quæ pridem mihi persuaserunt, ut in oppositam, tutioremque sententiam discederem.

E multis pauca sèligam & lectori consideranda proponam.

III. Primò. Frequenter contingit, quòd opinio probabilior, sit in foro conscientiaè tutior & securior. Ergo saltem non licebit dirigere conscientiam ex præscripto opinionis minùs probabilis, quia in dubio tutior via est eligenda, prout probatum est capite 4. numero 17.

cap. 7.

§ 2. n. 3.

IV. Secundò. Pleraq; exempla, quibus suprà evicimus in dubio non manere libertatem agendi, vel non agendi, illud ipsùm evidenter persuadent. Quid si enim venari probabilius sit Patrem in scæpibus latere, & minùs probabile sit feram latere: eritne integrum venatori, insistere opinioni minùs probabili, & in scæpes mortiferum telum dirigere? Idem de naufrago, viatore in bivio constituto, infirmo, duce exercitùs, quin & ipso Caramuele dici & probari potest. Siquidem, fingamus animo probabilius esse craterem veneno imbutum esse, minùs autem probabile idcirco oppositum: eritne Caramueli integrum & licitum opinioni minùs probabili insistere, & craterem epotare?

5. Ter-

V. Tertiò. Opposita sententia est probabilior, prout concedit Caramuel, & authores, à quibus dissentimus: ergo, qui conscientiam dirigit ex præscripto opinionis minùs probabilis exponit se probabiliori periculo peccando & nonnunquam damnationis æternæ, & licet Caramuel alicubi doceat citans Dianam, licitum esse exponere se probabili periculo peccandi, & damnationis æternæ, existimo tamen horribile esse id audire, horribilius asserere, nec opus esse alio ad hujusmodi doctrinam confutandam, quàm propriæ uniuscujusque conscientiæ testimonio. a pag. 147.

Hoc autem consequens esse, ostenditur, quia si verà non esset ullum periculum peccandi, vel subinde æternæ damnationis incurrendæ, opposita sententia non posset dici probabilior, sed falsa, asserit enim esse periculum peccandi, & æternæ damnationis incurrendæ, quod nullum subesset, si opinio minùs probabilis totum periculum abstergeret.

Quæro igitur, an positâ opinione probabili certum sit esse, an potiùs non esse periculum peccandi & æternæ damnationis? si dixeris certum esse quod nullum sit periculum peccandi, & æternæ damnationis, ergo certum est oppositam opinionem non jam esse probabiliorē, sed certò falsam. Si dixeris esse periculum peccandi & æternæ damnationis: ergo jam licitum est exponere se probabili periculo peccandi & æternæ dam-

Q 2

nationis,

nationis, quod erat probandum, & manifestè pugnat cum hac scriptura ¹: *qui amat periculum, peribit in illo.*

VI. Quartò. Ut quis operetur licitè, debet esse moraliter certus, quod non peccet, neque sufficit, quòd homo probabiliter putet se non peccare, quia maneret verum, quòd probabiliter peccaret, ac per consequens, quòd reverà peccaret: jam verò, qui dirigit conscientiam ex præscripto opinionis minùs probabilis, non est moraliter certus, quod non peccet: siquidem regula ex cujus præscripto agit, scilicet, quod *licitum sit dirigere conscientiam ex præscripto opinionis minùs probabilis*, valdè incerta est, à multis prudentibus negatur, & habet sibi resistentem opinionem probabiliore. Quare in hoc syllogismo:

Non peccat qui dirigit conscientiam ex præscripto opinionis minùs probabilis,

Sed Petrus dirigit conscientiam ex præscripto opinionis minùs probabilis,

Ergo Petrus non peccat,

consequens est incertum, & ad summum probabile, quia antecedens ex quo inferitur, *non peccat &c.* est incertum & ad summum probabile, ergo idem sentiendum est de consequente.

VII. At, inquires, prudens esse judicium, in quo nititur probabilis opinio: quis autem vitio mihi vertat, si conscientiam dirigam ex præscripto prudentis judicij?

Verùm

Verùm hoc argumento probaretur in omnibus exemplis ante allegatis ^a, licitum fore opinioni minùs probabili insistere, quod jam confutatum est. Siquidem prudens est iudicium, quo minùs probabiliter mihi asseritur craterem veneno imbutum non esse : nec tamen propterea mihi integrum est probabilius, & prudentius iudicium negligere, & craterem epotare.

^a cap. 7.
num. 3.

Unde dico, verum quidem esse, quod licitum sit ex præscripto prudentis iudicis conscientiam dirigere, quando non resistit aliud equè prudens aut prudentius oppositum iudicium, quod prævalet & præponderat : tum enim prudentius illud iudicium negligere, nemo non vertet vitio & imprudentiæ.

VIII. Præterea, duplex hîc considerari potest, & debet prudens iudicium, eo ferè modo, quo supra ^b consideravimus duplicem dubitationem. Unum enim iudicium est de rei veritate, exempli causâ, quod vinum congelatû sit materia consecrationis, & hoc iudicium vocari potest *speculativum* : aliud iudicium est de libertate, seu de facultate & licentia agendi, vel non agendi, exempli causâ, quod licitum sit vinum congelatum consecrare, & hoc iudicium vocari potest *practicum*. Quare dico, quod in præsentî negotio licet primum iudicium speculativum de rei veritate, scilicet de peccato mortali non commissio, sit prudens, falsum tamen est, quod iudicium practicum de libertate, seu facultate non agendi, scilicet de li-

^b Ibidem
nu. 7.

centia non confitendi mortale dubium, sit prudēs, quia, ut declaravimus, potest esse iudicium prudens & probabile de rei veritate, quamvis non sit iudicium prudens & probabile de facultate & licentia agendi, vel non agendi. Quod iterum ostendi potest in ægro, vel vulnerato, qui licet prudenter iudicet se non habere morbum, vel vulnus mortiferum, tamen, si sit oppositum iudicium prudentius, vel probabilius, quo existimetur habere morbum vel vulnus mortiferum, non poterit prudenter iudicare, se habere libertatem & facultatem non accersendi, vel consulendi medicum. Quorsum igitur idipsum non pronuntiabitur de eo, qui probabiliter quidem & prudenter iudicat se non habere morbum vel vulnus animæ mortiferum, si interim probabilius & prudentius iudicet se habere morbum, vel vulnus animæ mortiferum? siquidem non minor est necessitas vitam spiritua-lem & æternam procurandi, vel conservandi, quàm corporalem & transitoriam.

§. 2.

Saltem in administratione, vel susceptione sacramentorum non esse licitum extra casum necessitatis opinioni minùs probabili insistere neglectâ probabiliori & tutiori.

IX. **O**stensum est paragrapho præcedente non esse generaliter & universè verum, quod licitum sit conscientiam suam dirigere ex præscripto opinionis minùs

minùs probabilis, quod tamen ità debet intelligi, ut non negemus subinde licitum esse minùs probabili opinioni insistere, sed tantùm velimus id non obtinere semper & quolibet casu. Lubet modò ostendere, quod in præsenti quâ versamur quæstione, non sit licitum opinioni minùs probabili insistere, & eorum, de quibus probabiliter dubitatur, mortalium confessionem negligere.

Ratio autem facilis est, quia in præsenti casu agitur de susceptione sacramenti poenitentiae, communis autem & sana doctrina negat in susceptione vel administratione sacramentorum licitum esse ad minùs probabilem sententiam sese conformare. Unde licet admodum probabile sit valere baptismum datum in nomine genitoris, geniti & spirati: item, quod vinum congelatum validè consecratur: tamen theologi jure merito negant licitum esse, vel prædictâ formâ baptizare, vel vinum congelatum consecrare.

X. Solent autem doctrinam illam plerique probare ex Augustino lib. 1. de baptismo cap. 3. ⁴ ubi proponit sibi Donatistam incipientem converti, & pro certo habentem apud catholicos rectè dari baptismum, dubitantem autem & pro incerto habentem utrum rectè detur apud Donatistas, & ità concludit: *quamquam etiam si dubium haberet, non illic rectè accipi, quod in ecclesia catholica rectè accipi certum haberet, graviter peccaret in rebus ad salutem animæ pertinentibus, vel eo solo, quod CERTIS INCERTA*

rom. 7.
pag 33.

PRÆPO.

PRÆPONERET. Et paulò post: incertis certa præponendo hic baptizetur: & cap. 5. ^a accipere itaque in parte Donati, si incertum est esse peccatum: quis dubitet certum esse peccatum, non ibi potius accipere, ubi certum est non esse peccatum?

Quod ipsum etiam probari potest ex eo, quod idem Augustinus libro de fide & oper. nullo modo velit permittere, ut celebrentur matrimonia, de quibus dubium & incertum est, an sint legitima: ^b quamobrem, inquit, quæ manifesta sunt impudentiæ crimina omnimodò à baptismo prohibenda sunt: quæ autem dubia omnimodò conandum est, ne fiant tales conjunctiones. Et rationem subjungit: quid enim opus est in tantum discrimen ambiguitatis caput mittere?

*b com. 4.
cap. 19.
pag. 33.*

Ob eandem rationem dicit ibidem se nescire utrum sic contrahentes ad baptismum debeant admitti: si autem, inquit, facta fuerint, (tales conjunctiones) nescio utrum ij, qui fecerint, similiter ad baptismum non debere videantur admitti.

XI. Denique in ejusdem veritatis confirmationem adferri potest perpetua & constans praxis ecclesiæ, quæ præterquam in casu necessitatis non permittit administrantem, vel susipientem sacramenta adhibere materiam vel formam dubiam & minùs probabilem, neglectâ certâ & infallibili.

Permisit quidem nonnunquam ecclesia dubium & nonnisi probabiliter validum sacramentum administrari, sed non nisi premente necessitate, & in præsentī salutis

salutis periculo, cū sacramentum certum administrari non potest. Ita S. Augustinus lib. 1. de adult. conjug. docet baptismum non nisi probabiliter & sub dubio validum posse administrari catechumenis, quorum voluntas incerta est, ac proinde quādo incertum est, an subsistet sacramentum: non tamen admittit hoc posse fieri quolibet calū, sed dumtaxat, si fuerint in hujus vitæ ultimo constituti, si morbo seu casu aliquo sic oppressi sint, ut quamvis adhuc vivant, petere sibi tamen baptismum, vel ad interrogata respondere non possint. Et infra cap. 28. ego, inquit, non solum alios catechumenos, verum etiam ipsos, qui videtur coniugis copulati retinent adulterina conjugia, cū saldos corpore in his permanentes non admittamus ad baptismum, tamen si desperati & intra se pœnitentes jacerint, nec pro se respondere potuerint, baptizandos puto. Ubi patet Augustinum velle, quidem baptismus dubius & probabiliter certus, catechumenis administraretur, sed non nisi in periculo vitæ & casu necessitatis, aliās, inquit, saldos corpore non admittimus ad baptismum.

Unde postmodum idem concedit in sacramento pœnitentiæ, his verbis: quæ autem baptismatis, eadem reconciliationis est causa: sed subjungit hanc cautionem: si forte pœnitentē FINIENDÆ VITÆ PERICULUM PRÆOCCUPAVERIT. Non concessurus, si nullū fuerit finiendæ vitæ periculum.

Sic etiam S. Leo ^b cum synodali cœtu docet baptismum dubium & non nisi probabiliter validum admini-

rom. 6.
cap. 26.
pag. 396

1 epist. 37
c. 1. & 2.
col. 350

R stran-

strandum esse, sed dumtaxat in casu necessitatis & dum certitudo haberi non potest, *ne dum plus justo metuitur, misericordia Dei salvari cupientibus denegetur.*

§. 3.

Obligatio adhibendi materiam vel formam certam in administratione vel susceptione sacramentorum non prove-
nit ex solo charitatis erga proximum offi-
cio, verum etiam religionis in Deum.

XII. **M**Anifestum est ex ijs, quæ superius dicta sunt, non esse licitum in administratione, vel susceptione sacramentorum opinioni minùs probabili fide-
 dere, & securam, tutamque probabiliorem negligere, ac propterea in confessione non esse licitum opinioni illi minùs probabili insistere, quod peccatum mortale dubium non sit commissum.

Sed quæstio vertitur inter theologos, utrum, qui in administratione sacramentorum opinioni minùs probabili insistit, peccet contra solam charitatem, siue misericordiam quâ debet proximo indigenti remedium adhibere, an insuper etiam adversum virtutem religionis, eò quod indignè videatur tractare sacramentum, qui deditâ operâ exponit se probabili periculo sacramentum non conficiendi.

Non desunt enim magni nominis authores, qui existiment, quod si non obstet ecclesiæ usus & consuetudo
 recepta,

recepta, & sit varietas opinionum probabilium, siue circa materiam, siue circa formam, licitum esse sequi opinionem probabilem, & ex illa colligere iudicium conscientiae, quod liceat ita administrare sacramentum, etiam pro parte minus tuta, in qua potest esse periculum efficiendi irritum sacramentum, aut effectum illius.

XIII. Verum mirari lubet, quid auctores illos in eam perducere potuerit sententiam, cum unicuique statim occurrat, non satis reverenter de sacramentis sentire, qui datâ operâ voluerit sacro-sancta illa signa probabili periculo falsitatis exponere.

Quare omnino existimo, reum esse, non modò violatæ fraternæ charitatis, verum etiam debitæ erga Deum & res sacras, religionis, qui per se, ac suâ sponte in administrandis, vel suscipiendis sacramentis opinionem probabilem sectatur, certamque & nulli periculo obnoxiam prætermittit. Variæ sunt hujus rei rationes.

XIV. Prima ratio petitur, ex eo quod Christus Dominus sit principalis minister sacramenti, in cujus persona & nomine administratur sacramentum, homo autem non sit nisi vicarius Christi minister, ejusque personam sustinens: quæro enim, an satis reverenter Christi personam sustineat, qui verba ejus nomine prolata, per se & sponte, probabili falsitatis periculo exponit?

Pone Legatum Regis nomine seriò loqui & publicum sermonem habere: satisne reverenter personam Re-

R 2

gis susti-

gis sustinebit, si verba ejus nomine prolata, sponte & ultro, verisimili falsitatis periculo subjiciat? quid igitur dicendum de illo, qui Christi nomine pronuntiat: *hoc est Corpus meum*? poterit ille, vel ipsis Angelis tremenda illa verba sine despectu supremæ illius majestatis, cujus personam sustinet, in discrimen & periculum falsitatis sponte adducere? Quid à prima, summaque veritate magis alienum, quàm tale falsitatis periculum?

*a tract. 5.
in Ioan.
tom 9.
pag. 18.* Vehementer assentior Augustino dicenti, quod in sacramentorum administratione Christus sit iudex, minister præco: quid, inquit, *a te impedit malitiosus præco, ubi benevolus est iudex*? sed & huic veritati vehementer assentior, quod non reverebitur, ut par est, personam judicis præco, qui sponte, cum potest certissimam, periculo falsitatis obnoxiam judicis nomine promulgat sententiam. Idem dic de ministro sacramenti.

Observari itaque debuerat, quod vice, nomine & in persona Christi ministretur sacramentum, quodque non nostrum tantum, sed potissimè Christi agatur negotium: cujus verba falsitatis periculo nequidquam subjicere, quid est aliud, quàm ejus personæ illudere?

XV. Negabis fortè, quod sacramentum administretur in persona Christi, & dices sufficere quod authoritate & virtute Christi agatur, quidquid in sacramentis agitur, quamvis ejus personam minister non sustineat.

Sed hæc responsio nullo negotio confutatur. Imprimis

mis enim ab homine catholico negari non potest, in consecratione Eucharistię ministrum, Christi personam sustinete: disertè enim florentinum in decreto unionis asserit, *quod sacerdos IN PERSONA Christi loquens hoc conficit sacramentum.* Quod ipsum antea docuerat Ambrosius lib. 4. de sacramentis^a dicens: *ubi venit, ut conficiatur* a cap. 4. p. 335
venerabile sacramentum, jam non suis sermonibus sacerdos, sed
utitur sermonibus Christi. Et lib. de ijs, qui initiantur^b: *sa-* b cap. 9. p. 331.
cramentum istud, quod accipis, Christi sermone conficitur.

De sacramento baptismi etiam probatur ex illis verbis Ioannis de Christo: ^c *HIC EST, QUI BAPTIZAT,* c cap. 7. vers. 33.
 quę verba frequentissimè inculcat Augustinus, dum pugnat aduersus Donatistas, inde probans Christum esse principalem ministrum baptismi, & effectum baptismi non pendere à probitate ministri: *Petrus, inquit,* ^d *baptizet, hic est, qui baptizat: Paulus baptizet, hic* d tom. 9. traq. 6. in Ioan. pag. 22. e traq. 2. pag. 12.
est, qui baptizat: Iudas baptizet, hic est, qui baptizat. Et antea: ^e *quid non noverat Ioannes? tantam potestatem baptis-*
matis Dominum habiturum & sibi retenturum, siue præs-
entem in terra, siue absentem corpore in cælo & præsensem ma-
iestate sibi retenturum baptismatis potestatem: ne Paulus di-
ceret, baptismus meus: ne Petrus diceret, baptismus meus.
 Quia scilicet Christus est in cuius nomine & persona baptismus à quocumque ministro confertur.

Subjungit autem verba, quę rem conficiunt: *ideò videte & intendite voces Apostolorum. Nemo Apostolorum*

R 3 dixit,

dixit, *baptismus meus*. Quamvis unum omnium esset *Evangelium*, tamen in *denis* dixisse *Evangelium meum*: non in *denis* dixisse *baptisma meum*. Hoc ergo didicit *Ioannes*, *fratres mei*. Quod si enim *Christus* diceretur baptizasse, eodumtaxat nomine, quod ejus autoritate & virtute administraretur sacramentum, quamvis minister, *Christi* personam non sustineret; sicut *Apostoli* dixerunt *Evangelium meum*, ita potuissent dicere *baptisma meum*, quandoquidem etiam *Evangelium* virtute & autoritate *Christi* per *Apostolos* operaretur, sicut juxta responsionem *baptismus*.

Similem argumentandi rationem nobis subministrat *baptismus Joannis*. Idcirco enim non erat *baptismus Christi*, quia non celebrabatur in nomine & persona *Christi*, quamvis interim virtute & autoritate *Christi* exerceretur. Nam, ut docet *Augustinus* libro 5. de *baptismo* ^a *servo Joanni*, ut *proprium baptismum dare posset*, ^b *ipse Christus prastiterat*. Et iterum ^c *ex ejus (Christi) plenitudine acceperat Joannes baptizandi potestatem*. Denique ^d *inferius tradit baptismum Joannis a Christo concessum*, ^e *non tamen Christi proprium*. Quare *Christus* dederat virtutem & autoritatem *baptismo Joannis*, cui prastiterat, & concesserat ex plenitudine gratiae suae, ut *proprium baptismum dare posset*, non erat tamen *baptismus Christi proprius*, quia non celebrabatur in nomine & persona *Christi*.

Quod

^a cap. 9.

^b pag. 59.

^c cap. 13.

^d pag. 61.

^e cap. 15.

^f ibidem.

Quod attinet ad alia sacramenta, supervacaneum reputo speciatim ostendere, quòd vice & in nomine Christi administrantur: propterea, quod ratio Augustini pondus & robur suum obtineat in quolibet sacramento. Siquidem, probare contendit adversum Donatistas, quod effectus baptismi non pendeat à sanctitate ministri, quia in Christi nomine & persona baptismus confertur: ergo, cum verum sit, effectum ceterorum sacramentorum etiam non pendere à sanctitate ministri, consequens erit, quod & reliqua omnia sacramenta administrabuntur in nomine & persona Christi. Et verò, sicut scriptum est: *hic est, qui baptizat*, cur etiam admitti non debet: *hic est qui confirmat: hic est, qui absolvit &c?*

Redeo itaque ad propositum argumentum, & iterum rogo, utrùm citra sacrilegium, in nomine & persona Christi sine causa seriò pronuntiari & asseri possint verba falsitati obnoxia? Rogo, Veritatis ipsius nomine prolatam vocem verisimili falsitatis periculo offerre, quid aliud sit, quàm ipsam Veritatem ludificari? sacrilegus foret & impius, qui super ligno vel lapide seriò pronuntiaret ter sancta consecrationis verba: quin igitur ejusdem noxæ damnamus eum, qui super materia dumtaxat probabili eadem verba pronuntiat? quid si enim materia dumtaxat probabilis, reapse non magis consecrari possit, quàm lignum, vel lapis? huic verisimili periculo sponte & dedità operâ consentire, & verba Christi falsitari

falsitati objicere, hocine est animo religionem tenere?
hoc est Christum revereri?

XVI. Secunda ratio, cum præcedente connexa, peti-
tur ex eo, quod sacramenta non sint tantum veneranda
ratione Christi, cujus vice & nomine conferuntur, ve-
rùm etiam ratione sacratissimæ, quâ juxta Augustinum,
præpollent significationis. Siquidem magnæ irreveren-
tiæ est sacro-sancta illa signa falsitatis periculo objicere,
& sacratissimam eorum, divinitus institutam signifi-
cationem, cassam & inanem probabiliter reddere.

Quò spectat illud Augustini contra Faustum scri-
bentis: *sacramentorum vis inenarrabiliter valet plurimum,*
et ideo contempta sacrilegos facit. Impie quippe contemnitur,
sine qua non potest perfici pietas. Etenim hanc sacramento-
rum vim inenarrabilem præsumitur contemnere, qui
sacram illorum significationem, quæ præcipua sacra-
mentorum virtus est, falsitatis periculo non veretur
sponte exponere.

Quare non oportet hîc considerare sacramenta,
ceu signa quædam prophana & indiscriminatim tra-
ctanda, verùm, ceu signa quædam sacrosancta, divina,
& cœlestia, quæ sint vasa gratiæ, Christi sanguine &
meritis stillantia, quæ efficaciter significant Spiritum S.
cordibus suscipientium infundi, ac propterea magna
cum reverentia & cultu tractanda, quorum certè sa-
cra significatio si falsitati & contemptui exponatur, ip-
sum

sum quoque Christi sanguinem & merita, ipsumque Spiritum sanctum, quem præsentem significant, eidem exponimus injuriæ.

Quocirca tanta fuit Majorum nostrorum erga sacramenta reverentia, tam eximia, tamque singularis veneratio, ut ipsa verba, quibus sacramentum conficitur, ne ipse quidem supremus Pontifex auderet scripto fidere, veritus periculum palam ea manifestandi & quodammodò dedecorandi.

Hinc Innocentius I. Decentio Eugubino episcopo rescribit: ^a *verba verò dicere non possum, ne magis prodere videar, quàm ad consultationem respondere.* Et infra agens de sacramento extremæ unctionis: ^b *reliqua verò, quæ scribi fas non erat, quum adfueris, interrogati poterimus edicere.* Quod etiam generaliter de ordine tradit Dionysius Areopagita, vel quisquis author est libri de ecclesiastica Hierarchia: ^c *in vocationes porrò consecratorias nefas est scripto interpretari & arcanum earum sensum, virtutemque, quas in ijs Deus operatur è secreto in publicum efferre: sed ut nostra sacrosancta traditio docet &c.*

^a rom. 2.
conc. pag
609. n. 3.
^b ibidem
num. 8.

^c cap. 7.
pag 417.

Quod si Pontifex religioni habuerit verba sacramentalia periculo publicæ notitiæ exponere, quantò magis religioni habuisset eadem verba sacramentalia periculo falsitatis ultrò exponere?

XVII. Tertia ratio petitur, ex eo, quod sacramenta contineant sacram quandam invocationem divini no-

S minis

a 1. cor.
10. vers.
16.
b §. 10.
p² 417.

minis super materia benedicenda, vel consecranda, unde Apostolus scribens ad Corinthios : *a Calix benedictionis, cui benedicimus, nomine communicatio Sanguinis Christi est ?* & Dionysius Areopagita, suprà ^b agens de formis ordinationū, vocat eas *invocationes consecratorias*.

Hanc porro invocationem periculo falsitatis & frustrationis ultrò exponere, nequidquam aliud videtur, quàm ipsum divinum nomen eidem periculo exponere. Qua in re contineri irreverentiam nullus diffitebitur.

Sanè, nemo non fatetur divini nominis irreverentiam esse, si quis, etiam certus de rei veritate, divinum nomen absque necessitate & in vanum assumpserit : quantò magis si quis divini nominis invocationem, absque necessitate, probabili periculo falsitatis exposuerit ?

XVIII. Quarta ratio petitur ex comparatione evangelij cum sacramentis, hoc modo. Non servat debitam evangelio reverentiam, qui evangelij prædicationem, vel annuntiationem sine causa exponit probabili falsitatis periculo : ergo nec ille, qui administrationem sacramenti à Christo instituti exponit probabili falsitatis periculo : quandoquidem, ut suprà dictum est, ^c baptizamus, aliæque sacramenta magis Christi sint, quàm ipsum evangelium.

XIX. Quinta ratio petitur ex alia comparatione. Irreverentiæ jure merito culpandus est, qui religiosas ce-

remo-

remonias vel ritus usurpat, de quibus incertum est, sacri sint, an prophani? christiani, an gentiles? ergo ejusdem irreverentiæ meritò arguitur, qui sacramenta, utpote religiosas ceremonias & sacros ritus, usurpat, incertus sacræ, an prophanæ sint ceremoniæ? veri ritus, an falsi?

Idem argumentum urgeri potest exemplo illius, qui reliquias venerandas exponit, de quibus incertum est, & in utramlibet probabilitatis partem controversum, sacræ sint, an prophanæ? non enim minor sacramentis, quàm Sanctorum reliquijs debetur veneratio.

XX. Ex quibus omnibus conficitur, non modò non esse licitum, propter opinionem probabilem de mortali dubio non commisso, prætermittere illius confessionem, sed & insuper quod reus sit futurus violatæ religionis, qui attentare hoc præsumpserit.

§. 4.

Difficilis adversus prædicta objectio. An, & qualis attritio cū sacramento suspiciat ad impetrandam veniam peccatorum?

XXI. **A**Dversus ea, quæ suprà, potissimè paragrapho præcedente, à nobis constituta sunt, grave, arduumque de attritione dicitur argumentum. Enimverò, licitum est pœnitenti accedere ad sacramentum confessionis, quamvis sciat se habere solam attritionem de peccatis, quæ confitetur; cùm interim in opinione positum sit, utrum attritio scita sufficiat obtinendæ remissioni

missioni peccatorum. Quod si in sacramento pœnitentiæ licitum sit insistere opinioni probabili & minùs tutæ, quidni & in alijs ? Ità ferè pervulgatum illud argumentum proponit P. Vasquez, ^a dicens hoc esse commune exemplum, quo utuntur recentiores, qui oppositam nostræ sententiam amplectuntur.

^a 1.2. dif.
puc. 63 c.
1. num. 6.

Quam doctrinam vehementer approbat D. Caramuel, dicens ^b *extra articulum mortis posse hominem cum attritione cognita ad sacramentum pœnitentiæ accedere: quia sequendo dictamen probabile, operatur prudenter, nec potest argui temeritatis.* Quam doctrinam postea extendit etiam ad articulum mortis, infirmus, inquit, ^c *in articulo mortis non tenetur in rigore & ex præcepto elicere actum contritionis: sed sufficit, si confiteatur etiam cum attritione cognita.* Et rationem subjungit: *quia semper licet homini sequi opinionem probabilem, ubi non determinatur ad alteram probabilitatis partem voto, juramento, aut præcepto.* Vult ergo licitum, esse in susceptione sacramentorum insistere probabili opinioni prætermisâ tutiore, etiam in articulo mortis, cū agitur de jacienda felicitis aut infelicitis æternitatis alea.

^b pag.
148.

^c pag. 151

XXII. Observo autem non satis concordare theologos in explicanda notione vocis *contritio* & *attritio*. Cū enim diversissimæ fuerint theologorum de contritione & attritione opiniones, ità etiam diversissimâ notione, prout cuique usui venit, vocibus illis usi sunt. Unde Caramuel in præmiali sua epistola omnibus viris doctis

doctis inscripta ^a: quo differant modo (contritio & attritio) * pag 32.
 conantur explicare theologi, nec umquam ita clarè possunt, ut
 animus scrupulosus quiescat. Nec id mirum, si in notione &
 significatione earundem vocum non conveniant. Por-
 rò Caramuel nodum illum gordium nullo negotio dis-
 solvit, ad stipulatur enim opinioni docenti, quod ille ha-
 bet contritionem, qui dolet se patrasse peccatum, ille attritio-
 nem, aut contritionem imperfectam, qui dolet se dolere non
 posse. En facile discrimen. Verùm alij omninò aliter,
 prout liquebit ex sequentibus.

XXIII. Ceterùm huic argumento, pro dignitate res-
 pondere, alterius, imò prolixioris theologicæ disquisi-
 tionis, justum foret negotium. Quare nonnulla tan-
 tùm delibabimus, potissimè, quæ Caramuelem, cum
 quo nobis negotium est, concernunt.

Et quia torus assentior præclaro monito S. Maximi
 contra Pyrrhum monothelitam disputantis: ^b dicere b tom. 2.
consp. par.
te 1. pag.
380.
 quippiam, & non distinguere prius significata in eo quod dici-
 tur, nihil est aliud, quàm omnia confundere, & ea studio relin-
 quere operta de quibus queritur, quod est alienum à viro disse-
 rendi perito: hinc statui diversa significata vocum con-
 tritio & attritio in medium proferre, ne videar velle stu-
 dio relinquere opertum id de quo queritur.

XXIV. Mihi autem non videtur posse adferri di-
 stinctio rei de qua sermo est declarandæ aptior, quàm si
 contritionem & attritionem de peccato commisso con-

simili ratione distinguamus, quâ solent theologi cum Magistro in 3. dist. 34. & Angelico Doctore 2. 2. q. 19. art. 2. distinguere varium timorem peccandi: prætermisso tamen timore mundano, qui proposito nostro non deservit.

Quemadmodum ergo secundum eosdem theologos datur timor servilis per quem homo refugit peccare merè ex timore pœnæ sine ullo affectu benevolentiae erga Deum propter se dilectum; ità dari potest contritio, vel potius attritio merè servilis per quàm homo refugit & detestatur peccatum præteritum merè ex timore pœnæ, sine ullo affectu benevolentiae erga Deum propter se dilectum.

Insuper quemadmodum secundum eosdem theologos datur timor filialis, qui filiorum Dei proprius est, per quem scilicet homo refugit peccare merè ex amore benevolentiae, quo Deum perfectâ charitate complectitur, ità etiam dari potest contritio filialis, per quàm homo refugit & detestatur peccatum præteritum merè ex amore benevolentiae, quo Deum perfectâ charitate complectitur.

Denique quemadmodum, ex eorundem theologorum sententia, datur timor medius inter utrumque, dictus initialis, per quem homo refugit peccare, partim ex timore pœnæ, partim ex sincero amore benevolentiae erga Deum propter se dilectum; ità etiam dari potest contri-

Contritio, vel attritio initialis per quam homo refugit & detestatur peccatum commissum, partim ex timore pœnæ, partim ex sincero amore benevolentiae erga Deum propter se dilectum. Ità ut verum sit, de attritione initiali, quod de timore initiali docebant antiqui scholastici, scilicet, quod attritio initialis duos habeat oculos, unum ad pœnam, alterum ad offensam, seu nocumentum non nobis, sed Deo propter se dilecto per peccatum illatum.

Addo quartum genus attritionis, scilicet Caramuelisticæ, quam suprà retulimus, quâ scilicet peccator non *dolet se patrasse peccatum, sed dolet se dolere non posse.*

XXV. Respondeo ergo imprimis, quod infirmo in articulo mortis constituto non sit licitum confiteri cum attritione Caramuelistica cognita, id est, si reverà non doleat se patrasse peccatum, sed tantum doleat se dolere non posse.

Ratio est, quia hæc doctrina pugnat cum tridentino, asserente, ^a quod *pœnitentia universis hominibus, qui se mortal* ^{a Sess. 14. cap. 1.} *aliquo peccato inquinassent, quovis tempore ad gratiam & justitiam assequendam, fuit necessaria; illis etiam, qui baptismi sacramento ablui petivissent, ut per veritate abjectâ & emendatâ tantam Dei offensionem cum peccati odio & pio animi*
DOLORE DETESTARENTUR. Quibus verbis manifestum est, ad effectum baptismi ex mente tridentini necessarium esse verum dolorem & detestationem peccati commissi. Ergo etiam ad effectum sacramenti pœnitentiae,

tix, est enim sacramentum pœnitentiæ lapsis post baptismum ad salutem necessarium, ut nondum regeneratis ipse baptismus.^a

^a ibidem
cap. 2.

Sed nihil potest manifestius desiderari, quàm quod habetur eâdem sess. cap. 4. cùm enim concilium dixisset, quod contritio, sit *animi DOLOR ac DETESTATIO DE PECCATO COMMISSO*, subdit: *fuit autem QUOVIS TEMPORE ad impetrandâ veniam peccatorum hic CONTRITIONIS motus NECESSARIUS &c.* Perperam ergo quis dixerit ad impetrandam veniam peccatorum non esse necessarium verum dolorem ac detestationem de peccato commisso, sed sufficere si doleas te dolere non posse.

Quod insuper confirmari potest ex eo, quod tridentinum & idem est de florentino, ex dictis cap. 4.^b ad sacramentum pœnitentiæ, ejusque effectum requirat contritionem, saltem ut minimùm imperfectam: jam verò, qui non dolet se parrasse peccatum, sed tantùm dolet se dolere non posse, non habet veram animi contritionem: illa enim universè definitur animi dolor & detestatio de peccato commisso, quem animi dolorem non habet, qui tantùm dolet se dolere non posse, cùm habeat solum doloris illius votum & desiderium.

Ex quo patet falli Caramuelem, dum putat contritionem in tridentino, prout perfectam, & imperfectam complectitur, *improprie & imperfectè intelligi*: tridentinum enim requirit omninò verum & propriè dictum animi dolorem ac detestationem de peccato commisso, quæ contritio generatim nuncupatur. Respon-

^c pag.
655.

XXVI. Respondeo secundò, si sermo sit de contritione filiali, quidquid aliqui antiqui scholastici dixerint, non esse absolutè necessarium, ut accedens ad sacramentum poenitentiae habeat contritionem filialem ex charitate perfecta promanantem. Persuasissimum enim mihi est, quod contritio charitate perfecta, hominemque Deo per se reconcilians, non sit absolutè necessaria ad percipiendum effectum sacramenti poenitentiae, sed sapè fieri, ut homo in sacramento iustificetur cum contritione imperfecta, quae destituta sacramento ad iustificationem perducere peccatorem non posset. Qua de re alibi.

XXVII. Respondeo tertio, si sermo sit de contritione, vel attritione initiali, quod licitum sit accedere ad sacramentum poenitentiae cum attritione initiali cognita. Cum enim contritio filialis non sit necessariò requisita, ut dictum est, consequens est, quod aliqua contritio minus perfecta sufficiat: & quae, obsecro, potius, quàm initialis, quae proximè ad filialem accedit? Quòd tamen intelligendum est sub hac cautione, quod contritio illa initialis non sit omninò torpens & frigida, sed efficax, & usque adeò fervens, ut voluntatem peccandi positivè excludat, cum spe veniae. Qua de re etiam alibi.

XXVIII. Respondeo quartò, si sermo sit de contritione, vel attritione servili, quidquid sit de veritate doctrinae, quae asserit attritionem servilem, sufficere cum sacramento: ego, quòd me attinet, tali attritioni, potissimè

T

simè

simè in periculo mortis, nollem salutis meæ & æternitatis exitum committere. *Deterret me*, inquit Dominicus

a in 4.
dist. 19.

q. 2. a. 6.

pag. 192.

Soto, ^a non esse articulum fidei, ut attriti per sacramentum fiant contriti. Non est enim expressa evangelica assertio, aut ecclesiastica definitio. Imò, neque apud Augustinum, aliumve illius classis authorem reperitur: sed est scholasticorum collectio, quæ quamquam sit vera, NON TAMEN EST DIGNA, CUI BILANCES PERPETUÆ NOSTRÆ, AVT SALUTIS, AVT DAMNATIONIS CONFIDAMUS. Quod dicat doctrinam illam de attritione, utique servili, sufficiente in articulo mortis, non reperiri apud Augustinum, aliumve illius classis authorem & nihilominus veram esse, alia cōsideratione & indagine dignū est: illud tantū in præsentī urgeo, quod merito dicat se deterreri Soto, ne bilances perpetuæ suæ salutis, aut damnationis tali doctrinæ confidat.

XXIX. Verū & alia sunt, quæ jure merito me deterrēt, ne tali doctrinæ æternitatis exitum crederem.

Deterret me imprimis, quod refert. D. Antoninus

parte 4.

articulo 14

& cap. 5.

sub ini-

tiūm an-

te §. 2.

malè in contrariū citatus. ^b *Pœnitentes, præcipuè in infirmitatibus gradibus oportet admonere, ne ad pœnitendum, & confitendum propter hujusmodi (pœnas inferni, & Deum justum inferentem tales pœnas peccatoribus) principaliter moveantur, nam inutilis esset sibi talis pœnitentia.* Quod ita probat: *Quidam scholaris Parrhisius infirmatus ad mortem; confessus est cum multis lacrymis, de voce suscipiens omnia sacramenta secundum humanum judicium. Doctor autem ejus frequenter* *visitans*

visitans eum in infirmitate, rogavit eum, ut si contingeret de hac luce migrare, Domino concedente, sibi appareret ad revelandum statum suum: quod & promisit. Eo igitur viam universae carnis ingresso, post dies aliquot (dictus Scholaris) ei apparuit in lecto quiescens, in Chlamyde pergamenea plena sophismatibus, & igne foderata. Quem recognoscens & interrogans de statu suo: respondit se fore damnatum. Cumque ille miraretur nimis, causam quaerens: cum ipse cum tantis lachrymis penitnisset in fine, & sacramenta devotè suscepisset: respondit ille: penitentia mea, & lachrymae illae non fuerunt ex AMORE DEI, & principaliter propter Dei offensam, sed propter TIMOREM INFERNI, ne ad illum deputerer: & ideo mihi non valuit.

Deterret me insuper præclarum monitum sancti Ignatii apud Rodericum tractatu tertio de perfectione religiosa: ^{4 tom. 1.} omnes RECTAM habere INTENTIONEM ^{tract. 3.} studeant, ^{cap. 13.} non solum circa vitæ suæ statum, verum etiam circa res ^{pag. 125.} particulares, omnes id semper in eis syncerè spectantes, ut serviant & placeant divinæ bunitati propter seipsam, & propter charitatem & eximia beneficia, quibus prævenit nos, potius, quam ob TIMOREM POENARUM, vel spem præmiorum, quamvis hinc etiam judari debeant. Ego certè, ubi æternitatis gereretur negotium, saluberrimo illi monito promptissimè parem, & rectam, de qua agit vir sanctissimus, intentionem, mihi quâ possem animi contentione, comparare studerem.

a de du-
plici cōr
c. 11. pag.
342.

• Deterrent me & alia sanctissimorum virorum moni-
ta, quale est illud Ioannis Rusbroschij in libello de qui-
busdam præcipuis virtutibus: ^a *licet unus aliquis huiusmo-*
di contritionis (servilis) tantum habeat, quantum simul omnes
creatura unquam habuerunt, non meretur tamen, nec unius
saltem peccati veniam, quippe quæ ex charitate, quæ omnis ve-
ræ contritionis causa est, neutiquam proficiscitur.

b in c. 6.
pag. 168.
col. 2.

Cui monito affine est, quod tradit pius scriptor Di-
dacus Stella enarrationum in Lucam tomo primo ad
sanctæ inquisitionis hispaniæ decreta prorsus eliminato, &
summâ fide repurgato: ^b *si tantum dolorem & penitentiam*
peccatorum tuorum habueris, & illorum causâ tot lacrymas fu-
deris, QUOT SUNT GUTTÆ AQUÆ IN MARI, si hanc peniten-
tiam & dolorem habueris solum, vel præcipuè id cadens ne in
infernum eas, CERTISSIMÈ scias te hâc ratione damnandum
fore.

Cujus doctrinæ hanc rationem subjungit: *nam in pec-*
cato duo considerare debes: alterum offensam, quam adversus
dominum tuum commisisti, alterum verò malum, quod tibi ipsi
comparasti. Si igitur te peccati tui potius pœnetet propter in-
ferni cruciatum, quàm, quod Deum offenderis, manifestè est te
potius id cadere & fugere, quod contra te est, quàm id quod est
adversus Deum.... Hunc dolorem vocant scholastici attrition-
em, quæ filia est amoris proprii.

• Nec absimile est monitum piissimi Blosij, canone
vitz spiritualis capite 2. ^c *tibi promittitur peccatorum remis-*
sio, si

fit, si etiam in extremo vite articulo positus, VERÈ, id est ex AMORE DEI magis, quàm METU SUPPLICII, penitentiam egeris.

Et illud sanctissimi Thomæ à Villa-Nova sermone in Dominica passionis: a prima conditio (doloris contritionis,) quod sit purus, id est, propter Deum totaliter, ^{a pag. 162.} vel principaliter, ut dictum est, non propter damnum, non quod malum sit dolere de damno & de inferno, ... sed hic dolor non debet esse principalis, sed accessorius.

Agit de contritione, & quæ in omni tempore, & in omni lege, natura, scriptura, & gratia tamquam naturale & primum peccati remedium immobilis & immutabilis perseverat. ^{pag. 163.}

Deterreret me præterea, quod Ioannes Eckius scribens adversus Lutherum passim supponat doctrinam esse catholicorum, quod timor servilis non sufficiat obtinendæ justificationi, nisi accedat aliquis amor benevolentiae erga Deum. Libro 1. de poenitentia c. ita scribit: ^{c. cap. 9. pag. 143.} omnes Scholastici fatentur penitentem incipere à timore: sed non debet PERSEVERARE in timore: quia timor debet esse medium, non extremum: via, non terminus, alioquin habebit timorem Iudæ. Timor itaque non proficit, nisi accedat charitas expellens. Et infra: sufficiat divini verbi præconibus timore concipi penitentiam: ut sic peccator ab odio Dei per timorem vehatur ad amorem Dei.

Et Enchiridium Colon. ^d Quum ex timore per fulcrum misericordiae ad timorem filialem gradum fecerint, sum deum. ^{d pag. 124.}

ad veram pœnitentiam contristantur Atque hæc tandem est vera illa interior pœnitentia , ad quam omnis scriptura passim nos provocat & verbis & exemplis Cassiodorus ^a metum judicij jannam conversionis appellat, modò tamen discretio dilectionis addatur. Brevisiter, in hanc sententiam OMNES PII discedunt.

Deterret etiam, quod accuratissimus antiquitatis scrutator Ioannes Morinus lib. 8. de pœnit. scribat, ^b quod Melchior Canus, & Henricus quidam Salmanticensis doctor, primi fuerunt authores illius sententie, quæ admittit, attritionem ex sola formidine pœnæ conceptam, talemque à pœnimente cognitam, & immutatè se habentem, legitimam & sufficientem esse preparationem ad gratiam in sacramento suscipiendam. Et subjungit: ante hos neminem legi, qui sic doceret, vel docere perhiberetur. Ego certè, doctrinæ, quam accuratus ille scriptor non pridem traditam existimat, non auderem momentolum eternitatis negotium confidere.

XXX. Addo tamen, quod in simili Augustinus libro 1. de adult. conjug. ^c non tamen propterea damnamus eos, qui confidentius agunt, quàm nobis videatur agi oportere: satis quippe in talibus respiciendum est illud Apostoli, ubi dicit: ^d unusquisque nostrum pro se rationem reddet Deo. Non ergo amplius invicem judicemus.

Quamobrem objectioni propositæ respondeo, quod ego solius attritionis servilis de peccatis commissis præsidio

fidio munitus, non auderem me sistere tribunali supremi ac iustissimi iudicis: si quis secus sentiat: pro se rationem reddet Deo. Quis prudenter egerit, dies Domini declarabit & vniuscuiusque opus, quale sit, ignis probabit. ^a

a 1. ad
cor. 3. v.
13.

CAPUT NONUM.

Respondetur alijs argumentis D. Caramuelis.

Nullum non movet lapidem D. Caramuel, ut conclusionem à nobis positam labefactet. Verùm ex dictis facilè est omnibus, quæ magno studio cumulat, argumentis respondere. Ne quid tamen desideretur, nonnulla breviter discutimus.

§. I.

An peccet mortaliter, qui operatur cum conscientia dubia, utrum actus, quem committis sit peccatum mortale an veniale?

ISc argumentor, inquit Caramuel, ^a strictius teneor non ^{a pag. 682.} committere peccata, quàm commissa confiteri: nam venialia possum non confiteri, & tamen ea non possum committere, & mortalia possem in aliquibus casibus non confiteri, nec tamen dabitur casus in quo licetè possim illa committere: At in dubio (an actus sit peccatum mortale vel veniale) possum peccatum committere, nec peccabo mortaliter committendo: Ergo in dubio potero illud non confiteri, nec peccabo mortaliter non confitendo.

Huic

Huic argumento paucis respondeo, falsissimum esse, quod in dubio, an actus sit peccatum mortale, vel veniale, possim peccatum committere, nec mortaliter peccare.

op. 15.
637.

Qui enim in tali dubio peccatum committit, ut bene P. Vasquez apud Caramuelem, ² *sine dubio se exponit periculo peccandi mortaliter*: qui autem amat periculum peccandi mortaliter, peribit in illo mortaliter.

Et verò, talis animo sic affectus est, ut consentiat & paratus sit, quantum in se est, mortaliter delinquere, nec ab eventu pendet, ut mortaliter delinquat: unde, vel tum peccat mortaliter, vel certè nullū est mortaliter peccandi periculum aut dubiū, cūm eventus, qui non est in hominis potestate, nihil possit ad peccati rationem conferre.

Quod patet in simili. Qui enim sponte bibit venenū, de quo dubius & incertus est, utrum grave & mortiferum, an leve duntaxat & non mortiferum corpori nocumentum inferat, omnium consensu consentit morti propriæ, & sic affectus est, ut paratus sit, quantum in se est, mortem veneno bibere, & seipsum interficere. Ergo idem censendum est de veneno & morte spiritali.

Neque me moratur Dianæ, aut similium allegata à Caramuele autoritas: vel enim rem tam absonam non docuerunt, & proinde perperam allegantur: vel certè si rem tam absonam docuerint, propter illud ipsum, quod tam evidenter peccent in prima luminis naturæ principia, similium Scriptorum auctoritati deferre nolo.

§. 2.

Verùm mortale dubium, fit fundamentum certæ obligationis confitendi?

II. | N thesibus Viennensibus, quæ Caramuelis stylum redolent, rationem hanc à priori tãquam efficacem nobis objicit D. Caramuel : *non potest esse certior obligatio confitendi, quàm sit fundamentum & radix hujus obligationis, atqui totum obligationis confitendi fundamentum est peccasse mortaliter, & necdum esse confessum, ideoque alterutro deficiente non est obligatio confitendi, ut patet. Ergo si non sit certum obligationis fundamentum confitendi, hoc ipso oritur dubium de obligatione, sed dubia obligatio nulla est obligatio : in dubio enim de libertate standum est pro libertate &c.*

Verùm huic argumento facilè respondetur, quod fundamentum & radix obligationis confitendi, non sit solùm mortale certum, sed etiam dubium. Sicut non solùm vulnus certum, sed etiam dubium, est fundamentum & radix adhibendi certum & indubitatum medicinale remedium.

Unde quandò dicitur, quod fundamentum obligationis confitendi sit peccasse mortaliter, & hoc non esse certum, distinctione opus est, non enim est certum peccatum, sed certum obligationis confitendi fundamentum. Sicut, ut ab exemplo proposito non recedam, qui dubitat an sit læsus mortaliter, non habet certum vulnus, sed habet certum fundamentum obligationis adhibendi oblatum sibi medicinale remedium.

V

Addo,

Addo, quod hoc argumento probaretur ne quidem esse obligationem habendi contritionem de peccatis mortalibus dubijs: quandoquidem fundamentum habendi contritionem, sit peccasse mortaliter, & hoc non sit certum, quando peccatum mortale est dubium.

§. 3.

*Sitne scrupulosis suadendum ne, mortalia dubia confiteantur?
Quæ hac in re scrupulosos inter & alios disparitas?*

III. **I**uvabit etiam expendere illud Caramuelis argumentum: ^a scrupulosis suadetur ne confiteantur dubia, & nemo auderet suadere ne confiteantur peccata certa: ergo non est aqualis obligatio. Consequentia videtur evidens. Secunda autecedentis pars ab omnibus admissa, prima à plurimis: nempe à Layman &c. tunc sic. Omissio peccati certi nullo casu consulenda est, & omissio dubij scrupuloso pœnitenti consulitur. Ergo hac omissio non militat contra institutionem, & integritatem sacramenti.

Non capio quid sibi velit D. Caramuel, quando dicit, omissio peccati certi nullo casu consulenda est. Quid enim? non est consulendum, ut omitteremus peccatum certum? oportebit igitur consulere, ut peccatum certum committamus?

Verùm, quia res illa nihil attinet ad præsens negotium, argumento directè respondeo, nullam esse consequentiam, quod enim scrupulosis detur tale consilium, non
provenit

provenit ex eo capite, quod dubia non sint in Confessione exprimenda, aliàs non deberet hoc solis scrupulosis, sed omnibus indifferenter suaderi: sed eò fit, quod raro habeant vera dubia, nec soleant discernere inter scrupulum, & dubium, soleantque timere, ubi non est timor. Unde confessarij dum inhihent confiteri peccata dubia, reipsà non inhihent nisi confiteri scrupulos. Qua in re prudens confessarius attendere debet ad circumstantias, non est enim dubium, quin tales possint esse circumstantiæ, quibus confessarius non possit scrupulosis inhihere confessionem mortalium reverà dubiorum.

Deinde multa licent scrupulosis, quæ alijs non licent: nam multa sunt, quæ scrupulosi sine notabili spiritali incòmodo non possunt præstare, cùm interim non scrupulosi possint eadem præstare nullo negotio & incommodo. Certum est autem, notabile aliquod spirituale incommodum, ex multorum sententia, exculare ab integritate confessionis.

§. 4.

Argumentum ab autoritate thesauri

Lothariensium.

IV. **R**ecensendæ etiam, inquit Caramuel, sunt theses ^{1715.}_{682.} publicæ in nostra Vniuersitate defensæ, quibus majorem autoritatē attribuimus, quàm placitis privatorum Doctorum, cùm enim sine contradictione defendi permittuntur, dicendæ sunt judicari probabiles à superioribus & reliquis Doctoribus,

floribus, qui possunt & debent curare, ne improbables sententia in publico Gymnasio defendantur.

Dico igitur, subiungit, benigniorem sententiam in doctissimo P. P. Iesuitarum Gymnasio me presente defensam.

Quod D. Caramuel sententiam nostræ oppositam vocet *benigniore*, nullatenus probo, prudentissimè enim jurisprudentiæ alumnus Panormitanus in cap. ju-

cap. 3.
col. 1. n. 1

venis ✕ DE SPONSALIBUS: *a in concernentibus periculum animæ debemus in DUBIIS semper tenere, quod certius est, & quod sine periculo animæ explicari potest. Vnde in istis ILLA PARS EST MITIOR, QUÆ EST TUTIOR.*

b tracl. 6.
num. 41.
pag. 727

Ceterum quod attinet ad objectionem propositam, oppono nō theses, sed opus theologicum R. P. Ludovici de Schildere S. Th. Lovanij Professoris, ^b cui video placuisse *impertinens*, quod thesibus de sacramentis appo-
fueram anno 1663. quo continebatur, quod in *Luthero damnata fuerit doctrina, quæ docet peccata mortalia dubia non esse in confessione exprimenda.* Quod tum prolixè ostendi verbis Ioannis Eckij, Roffensis, Iacobi Latomi, & Bellarmini, quæ perpaucis operi suo theologico etiam attexuit prædictus R. Pater Professor. Unde spero futurum, ut posthac de simili patrocínio non gloriatur D. Caramuel.

Atque hæc de mortalium dubiorum confessione sufficiant, quæ omnia sanctæ romanæ ecclesiæ iudicio profundissimè submitto.

INDEX

INDEX CAPITUM

ET

PARAGRAPHORUM.

- C** Aput I. De Martini Lutheri circa propositam disquisitionem sententia. Pagina 7.
- S. 1. Ostenditur ex ipso Luthero, lutheranum esse dogma, quod mortalia dubia non sint in confessione declaranda, quodque manifesta opposueris dubijs, non occultis. ibid.
- S. 2. Idipsum ostenditur ex Ioanne Rossensi, & Eckio, Iacobo Lacommo, & Cardinali Bellarmino de Lutheri doctrina scribentibus. pag. 10.
- S. 3. Lutherus ante omnem condemnationem Leonis X. docuit mortalia dubia non esse in confessione exponenda: idq. constat ex ipso sermone de poenitentia unde articulus 8. desumptus est. Articulo 8. mendose legitur MANIFESTA, legendum MANIFESTÈ MORTALIA. pag. 14.
- S. 4. Praoccupatur quadam ad praedicta responsio. Argumenta in oppositum sic retorquentur, ut ex objectis Lutheri verbi praecedens doctrina evidentiſſimè confirmetur. pag. 20.
- S. 5. Ratio cur Lutherus juxta fundamenta doctrinae suae necessario docuerit mortalia dubia non esse in confessione explicanda. p. 26.
- Cap. 2. Qua fuerit Leonis X. de proposita disquisitione sententia? pag. 27.
- S. 1. Leo X. iteratâ constitutione damnauit doctrinam, qua requirit manifestam scientiam, vel euidensem notitiam peccati mortalis, ut quis obligetur illud confiteri. pag. 28.
- S. 2. Eâdem Leonis X. condemnatione videtur perstringi doctrina, quae negat mortalia dubia in confessione explicanda. pag. 30.
- S. 3. Confutatio cuiusdam, quae ad praedicta adferri posset, responsionis. pag. 32.
- Cap. 3. Qua fuerit Concilij Tridentini de confessione mortalium dubiorum sententia? pag. 36.
- S. 1. Tridentinum uniuersis canonibus de sacramento poenitentiae per-

Index Caputum

perstringit, vel doctrinam, vel plerumque ipsissima Lurbe-
ri verba.

pag. 37.

- §. 2. Varia ex fessione 14. tridentini capite 5. adversus Caramue-
lem argumenta.

pag. 49.

- §. 3. Aliud Argumentum, ex eo, quod juxta tridentinum sess. 6.
cap. 14. mortale non remittatur nisi per confessionem saltem IN
VOTO, ET SUO TEMPORE FACIENDAM, non sit autem confessio
in voto & suo tempore facienda, dum quis mortale dubium, licet
possit non vult confiteri.

pag. 57.

- §. 4. Argumentum precedenti simile, ex eo quod mortale dubium in
confessione non explicatum, non remittatur indirectè per aliorum
confessionem, neque per contritionem.

pag. 61.

- §. 5. Præoccupatur quedam responsio, & multis ostenditur, quod
sterilis illa animi preparatio, quæ quis animo sic affectus est, ut
confiteretur mortalia dubia, si certò constaret a se commissæ, maxi-
me ubi nunquam constare poterit, nullâ ratione possit dici votum
confessionis.

pag. 64.

- Cap. 4. Varia argumenta quibus probatur obligatio confitendi mor-
talia dubia.

pag. 69.

- §. 1. Ex obligatione suscipiendi baptismum dubium, probatur obli-
gatio confitendi mortalia dubia.

ibid.

- §. 2. Aliud argumentum ex praxi Ecclesiæ, & communi sensu fide-
lium.

pag. 74.

- §. 3. Ex officio confessarii, qui non tantum judicis, sed etiam medici
officio fungitur, obligatio cōfitendi mortalia dubia stabilitur.

p. 79.

- §. 4. Diversæ probationes conglobatæ.

pag. 83.

- Cap. 5. Respondetur argumentis D. Caramuelis ex tridenti-
no.

pag. 89.

- §. 1. Ostenditur falli D. Caramuelem, dum putat conscientiam in
tridentino designare notitiam scientificam Item, conscientiam pecca-
ti mortalis gravati, non eum tantum, qui certus est, verum etiam,
qui dubius est, an mortaliter deliquerit?

ibid.

- §. 2. Quid igitur nomine CONSCIENTIÆ intellexerit tridenti-
num?

pag. 94.

& Paragraphorum.

- §. 3. Respondetur ulterioribus Caramuelis probationibus ex tridentino. pag. 97.
- Cap. 6. Respondetur argumentis ex prætensa analogia tribunalis forensis, & sacramentalis. pag. 101.
- §. 1. Declaratur discrimen inter tribunal forense & sacramentale. ibid.
- §. 2. Cujusmodi absolutio impendi debeat mortali dubio? Sitne necesse peccato dubio in confessione certam materiam adungere? pag. 103.
- §. 3. Possint mortali dubio conditionata absolutio impendi? Lapsus Caramuelis negantis baptismum posse sub conditione conferri. Quorundam opinio, quod mortali dubio possit impendi absolutio sine conditione. pag. 108.
- Cap. 7. Respondetur argumento ex prætensa possessione libertatis agendi desumpto. pag. 111.
- §. 1. Virum, axioma illud, MELIOR EST CONDITIO POSSIDENTIS, possit assumi pro principio practico in moralibus, eò quòd MELIOR SIT CONDITIO POSSIDENTIS LIBERTATEM AGENDI? pag. 112.
- §. 2. Probatur varijs exemplis, eum, qui dubitat, non semper possidere libertatem agendi vel non agendi. Retorquetur argumentum, & posita à nobis conclusio firmatur. pag. 113.
- §. 3. Præceptum potius dicendum esse possidere. Improprè hic dicitur possessionem. Conditionem possidentis meliorem esse in materia justitiæ. Non esse hic dubium de obligatione confitendi, sed de peccato commisso. pag. 117.
- Cap. 8. Respondetur argumento desumpto ex probabili opinione peccati mortalis in dubio non commissi. pag. 121.
- §. 1. Sitne generaliter & universè verum, quod licitum sit dirigere conscientiam ex præscripto opinionis, etiam minus probabili. pag. 122.
- §. 2. Saltem in administratione, vel susceptione sacramentorum non esse licitum, extra casum necessitatis opinioni minus probabili insistere neglectà probabiliori & iustiori. pag. 126.

Index Capitum & Paragraphorum.

- §. 3. *Obligatio adhibendi materiam vel formam certam in administratione vel susceptione sacramentorum non provenit ex solo charitatis erga proximum officio, verum etiam religionis in Deum.* pag. 130.
- §. 4. *Difficilis adversus predicta objectio. An, & qualis attributio cum sacramento sufficiat ad impetrandam veniam peccatorum?* 139.
- Cap. 9. *Respondetur alijs argumentis D. Caramuelis.* pag. 151.
- §. 1. *An peccet mortaliter, qui operatur cum conscientia dubia, utrum actus, quem committit sit peccatum mortale, an veniale?* ibid.
- §. 2. *Verum mortale dubium, sit fundamentum certa obligationis confitendi?* pag. 153.
- §. 3. *Sine scrupulis suadendum ne mortalia dubia confiteantur? Quae hac in re scrupulosos inter & alios disparitas?* pag. 154.
- §. 4. *Argumentum ab auctoritate Thesauri Levaniensis.* p. 155.

F I N I S.

